

五代史記注

五代史記卷第六上

廬陵歐陽脩撰

徐無黨原注

南昌彭元瑞注

劉鳳誥排次

唐本紀第六

明宗聖德和武欽孝皇帝

五代會要明宗聖德和武欽孝皇帝追冊孝成皇帝長子

母追冊懿皇后張氏唐咸通八年九月九日生於代北

金鳳殿以其日爲應聖節

冊府元龜明宗以咸通八年

九月生於代北之金鳳城

世本夷狄無姓氏父霓爲鴈門部將生

子邈佖烈以騎射事太祖爲人質厚寡言執事恭謹五代

史明宗聖德和武欽孝皇帝諱亶初名嗣源及卽位改

今諱代北人也世事武皇及其錫姓也遂編于屬籍四

代祖諱聿皇贈麟州刺史天成初追尊爲孝恭皇帝廟

號惠祖陵曰遂陵高祖妣衛國夫人崔氏追謚爲孝恭

昭皇后三代祖諱教皇贈朔州刺史追尊為孝質皇帝
廟號毅祖陵曰衍陵曾祖妣趙國夫人張氏追諡為孝
質順皇后皇祖諱琰皇皇贈蔚州刺史追尊為孝靖皇帝
廟號烈祖陵曰奕陵皇皇祖妣秦國夫人何氏追諡為孝
靖穆皇后皇考諱霓皇皇贈汾州刺史追尊為孝成皇帝
廟號德祖陵曰慶陵皇皇妣宋國夫人劉氏追諡為孝成
懿皇后帝即孝成之元子也以唐咸通丁亥歲九月九
日懿皇后生帝于應州之金城縣初孝成事唐獻祖為
愛將獻祖之失振武為吐渾所攻部下離散孝成獨奮
忠義解蔚州之圍武皇為之鎮鴈門也孝成厭代帝年甫
十三善騎射獻祖見而撫之曰英氣如父可待吾左右
每從圍獵仰射飛鳥控弦必中尋隸武皇帳下武皇遇
上源之難將佐罹害者甚眾帝時年十七翼武皇踰垣
脫難于亂兵流矢之內獨無所傷武皇鎮河東以帝掌
親騎時李存信為蕃漢大將每總兵征討師多不利武
皇遂選帝赴之所向克捷帝嘗宿于雁門逆旅媼方娠
不時具饌媼聞腹中兒語云大家至矣速宜進食媼異
之遽起親奉庖爨甚恭帝詰之媼告其故帝既壯雄武
獨斷謙和下士每有戰功未嘗自伐居常唯治兵仗持
無處靜晏如也武皇常試之召于泉府命恣其所取帝

唯持束帛數緡而出凡所賜與分給部下嘗與諸將會
諸將矜銜武勇帝徐曰公輩以口擊賊吾以手擊賊衆
慙而止冊府元龜明宗初在太祖左右大順中吐渾
黠戛斯侵代北陷遮虜軍執我軍使劉胡子時遣大將
李存信拒戰不利太祖讓存信曰非蕃部難敵乃公之
翼懦也吾擇帳下豪俊副公戰必捷矣遂命帝副存信
軍再戰果捷存信時爲河東蕃漢步騎大將四征討伐
畧無虛歲常命帝左右其軍北夢瑣言後唐明宗皇
帝微時隨蕃將李存信巡邊宿于鴈門逆旅逆旅媼方
姪帝至不時具食腹中兒語謂母曰天子至速宜具食
聲聞于外媼異之遽起親奉庖爨敬事尤謹帝以媼前
倂後恭詰之曰公貴不可言也問其故具道娠子腹語
軍事帝曰老嫗遜言懼吾辱耳後果如言又明宗始在
軍中居常唯治兵仗不事生產雄武謙和臨財尤廉家
財屢空處之晏如也太祖欲試以誠召于泉府命恣意
取之所取不過束帛數緡而已所得賜與必分部下戰
勝凱還儕類自伐帝徐言曰人戰
以口我戰以手衆皆心服其能

太祖養以爲子賜名

嗣源梁攻兗鄆朱宣朱瑾來乞師太祖遣李存信將兵

三萬救之存信畱莘縣不進使嗣源別以兵三千先擊

梁兵梁兵解去存信畱莘縣久之爲羅宏信所襲存信

敗走嗣源獨殿而還太祖以嗣源所將騎五百號橫衝

都五代史景福初黑山戍將王弁據振武叛帝率其屬

求救于武皇武皇先遣騎將李承嗣史儼援之復遣李

存信將兵三萬屯于莘縣聞汴軍益盛攻兗甚急存信

遣帝率三百騎而往敗汴軍于任城遂解兗州之圍朱

瑾見帝執手涕謝其年魏帥羅宏信背盟襲破李存信

于莘縣帝奮命殿軍而還武皇嘉其功卽以所屬五百

騎號曰橫衝都侍于帳下故兩河間目帝爲李橫衝
冊府元龜晉張從訓初唐莊宗與梁人相拒于德勝口
徵赴軍前補先鋒游奕使俄轉雲捷指揮使檢校司空
賜姓名繼鸞從諸子之行也明宗徵時嘗在存信麾下
爲都押衙與從訓有舊及卽位授石州刺史復舊姓名
光化三年李嗣昭攻梁邢洺出青山遇葛從周兵嗣昭

大敗走梁兵追之嗣源從間道後至謂嗣昭曰爲公一

戰乃解鞍礪鏃憑高爲陣左右指畫梁追兵望之莫測

嗣源急呼曰吾取葛公士卒可無動乃馳騎犯之出入

奮擊嗣昭繼進梁兵解去嗣源身中四矢太祖解衣賜

藥以勞之由是李橫衝名重四方五代史明年武皇遣大將軍李嗣昭率師

下馬嶺關將復邢洺梁將葛從周以兵應援嗣昭兵敗退入青山口梁軍扼其路步兵不戰自潰嗣昭不能至

會帝本軍至謂嗣昭曰步兵雖散若吾輩空迴大事去矣爲公試決一戰不捷而死差勝被囚嗣昭曰吾爲卿

副帝率其屬解鞍礪鏃憑高列陣左右指畫梁人莫之測因呼曰吾王命我取葛司徒他士可無併命卽經犯

其陣奮擊如神嗣昭繼進梁軍卽時退去帝與嗣昭收兵入關帝四中流矢血流被股武皇解衣授藥手賜卮

酒撫其背曰吾兒神人也微吾兒幾爲從周所笑自青山之戰名聞天下天復中梁祖遣氏叔琮將兵五萬營

于洞渦足時諸道之師畢萃於太原郡縣多陷于梁晉
陽城外營壘相望武皇登陴號令不遑飲食屬大雨彌
旬城壘多壞武皇令帝與李嗣昭分兵四出突入諸營
梁軍由是引退帝率偏師追襲復諸郡邑昭宗之幸鳳
翔也梁祖率衆攻圍岐山武皇奉詔應援遣李嗣昭周
德威出師晉絳營于蒲縣嗣昭等軍大爲梁將朱友寧
氏叔琮所敗梁之追兵直抵晉陽營于晉祠日以步騎
環城武皇登城督衆憂形于色攻城旣急武皇與大將
謀欲出奔雲中帝曰攻守之謀據城百倍但兒等在必
能固守乃止居數日潰軍稍集率敢死之士日夜分出
諸門掩襲梁軍擒其驍將游崑崙梁晉相拒于栢鄉梁龍
岫等梁軍失勢乃燒營而退
驤軍以赤白馬爲兩陣旗幟鎧仗皆如馬色晉兵望之
皆懼莊宗舉鍾以飲嗣源曰卿望梁家赤白馬懼乎雖
吾亦怯也嗣源笑曰有其表爾翌日歸吾廐也莊宗大
喜曰卿當以氣吞之因舉鍾飲酬奮擣馳騎犯其白馬

挾二裨將而還梁兵敗以功拜代州刺史五代史天祐五年五月莊

宗親將兵以救潞州之圍帝時領突騎左右軍與周德威分爲二廣帝晨至夾城東北隅命斧其鹿角負芻填

塹下馬乘城大譟時德威登西北隅亦譟以應之帝先

入夾城大破梁軍是日解圍其功居最柏鄉之役兩軍

旣成列莊宗以梁軍甚盛慮師入之怯欲激壯之手持

白金巨鍾賜帝酒謂之曰卿見南軍白馬赤馬都否視

之令人膽破帝曰彼虛有其表耳翼日當歸吾廐中莊

宗撫髯大笑曰卿已氣吞之矣帝引鍾盡醕卽屬鞭揮

彈躍馬挺身與其部下百人直犯白馬都奮撾舞稍生

挾二騎校而迴飛矢麗帝甲如蝟毛焉由是三軍增氣

自辰及未騎軍百戰帝往來衝擊執訊獲醜不可勝計

是日梁軍大敗以功授代州刺史又皇甫立代北人

也唐明宗之刺代州署爲牙校從厯藩鎮性純謹明宗

深委信之王建立安重誨策名委質皆在立後明宗踐

阼以立爲忻州刺史長興末轉洺州團練使廣順初遷

鄆州節度使檢校太保清泰三年春移鎮潞州未幾改

華州晉天福中授左神武統軍少帝卽位歷左金吾衛

上將軍累官至檢校太尉高祖定天下授特進太子太

師致仕乾祐二年秋卒

莊宗攻劉守光嗣源及李嗣昭將兵三萬

別出飛狐定山後取武嬀儒三州莊宗已平魏州因徇

下磁相拜相州刺史昭德軍節度使久之徙鎮安國代五

史莊宗遣周德威伐幽州帝分兵畧定山後八軍與劉
守光愛將元行欽戰于廣邊軍凡八戰帝控弦發矢七
中行欽酣戰不解矢亦中帝股拔矢復戰行欽窮蹙面
縛乞降帝酌酒飲之拊其背曰吾子壯士也因厚遇之
十三年二月莊宗與梁將劉鄩大戰于故元城北帝以
三千騎環之鼓譟奮擊內外合勢鄩軍殆盡帝徇地磁
洛四月相州張筠遁走乃以帝為相州刺史九月滄州
節度使戴思遠棄城歸汴小將毛璋據州納欵莊宗命
率兵慰撫既入城以軍府父安報莊宗書吏誤云已至
滄州禮上畢莊宗省狀怒曰嗣源反耶帝聞之懼歸罪
于書吏斬之未幾承契丹攻幽州莊宗遣嗣源與閭寶
制授邢州節度使契丹攻幽州莊宗遣嗣源與閭寶
等擊走之五代史十四年四月契丹安巴堅率眾三十
萬攻幽州周德威間使告急莊宗召諸將議

進取之計諸將咸言敵勢不能持久野無所掠食盡自
還然後踵而擊之可也帝奏曰德威盡忠于家國孤城
被攻危亡在即不宜更待敵衰願假臣突騎五千爲前
鋒以援之莊宗曰公言是也即令帝與李存審開寶率
軍赴援帝爲前鋒會軍于易州帝謂諸將曰敵騎以馬
上爲生不須營壘況彼衆我寡所宜銜枚箝馬潛行溪
澗襲其不備也八月師發上谷陰晦而雨帝仰天祈祝
卽時晴霽師循大房嶺緣澗而進翼日敵騎大至每遇
谷口敵騎扼其前帝與長子從珂奮命血戰敵卽解去
我軍方得前進距幽州兩舍敵騎復當谷口而陣我軍
失色帝曰爲將者受命忘家臨敵忘身以身殉國正在
今日諸君觀吾父子與敵周旋因挺身入于敵陣以邊
語諭之曰爾輩非吾敵吾當與天皇較力耳舞搗奮擊
萬衆披靡俄挾其酋帥而還我軍呼躍奮擊敵衆大敗
勢如席卷委棄鎧仗羊馬殆不勝紀是日解圍大軍入
幽州周德威迎帝執手歔歔九月班師于魏州莊宗親
出郊勞進位檢校太保十八年十月從莊宗大破梁將
戴思遠于戚城斬首二萬級莊宗以帝爲蕃漢副總管
加同平章事

同光元年徙鎮橫海是時梁唐相拒于河上李

繼韜以潞州叛降梁莊宗有憂色召嗣源帳中謂曰繼韜以上黨降梁而梁方急攻澤州吾出不意攻其鄆州以斷梁右臂可乎嗣源對曰夾河之兵久矣苟非出奇則大計不決臣請獨當之乃以步騎五千涉濟至鄆州鄆人無備遂襲破之卽拜天平軍節度使蕃漢馬步軍副都總管梁軍攻破德勝南柵莊宗退保楊劉王彥章急攻鄆州莊宗悉軍救之嗣源爲前鋒擊敗梁軍追至中都擒彥章及梁監軍張漢傑彥章雖敗而段凝悉將梁兵屯河上莊宗未知所嚮諸將多言乘勝以取青齊嗣源曰彥章之敗凝猶未知使其聞之遲疑定計亦須

三日縱使料吾所向亟發救兵必渡黎陽數萬之衆舟楫非一日具也此去汴州不數百里前無險阻方陣而行信宿可至汴州已破段凝豈足顧哉而郭崇韜亦勸莊宗入汴莊宗以爲然遣嗣源以千騎先至汴州攻封邱門王瓚開門降莊宗後至見嗣源大喜手攬其衣以

頭觸之曰天下與爾共之拜中書令

五代史二十年代李存審爲滄州節

度使四月莊宗卽位于鄴宮帝進位檢校太傅兼侍中尋命帝率步騎五千襲鄆州下之授天平軍節度使五月梁人陷德勝南城圍楊劉以扼出師之路帝孤守汶陽四面拒寇久之莊宗方解楊劉之圍九月梁將王彥章以步騎萬人迫鄆州自中都渡汶帝遣長子從珂率騎逆戰于遞坊鎮獲梁將任釗等三百人彥章退保中都莊宗聞其捷自楊劉引軍至鄆以帝爲前鋒大破梁軍于中都生擒王彥章等是日諸將稱賀莊宗以酒屬

帝曰昨朕在朝城諸君多勸朕棄鄆州以河爲界賴副
總管禦侮于前崇韜畫謀于內若信李紹宏輩大事已
掃地矣莊宗與諸將議兵所向諸將多云青齊徐兗皆
空城耳王師一臨不戰自下唯帝勸莊宗徑取汴州語
在莊宗紀中莊宗嘉之帝卽時前進莊宗繼發中都十
月己卯遲明帝先至汴州攻封邱門汴將王瓚開門迎
降帝至建國門聞梁祖已殂乃號令安撫迴軍于封禪
寺辰時莊宗至帝迎謁路側莊宗大悅手引帝衣以首
觸帝曰吾有天下由公之血戰也當與公共之尋進位
兼中書令五代會要同光元年十一月授蕃漢馬步
總管二年莊宗祀天南郊賜以鐵券五月破楊立于潞州
六月徙鎮宣武兼蕃漢內外馬步軍總管冬契丹侵漁
陽嗣源敗之于涿州五代史二年正月契丹犯塞帝受
命北征二月莊宗以郊天禮畢賜
帝鐵券四月潞州小將楊立叛帝受詔討之五月擒楊
立以獻六月進位太尉移鎮汴州代李存審爲蕃漢總
管十二月三年徙鎮成德五代史三年正月帝領兵破
契丹于涿州移授鎮州節度

使莊宗幸鄴請朝行在不許貞簡太后疾請入省又不許太后崩請赴山陵許之而契丹侵邊乃止十二月遂朝于洛陽五代史先是帝領兵過鄴鄴庫素有御甲帝取五百聯以行是歲莊宗幸鄴知之怒甚無何帝奏請以長子從珂爲北京衛內都指揮使莊宗愈不悅曰軍政在吾安得爲子奏請吾之細鎧不奉詔旨強取其意何也令畱守張憲自往取之左右說諭乃止帝憂恐不自安上表申理方解十二月帝朝于洛陽是時莊宗失政四方饑饉軍士匱乏有賣兒貼婦者道路怨咨帝在京師頗爲謠言所屬泊朱友謙郭崇韜無名被戮中外大臣皆懷憂懾諸軍馬步都虞候朱守殷奉密旨伺帝起居守殷陰謂帝曰德業震主者身危功蓋天下者不賞公可謂震主矣宜自圖之無與禍會帝曰吾心不負天地禍福之來吾無所避付之于天卿勿多談也

天成元年

原注實同光四年而書天成元年者大赦改元文見下可知莊宗本紀自書同光四年各

從其所稱既不改元不嫌二號也郭崇韜朱友謙皆以讒死嗣源以名

位高亦見疑忌趙在禮反于魏大臣皆請遣嗣源討賊

莊宗不許羣臣屢請莊宗不得已遣之五代史四年二月六日趙在禮

據魏州反莊宗遣元行欽將兵攻之行欽不利退保衛

州初帝善遇樞密使李紹宏及帝在洛陽羣小多以飛

語謗毀紹宏每為庇護會行欽兵退河南尹張全義

密奏請委帝北伐紹宏贊成之遂遣帝將兵渡河

月壬子嗣源至魏五代史纂誤今按莊宗紀四月丁亥

當為二月壬子也案三月壬子嗣源至魏歐陽史本于

薛史據薛史莊宗紀同光四年三月丁未朔四月丁丑

朔是三月丙寅當有壬子日矣而明宗紀又作四月丁亥

朔以正月戊午朔五月丙辰朔推之則莊宗紀之三四

兩月朔實誤歐陽史分采兩紀之文未

嘗總核月日遂致前後參差附訂于此

屯御河南在禮

登樓謝罪甲寅軍變嗣源入于魏與在禮合夕出止魏

縣五代史三月六日帝至鄴都趙在禮等登城謝罪出
九日攻城入日夜軍亂從馬直軍士有張破敗者號令
諸軍各殺都將縱火焚營謹雷動至五鼓亂兵逼帝
營親軍搏戰傷者殆半亂兵益盛帝叱之責其狂逆
之狀亂兵對曰昨貝州戍兵主上不垂厚宥又聞鄴城
平定之後欲盡坑全軍某等初無叛志直畏死耳已其
諸軍商量與城中合勢擊退諸道之師欲主上帝河南
請令公帝河北帝泣而拒之亂兵呼曰令公欲何之不
帝河北則爲他人所有苟不見機事當不測抽戈露刃
環帝左右安重誨霍彥威躍帝足請詭隨之因爲亂兵
迫入鄴城懸橋已發其扶帝越壕而入趙在禮等歡泣
奉迎是日饗將士于行宮在禮等不納外兵軍衆流散
無所歸向帝登南樓謂在禮曰欲建大計非兵不能集
事吾自于城外招撫諸軍帝乃得出夜至魏縣部下不
滿百人時霍彥威所將鎮州兵五千人獨不亂聞帝既
出相率歸帝詰朝帝登城掩泣曰國家患難一至于此
來日歸藩上章徐圖再舉安重誨霍彥威等曰此言非
便也國家付以閭外之事不幸師徒逗撓爲賊驚奔元
行欽狂妄小人彼在城南未聞戰聲無故棄甲如朝天

之日信其奏陳何所不至若歸藩聽命便是強據要君
正墮譏慝之口也正當星行歸闕面叩玉階譏問沮謀
席全功業無便于此者也帝從之又孫璋齊州厯城
人出身行間隸梁將楊師厚麾下稍補奉化軍使莊宗
入鄴累遷澶州都指揮使明宗鎮常山推為裨校鄴兵
之變從明宗赴難京師天成初厯趙登二州刺史齊州
防禦使王都之據中山璋為定州行營都虞候賊平加
檢校太保長興初授鄜州節度使罷鎮卒於洛陽年六
十一贈太尉又鄭琮太原人也始事唐武皇為五院
軍小校屢有軍功莊宗在河上為馬步都虞候戎伍之
事一顧不忘凡所詰問應荅如流故所在知名唐同光
末從明宗伐魏州時軍情有變明宗退守魏縣未知趨
向安重誨將徵兵于四方琮在帳前厯數諸道屯軍及
主將姓名附口傳檄相次而至明宗即位嘉其功授防
州刺史秩滿父老請畱三年八月授左羽林統軍唐長
興二年二月出刺武州高祖即位復居環衛久之以俸
薄家貧鬱鬱不得志天福中以疾終于官贈司徒五
代史纂誤今按霍彥威傳云明宗入城與趙在禮置酒
大會而部兵在外者聞明宗反皆潰去獨彥威所將五
千人營城西北隅不動居二日明宗復出得彥威兵乃

之魏縣今此乃云甲寅軍變與魏叛兵合夕出魏縣二說不同未知孰是丁巳以其兵南遣

石敬瑭將三百騎爲先鋒嗣源行過鉅鹿掠小坊馬三

千匹以益軍壬申入汴州五代史十一日發魏縣至相州獲官馬二千匹始得成軍

元行欽退保衛州果以飛語上奏帝上章申理莊宗遣

帝子從審及內官白從訓齎詔諭帝從審至衛州爲行

欽所械帝奏章亦不達帝乃趨白臯渡駐軍于河上會

山東上供綱載數船適至乃取以賞軍軍士以之增

氣及將濟以渡船甚少帝方憂之忽有木機數隻沿流

而至卽用以濟師故無畱滯焉二十六日至汴州莊宗

領兵至榮澤遣龍驤都校姚彥溫爲前鋒是日彥溫率

部下入百騎歸于帝具言主上爲行欽所惑事勢已離

難與共事帝曰卿自不忠言何恃也乃奪其兵仍下令

曰主上未諒吾心遂致軍情至此宜速赴京師旣而房

知溫杜晏球自四月丁亥莊宗崩已丑入洛陽甲午監

北面相繼而至國朝羣臣于興聖宮乙未中門使安重誨爲樞密使殺

元行欽及租庸使孔謙壬寅左驍衛大將軍孔循爲樞

密使

五代史四月丁亥朔至蜀子谷聞蕭牆變作莊宗晏駕帝慟哭不自勝詰旦朱守殷遣人馳報京城

大亂燔剽不息請速至京師已丑帝至洛陽止于舊宅分命諸將止其焚掠百官弊衣旅見帝謝之斂衽泣涕時魏王繼岌征蜀未還帝謂朱守殷曰公善巡撫以待魏王吾當奉大行梓宮山陵禮畢即歸藩矣是日羣臣諸將上牋勸進帝面諭止之樞密使李紹宏張居翰宰相豆盧革韋說六軍馬步都虞候朱守殷青州節度使符習徐州節度使霍彥威宋州節度使杜晏球兗州節度使房知溫等頓首言曰帝王應運蓋有天命三靈所屬當協冥符福之所鍾不可以謙遜免道之已喪不可以智力求前代因敗爲功殷憂啟聖少康重興于有夏平王再復于宗周其命維新不失舊物今日廟社無依人神乏主天命所屬人何能爭光武所謂使成帝再生無以讓天下願殿下俯徇樂推時哉無失軍國大事望以教令施行帝優答不從壬辰文武百寮三拜牋請行監國之儀以安宗社荅旨從之既而有司上監國儀注甲午幸大內興聖宮始受百寮班見之儀所司議卽位

儀注霍彥威孔循等言唐之運數已衰不如自創新號
因請改國號不從士德帝問藩邸侍臣左右奏曰先帝
以錫姓宗屬爲唐雪冤以繼唐祚今梁朝舊人不願殿
下稱唐請更名號帝曰子年十三事獻祖以子宗屬愛
幸不異所生事武皇三十年排難解紛櫛風沐雨冒刃
血戰體無完膚何艱險之不歷武皇功業卽子功業先
帝天下卽子天下也兄亡弟紹于義何嫌且同宗異號
出何典禮運之哀隆吾自當之衆之莠言吾無取也時
羣臣集議依違不定唯吏部尙書李琪議曰殿下宗室
勳賢立大功于三世一朝雨泣赴難安定宗社撫事因
心不失舊物若別新統制則先朝便是路人焚焚梓宮
何所歸往不唯殿下追感舊君之義羣臣何安請以本
朝言之則睿宗文武宗皆以弟兄相繼卽位柩前如
儲后之儀可也于是羣議始定河中軍校王彞賢奏節
度使李存霸以今月三日出奔不知所所在乙未敕曰寡
人允副羣情方監國事外安黎庶內睦宗親庶諧惇叙
之規永保隆平之運昨京師變起禍難薦臻至于戚屬
之間不測驚奔之所慮因藏竄濫被傷夷言念于茲自
然流涕宜令河南府及諸道應諸王眷屬等昨因驚擾
出奔所至之處卽時津送赴闕如不幸物故者量事收

瘞以聞以中門使安重誨為樞密使以鎮州別駕張延朗為樞密副使以客將范延光為宣徽使進奏官馮贇為內客省使丙申下敕今年夏苗委人戶自供通頃畝五家為保本州具帳送省州縣不得差人檢括如人戶隱欺許人陳告其田倍徵已亥命石敬瑭權知陝州兵馬畱後皇子從珂權知河南府兵馬畱後庚子淮南楊溥進新茶以權知汴州軍州事孔循為樞密副使以陳州刺史劉仲殷為鄧州畱後以鄭州防禦使王思同為同州畱後敕曰租庸使孔謙濫承委寄專掌重權侵剝萬端姦欺百變遂使生靈塗炭軍士飢寒成天下之瘡痍極人間之疲弊載詳衆狀側聽輿辭難私降黜之文合正殛誅之典宜削奪在身官爵按軍令處分雖犯衆怒特貸全家所有田宅並從籍沒是日謙伏誅赦停租庸名額依舊為鹽鐵戶部度支三司委宰臣豆盧革專判中書門下上言請停廢諸道監軍使內勾司租庸院大程官出放猪羊柴炭戶括田竿尺一依朱梁制度仍委節度刺史通申三司不得差使量檢州使公廨錢物先被租庸院管係今據却還州府州府不得科率百姓百姓合散蠶鹽每年租二月內一度俵散依夏稅限納錢夏秋苗稅子除元徵百斗及地頭錢餘外不得紐配

先遇赦所放逋稅租庸違制徵收並與除放今欲曉告
河南府及諸道準此施行從之是日宋州節度使元行
欽伏誅王寅以樞密副使孔循爲樞密使北夢瑱言
莊宗晏駕明宗皇帝爲將相推舉霍彥威孔循上言唐
運已衰請改國號明宗謂藩邸近侍曰何爲改正朔左
右奏曰先帝以錫氏宗屬爲唐雪冤讐爲昭宗皇帝後
國號唐今朝之舊人不欲殿下稱唐請更名號耳明宗
泣下曰吾十三事獻祖泊太祖至先帝冒及血戰爲唐
室雪冤身編宗屬武皇功業卽吾功業也先帝天下卽
吾天下也兄亡弟紹於意何嫌運之衰隆吾當身受于
是不改正朔人服帝之獨見也又後唐明宗卽位之
初誅租庸使孔謙歸德軍節度使元行欽鄧州節度溫
韜太子少保段凝汴州勣務辛廷蔚李繼宣等孔謙魏
州孔目莊宗圖霸以供饋軍食謙有力焉旣爲租庸使
曲事嬖倖奪宰相權端以聚斂爲意剝削萬端以犯衆
怒伏誅元行欽爲莊宗愛將出入宮禁曾無間隔害明
宗之子從璟以是伏誅段凝事梁以奸佞進身至節將
末年綰軍權束手歸朝溫韜凶惡發掘西京陵寢莊宗
中興不證其罪厚賂伶官閹人與段凝皆賜國姓或擁
旌鉞明宗採衆議而誅之辛廷蔚開封尹王瓚之牙將

也朱友貞時奸蔚依瓚勢曲法亂政汴人惡之李繼宣
汴將孟審澄之子亡命歸莊宗劉皇后畜為子時宮掖
之問穢聲流聞此四凶帝在藩邸惡其為人故皆誅之
莊宗皇帝為唐雪耻號為中興而溫韜發諸帝陵寢宜
加大辟而賜國姓付節旄由是知中興之說謬矣五
代史纂誤今按孔循傳止自左衛大將軍為樞密使與
此不同未
知孰是
丙午始奠于西宮原注曰始奠見其緩也自
已丑入洛至此二十日矣

皇帝即位于柩前

原注柩前即位嗣君之禮也反逆之
臣自立而用嗣君之禮書從其實而

不變文者蓋先已書反正其罪矣此書其實者見其猶
有自愧之心而欲逃大惡之名也五代會要四年四

月即位

易斬綰以袞冕

原注既用嗣君之禮矣遽釋
綰而服冕故書以見其情詐壬

子魏王繼岌薨

原注諸王薨不書此書者見明宗舉兵
實反會從謙弑逆遂託赴難為名及即

位時莊宗元子猶
在則其辭屈矣

甲寅大赦改元渤海國王大誣誤使

大陳林來是月張居翰罷

五代史天成元年夏四月丙
午帝自興聖宮赴西宮文武

百僚縞素于位帝服斬衰親奉攬塗設奠哭盡哀乃于
柩前卽皇帝位百官易吉服班于位帝御衮冕受冊訖
百僚稱賀丁未羣官縞素赴西宮臨以樞密使安重誨
爲檢校司空守左領軍大將軍依前充樞密使宰臣豆
盧革等三上表請聽政從之遣使往諸道及淮南告哀
辛亥帝始聽政于中興殿壬子西南而副招討使工部
尚書任圜率步騎二萬六千人入見甲寅帝御文明殿
受朝制改同光四年爲天成元年大赦天下後宮內職
量畱一百人內官三十人教坊一百人鷹坊二十人御
廚五十人其餘任從所適諸司使務有名無實者並停
分遣諸軍就食近畿以減饋送之勞秋夏稅子每斗先
有省耗一升今後祇納正數其省耗宜停天下節度防
禦使除正至端午降誕四節量事進奉達情而已自于
州府圓融不得科斂百姓其刺史雖遇四節不在貢奉
諸州雜稅宜定合稅物色名目不得邀難商旅租庸司
先將繫省錢物與人迴圖宜令盡底收納以塞倖門云
乙卯渤海國王大諲譔遣使朝貢是月北京副畱守知
畱守事張憲賜死以其失守故也五代會要後唐天
成元年四月赦赦後宮內職量畱一百人其餘任歸骨
肉又天成元年四月中書門下奏請廢諸道監軍使

并內局司從之 又後唐同光四年四月十九日明宗
敕旨應中外臣寮及三京諸道州府如是謝賀并節序
並可據有無量力進奉不得因茲拊斂傷耗生靈至于
奇巧珍玩飛放搏噬之物並不得轉將進奉 冊府元
龜明宗天成元年四月入雒陽甲申始御文明殿改元
肆赦 又同光四年正月太常奏應州四廟陵號惠祖
曰遂陵毅祖曰衍陵烈祖曰奕陵德 五月丙辰朔太子
祖曰慶陵忌日行香如太廟諸室

賓客鄭珏工部尙書任圜爲中書侍郎同中書門下平

章事戊辰趙在禮爲義成軍節度使 原注在禮始亂宜
誅而明宗因之以

反命以方鎮報其功也故書 五代史五月丙辰朔帝

不視朝臨于西宮宰相豆盧革進位左僕射韋說進位

門下侍郎兼戶部尙書監修國史並依舊平章事兗州

節度使檢校太傅朱守殷加同平章事充河南尹判六

軍諸衛事滄州節度使檢校太保毛璋加同平章事以

太子賓客鄭珏爲中書侍郎兼刑部尙書同中書門下

平章事以工部尙書任圜爲中書侍郎兼工部尙書同

中書門下平章事判三司徐州節度使李紹真貝州刺

史李紹英齊州防禦使李紹虔河陽節度使李紹奇治
州刺史李紹能等上言前朝寵賜姓名今乞還舊內李
紹虔上言臣本姓王後移杜氏蒙前朝賜今姓名乞復
本姓紹並可之李紹真復曰霍彦威李紹英復曰房知
溫李紹虔復曰王晏球李紹奇復曰夏魯奇李紹能復
曰米君立青州節度使檢校太傅霍彥威加兼侍中移鎮鄆
侍中徐州節度使檢校太傅霍彥威加兼侍中移鎮鄆
州丁巳初詔文武百僚正衙常參外五日一度內殿起
居武臣初詔文武百僚正衙常參外五日一度內殿起
剛有武臣初詔文武百僚正衙常參外五日一度內殿起
民已殺戮訖戊午河陽節度使夏魯奇加檢校太傅以
貝州刺史房知溫為兗州節度使以齊州防禦使王晏
球為宋州節度使以洺州刺史米君立為邢州節度使
已未賜文武百官各一馬一驢西都知府張籤進魏王
繼炭打球馬七十二匹北京馬步都指揮使李從溫奏
準詔誅宦官初莊宗遇內難宦者數百人竄匿山谷落
髮為僧奔至太原七十餘人至是盡誅于都亭驛辛酉
詔華州放散西川宮人各歸骨肉壬戌以前相州刺史
北京左右廂都指揮使安金全為安北都護振武節度
使同平章事甲子前西都留守京兆尹張筠加檢校太

傅充山南西道節度使以夔州節度使李紹文爲遂州
節度使以前鄧州畱後戴思遠爲洋州節度使丁卯以
金吾將軍張實爲金州防禦使戊辰以金紫光祿大夫
檢校司空趙在禮爲滑州節度使加檢校太保制下在
禮以軍情不順爲辭不之任以許州畱後陶玘爲鄧州
畱後以諸道馬步副都指揮使安審通爲徐州防禦使
庚午以權知北京軍府事汾州刺史符彥超爲晉州畱
後以前陳州刺史劉仲殷爲陝州畱後癸酉以前磁州
刺史劉彥琮爲同州畱後甲戌福州節度使檢校太傅
王延翰加檢校太尉同平章事乙亥翰林學士戶部侍
郎知制誥馮道翰林學士中書舍人趙鳳俱以本官充
端明殿學士端明之職自此始也丙子詔故西道行營
都招討制置等使守侍中監修國史兼樞密使郭崇韜
宜許歸葬其世業田宅並還與骨肉故萬州司戶朱友
謙可復護國軍節度使守太師兼尙書令河中尹西平
王所有田宅財產並還與骨肉丁丑西都衙內指揮使
張錢進納僞蜀主王衍犀玉帶各二條馬一百五十匹
初莊宗遣中官向延嗣就長安之殺王衍也旋屬蕭牆
之禍延嗣藏竄不知所之而衍之資裝妓樂並爲錢所
有復懼事泄故聊有此獻戊寅以樞密使安重誨兼領

襄州節度使制下重誨之黨謂重誨曰襄州地控要津不可乏帥無宜兼領重誨即自陳退許之以左金吾大將軍張遵誨為西京副留守知留守事辛巳以衛尉卿李憺為中書舍人充翰林學士壬午以前蔚州刺史張溫為振武留後以左右廂突陣指揮使索自通為忻州刺史尚刺史以左右廂馬軍都指揮使索自通為忻州刺史尚父吳越國王錢鏐遣使進器五百兩銀萬兩綾萬匹謝恩賜玉冊金印初同光五年鏐上疏密求玉冊金印郭崇韜進議以為不可而樞密承旨段佶受其重賂贊成其事莊宗即允其請至是故有貢謝甲申幽州節度使檢校太保李紹斌加檢校太傅同平章事復姓名為趙德鈞乙酉詔百官朔望入閣賜廊下食自亂離已前常參官每日朝退賜食于廊下謂之廊餐乾符之後百司經費不足無每日之賜至是遇入閣即賜之五代會要後唐天成元年五月詔每月朔望日賜百官廊下餐唐室升平日常參官每日朝退賜食謂之廊餐自乾符亂離之後祇遇月旦朔日入閣日賜上初即位命百官五日一起居李琪以為非故事請罷之唯每月朔望日命入閣賜食至是宣旨朔望入六月丁酉汴州控鶴閣外依舊五日起居遂為定式

軍亂指揮使張諫殺其權知州事高述已亥諫伏誅代五
史六月戊子前襄州節度使李紹珙起復依前襄州節
度使仍復本姓名曰劉訓以皇子河中留後從珂爲河
中節度使百僚表賀以翰林承旨兵部尚書知制誥盧
質爲檢校司空充同州節度使已丑以吏部尚書判太
常卿事李琪爲御史大夫以禮部尚書崔協爲太常卿
判吏部尚書銓事以御史中丞崔居儉爲兵部侍郎以
太子賓客蕭瑒爲禮部尚書中書奏請以九月九日皇
帝降誕日爲應聖節休假三日從之故忠武軍節度使
檢校太師兼尚書令齊王張全義贈太師以前尚書右
丞崔沂爲尚書左丞丙申新州留後張庭裕雲州留後
高行珪並正授本軍節度使丁酉詔曰四夷來王厯代
政事前後各因強弱撫制互有典儀大蕃須示于威容
卽于正衙引對小蕃但推于恩澤仍于便殿撫懷憲府
奏論禮院詳酌皆徵故實咸有明文正衙威容未可全
廢內殿恩澤且可常行若遇大蕃入朝卽准舊儀于正
殿排比鋪陳立仗百官排班于正門引入對見時百僚
入閣班退後却引對朝貢蕃客御史大夫李琪奏論之
下禮院檢討而降是命焉戊戌樞密使安重誨加檢校

太保行兵部尚書事如故以太子詹事劉岳爲兵部侍郎以太子右庶子王權爲戶部侍郎以太子左庶子在贊爲工部侍郎庚子荆南節度使檢校太師兼尚書令南平王高季興加守太尉兼尚書令澤潞節度使檢校太傅同平章事孔勅加兼侍中汴州屯駐控鶴指揮使張諫等謀叛伏誅以樞密使孔循權知汴州軍州事甲辰樞密使孔循加檢校太保守秘書監依前充使已秘書少監姚顗爲左散騎常侍以太子左諭德陸崇爲右散騎常侍以兵部郎中蕭希甫爲左諫議大夫前幽州節度判官呂夢奇爲右諫議大夫以鄴都副留守孫岳爲潁州團練使詔曰古者酌禮以制名懼廢于物取其難犯而易避貴便于時況徵在二名抑有前例以太宗文皇帝自登寶位不改舊稱時卽臣有世南官有民部靡聞曲避止禁連呼朕猥以眇躬託于人上止遵聖範非敢自尊應文書內所有二字但不連稱不得迴避如是臣下之名不欲與君親同字者任自改更丁未中書門下奏京城潛龍舊宅望以至德宮爲名從之戊申夏州節度使開府儀同三司檢校太師兼中書令朔方王李仁福加食邑一千戶以延州留後高允韜爲延州節度使以利州節度觀察留後張敬詢爲利州節度使

劍南西川節度副大使知節度事孟知祥加檢校太傅
兼侍中劍南東川節度副大使知節度事董璋加檢校
太傅王子鳳翔節度使檢校太尉兼中書令李曦加檢
校太師兼中書令汴州知州孔循奏召集謀亂指揮使
趙虔已下三十人並族誅訖甲寅以晉州留後符彥超
為北京留守以鎮州副使王建立為鎮州留後以右龍
武統軍安崇阮為晉州留後荆南節度使高季興上言
夔忠萬三州舊是當道屬郡先被西川侵據今乞却割
隸本管詔可之其夔州偽蜀秋七月庚申安重誨殺殿
先曾建節宜依舊除刺史

直馬延于御史臺門

原注御史臺所以糾百官之不法殺人于臺門惡其甚

契丹

使梅老述骨來渤海使大昭佐來已卯貶豆盧革為辰

州刺史韋說淑州刺史甲申流革于陵州說于合州

五代

史秋七月乙卯朔以太原舊宅為積慶宮庚申契丹渤海國俱遣使朝貢甲子詔割韓城邵陽兩縣屬同州誅滑州左右崇牙及長劍等軍士數百人夷其族作亂故也其都校于可洪等相次到闕亦斬于都市丁卯以偽

蜀守司空門下侍郎平章事晉國公王諸爲檢校司空
守陵州刺史以號州刺史石潭爲耀州團練使辛未詔
諸道節度刺史文武將吏舊進月旦起居表今後除節
度留後團練防禦使惟正至進賀表其四孟月並且止
絕甲戌中書門下上言宣旨令進納新授諸道判官州
縣官官告勅牒祇應宣賜準往例除將相外並不賜官
告卽因梁氏起例凡宣授官並特恩賜臣等商量自兩
使判官令錄在京除授者卽于內殿謝恩便辭赴任不
更進納官告判司主簿不合更許朝對勅下後望準舊
例處分從之乙亥莊宗皇帝梓宮發引帝縗服臨送于
樓前是日葬莊宗于雍陵鎮州留後王建立奏涿州刺
史劉殷肇不受代謀叛昨發兵收掩擒劉殷肇及其黨
一十三人見折足勘詰已卯以比部郎中知制誥楊凝
式爲給事中充史館修撰判館事以僞蜀吏部尚書楊
玢爲給事中充集賢殿學士判館事以僞蜀吏部尚書楊
節度仍以興唐軍爲寰州隸彰國軍宰相豆盧革貶辰
州刺史韋說貶淑州刺史仍令所在馳驛發遣爲諫議
大夫蕭希甫疏奏故也制畧曰革則縱田客以殺人說
則侵隣家而奪井選元亨之上第改王參之本名或主
掌三司委元隨之務局或陶谿百里受長吏之桑田咸

屈塞于平人互阿私于愛子任官匪當黷貨無厭謀人之國若斯致主之方安在既迷理亂又昧卷舒而府司案牘爰來諫署奏章疊至備彰醜迹深汚明庭是宜約以三章投之四裔其河南府文案及蕭希甫論疏並宜宣示百寮庚辰賜蕭希甫衣段二十匹銀器五十兩賞疏革說之罪也宰相鄭珣任園再見安重誨救解革說請不復追行後命又三上表救解俱留中不報辛巳以捧聖嚴衛左廂馬步軍都指揮使李從瑋領饒州刺史充大內皇城使中書門下奏條制檢校官各納尚書省禮錢舊例太師太尉納四十千後減落至二十千太傅太保元納三十千減至十五千司徒司空元納二十千減至十千僕射尚書元納一十五千減至七千員外郎中元納一十千今納三千四百者詔曰會府華資皇朝寵秩凡霑新命各納禮錢爰自近年多墮舊制遂致紀綱之地遽成廢墜之司況累條流就從減省方當提舉宜振規繩但緣其間翊衛勲庸藩宣將佐自軍功而遷陟示恩澤以獎酬須議從權不在其例其餘自不帶平章事節度使及防禦團練刺史使府副使行軍已下三司職掌監務官州縣官凡闕此例並可徵納其檢校官自員外郎至僕射祇初轉一任納錢若不改呼不在

徵納仍委尚書省部司專切檢舉置厯逐月具數申中
書門下癸未詔辰州刺史豆盧革可責授費州司戶參
軍淑州刺史韋說可責授夷州司戶參軍皆員外置同
正員仍令馳驛發遣甲申又詔曰責授費州司戶參軍
豆盧革夷州司戶參軍韋說等自居台輔累換歲華負
先皇倚注之恩失大國變調之理朕自登宸極常委鈞
衡畧無謙遜之辭但縱貪饕之意除官受賂樹黨徇私
每虧敬于朕前徒自尊于人上道路之誼騰不已諫臣
之條疏頗多罪狀顯彰典刑斯舉合從極法以塞羣情
尚緣臨御之初含宏是務特軫墜泉之慮爰施解網之
仁曲示優恩俯寬後命革可陵州長流百姓說可合州
長流百姓仍委逐處長知所在同州長春宮判官朝請
大夫檢校尚書禮部郎中賜紫金魚袋豆盧昇將仕郎
守尚書屯田員外郎崇文館學士賜緋魚袋韋濤等各
因權勢驟列班行無才業以可稱竊寵榮而斯久比行
貶謫以塞尤違朕以纂襲之初含容是務爰既寬于後
命子宜示于特恩並停其任昇濤即革說之子也五
代會要天成元年七月勅三京諸道節度團練使防禦
使刺史文武將吏州縣職員皆進月旦起居表其四孟
月旦並可止絕又後唐天成元年七月二十七日尚

書省准堂帖應內外帶職官員除三公至郎官合納禮
錢送尚書省都司具舊例如左檢校太師太尉舊例各
合納錢四十千准蠲減外今各合納錢二十千檢校太
傅太保舊例各納三十千減外今納錢一十千檢校僕射尚書
舊例各納二十千減外今納錢七千檢校郎中員外郎
舊例各納一十五千減外今納錢三千四百勅會府華資
皇朝龍秩凡露新命合納禮錢爰自近年全隳舊例方
常提舉宜振規繩其間除聖衛助庸藩垣將佐自軍功
遷陟外其餘自不帶平章事節度使及防禦團練刺史
諸道副使判官已下三司職掌監院官縣令錄事參軍
判官等凡闕此例並可徵納其檢校官自員外郎至左
僕射祇取初轉一任納錢若未改呼不更徵納仍委尚
書省都司逐月具數申中書門下又天成元年七月
中書奏近奉宣旨使府判官州縣官告身勅牒今後據
通數進納仍令祇候宣賜者舊例朝廷命官除將相外
並不宣賜官告因偽朝條流凡准宣授官卽特恩頒賜
今使府判官皆許本道奏請或聞多在京師至于令錄
悉是放勅後本官自于吏部出給告勅中書不便管係
臣等商量自兩使判官州縣令錄在京除授卽望令于

內殿謝官便辭赴任不更進納官告其判司主簿不合更許朝對敕下後望准舊例處分從之 冊府元龜七

月乙卯朔帝御文明殿視朝 八月乙酉朔陝州硤石縣民高存妻一

產三男子丁酉以象笏三十二賜百官之無笏者原注見時

朝廷衰弱之甚故書閱稼于冷泉宮己亥契丹寇邊丁未平盧軍

節度使霍彥威殺其登州刺史王公儼甲寅醫官張志

忠為太原少尹五代史天成元年秋八月乙酉朔日有食之有司上言莊宗廟室酌獻請奏武

成之舞從之鄆州節度使霍彥威移鎮青州丁亥莊宗

神主附廟有司請祀懿祖室從之詔陵州合州長流百

姓豆盧草韋說等可並自長流後縱逢恩赦不在原宥

之限豆盧昇韋濤仍削除自前所受官秩壬辰以久雨放百僚朝參詔天下疏理繫囚甲午汴州奏舊管曹州乞却歸當道從之是日詔曰承前使府奏請判官率皆隨府除移停罷近年流例有異前規使府雖已除移判官元安舊職起今後若是朝廷除授者即不計使府除

移如是使府奏請卽皆隨府移罷舊例藩侯帶平章事者所奏請判官殿中已上許奏緋中丞已上許奏紫今不帶平章事亦許同帶平章事例處分如防禦團練使奏請判官員外郎已下不在奏緋之限其所奏判官州縣官並須將厯任告身隨奏至京如未有官假稱試攝亦奏狀內分明署出如藩鎮留後權知軍州事並不在奏請判官之限如刺史要奏州縣官須申本道請發表章不得自奏近日州使奏請從事本無官緒妄結虛銜不計職位高卑多是請兼朱紫不唯紊亂實啟僥求宜令諸道州府切準敕命處分丁酉內出象笏三十四面賜百官之無笏者已亥帝御文明殿百官入閣月望如月朔之儀從新例也荆南高季興上言峽內三州請朝廷不除刺史幽州奏契丹寇邊詔齊州防禦使安審通率師禦之辛丑以前青州節度使符習爲鄆州節度使以前華州節度使史敬鎔爲安州節度使乙巳禁鎔錢爲器仍估定生銅器價斤二百熟銅器斤四百如違省價買賣者以盜鑄錢論丁未樞密使院條奏諸道節度使刺史內有不守詔條公行科斂須行止絕州使所納軍糧不得更邀加耗節度使刺史所置牙隊許于軍都內抽取便給省司衣糧況人數已多訪聞尙有招致諸

色人多有抵罪亡命便于州府投名爲使下元隨邀求
職務凌壓平人及有力戶人于諸處行賂希求事務亦
有州使妄稱修葺城池廩宇科賦于人及營私宅諸縣
鎮所受州使文符如涉科斂人戶不得稟受州府不得
賒買行人物色兼行科率已前條件州使如敢犯違許
人陳告勘詰不虛量行獎賞宜令三京諸道州府準此
處分新授青州節度使霍彥威奏處斬新登州刺史王
公儼及同謀拒命指揮使李謹王居厚等八人訖初同
光中符習爲青州節度使宦官楊希望爲監軍專制軍
政趙在禮之據魏州習奉詔以本軍進討俄而帝爲亂
軍所劫習卽罷歸希望遣兵邀之習懼而還至滑州帝
遣人招之習至乃從帝入汴希望開魏軍亂遣兵圍守
習家欲盡殺之公儼素受希望獎愛謂希望曰內侍宜
分腹心之兵監四面守陴者則誰敢異圖希望從之公
儼乘其無備圍城以邀符節卽令軍府飛章畱已兼揚言
謹等謀據州城不便其政帝乃除公儼爲登州刺史公儼
符習在鎮人不便其政帝乃除公儼爲登州刺史公儼
不時赴任卽以霍彥威代符習聚兵淄州以圖進取彥
威至淄州會詔使至青州告諭公儼卽赴所任彥威懲
其初心遣人擒公儼于北海縣與同黨斬于州東有司

上言莊宗祔廟懿祖祧遷準例捨故而諱新懿祖例不諱忌日不行香從之王子襄州節度使劉訓加檢校太傅以偽蜀右僕射中書侍郎平章事趙國公張格爲太子賓客充三司副使從任園請也五代會要天成元年年八月十一日敕諸道開置幕府皆有舊規奏薦官寮亦著前式苟或隳紊難正澆訛從前諸道奏請判官若遇移鎮便合隨去若無除授亦隨府罷近年流例有異從來使府雖遇除移判官元守舊職今後若朝廷除授者卽不係使府除移如是自請充職者便須隨去如遇府罷其職亦罷又往例藩鎮帶平章事奏請判官殿中已上許奏紫不帶平章事亦同帶平章事例處分如是防禦團練使奏請判官自員外郎已下不在奏緋之限其所奏判官州縣官並須將前任告赤隨奏到京若是未曾有官須假試銜者亦隨奏狀內言並未官如是節度觀察畱後及權知軍州事並不奏請判官之限如刺史要奏州縣官並須申本道請發表章不在自奏之限今日諸道奏請從事本無官署要結虛銜不計職位高卑多是兼請朱紫不惟紊亂實啟倖求深蠹彝章須行釐革宜令諸道州府仍下管內諸州准敕命處分州府元龜八月壬辰以積雨泥甚放百寮朝參己亥

帝御文明殿百官入閣九月己未幸至德宮及袁建豐如月朔之儀從新例也

第五代史九月乙卯朔詔汴州扶溝縣復隸許州以前絳州刺史婁繼英為薊州刺史充北面水陸轉運制

置使已未幸至德宮遂幸前隰州刺史袁建豐之第帝嘗為太原內衙親將建豐為副至是建豐風疾沈廢故

親幸其第以撫之庚申以都官郎中庾傳美充三司搜訪圖籍使傳美為蜀王衍之舊僚家在成都便于歸計

且言成都具有本朝實錄及傳美使迴所得纔九朝實錄及殘缺雜書而已癸亥應聖節百僚于敬愛寺設齋

召緇黃之眾于中興殿講論從近例也戊辰以偽蜀檢校太師兼中書令右金吾街使張貽範為兵部尚書致

仕都官員外郎于鄴奏請指揮不得書契券輒賣良人從之癸酉天策上將軍湖南節度使開府儀同三司守

太師兼尚書令楚王馬殷可檢校太師守尚書令兩浙節度留後靜海軍節度嶺南西道觀察處置等使檢校

太尉兼中書令錢元瓘加食邑中吳建武等軍節度嶺南東道觀察處置等使檢校太尉兼中書令錢元瓘加

開府階進食邑甲戌以前代州刺史馬漑為左衛上將軍致仕已卯以光祿卿羅周敬為右金吾衛大將軍充

街使辛巳以前復州刺史袁義爲唐州刺史詔曰鳳翔
節度使李曦世聯宗屬任重藩宣慶善有稱忠勤顯著
旣在維城之列宜新定體之文是降寵光以隆惇敘俾
煥成家之美貴崇猶子之親宜于本名上加從字癸未
文武百僚至張全義私第柩前立班辭以來月二日葬
故也五代會要天成元年九月以尙書都官郎中庾
傳美爲三川搜訪圖籍使又後唐天成元年九月二
十五日門下中書兩省狀准舊例檢校官合納光省禮
錢伏見尙書省檢校官禮錢近降勅命除翊衛勛庸藩
垣將佐其餘不帶平章事節度使及防禦團練刺史諸
道副使郎中已下并三司職掌監院官縣令錄事參軍
判官等凡闕此例並可徵收者伏緣省官舊例別無錢
物祇徵禮錢以充公解破使依舊徵理其檢校左右散
縱有檢校官未奉勅命許令依舊徵理其檢校左右散
騎常侍乞依尙書省除翊衛勛庸藩垣將佐外並許徵
收所冀朝廷故事免失于根源省閣舊儀長存于規制
謹具本朝元徵舊例錢數乞奏聞者中書約本省舊徵
禮錢及蠲減錢數如左防禦團練刺史諸道郎官三司
職掌檢校左右散騎常侍舊例各納一十五千今減外
各納錢五千兩府及次府少尹左右司馬別駕長史舊

例各納錢十千減外各納錢四千諸道將校舊例納錢五千減外各納錢二千五百進奏官各納錢二千其餘都頭指揮使已下並與免放右奏勅宜令門下中書兩省准此逐月具數申中書門下冊府元龜九月冬十月丁亥丙辰帝御文明殿入閣新制次日例也

雲南山後兩林百蠻都鬼主右武衛大將軍李卑晚使

大鬼主傳能何華來辛丑契丹使沒骨餒來告阿保機

哀廢朝三日旱辛亥雨

五代史冬十月甲申朔詔賜文武百僚冬服綿帛有差近例十

月初寒之始天子賜近侍執政大臣冬服帝顧謂判三司任圜曰百僚散未圓奏曰臣聞本朝給春冬服徧及百僚喪亂已來急于軍旅人君所賜未能周給今止近臣而已外臣無所賜帝曰外臣亦吾臣也卿宜計度園遂與安重誨據品秩之差以定春冬之賜其後遂以爲常右拾遺曹琮上疏內一件百僚朔望入閣及五日內殿起居請許三署寺監官輪次轉對奏事從之刑部員外郎孔莊上言自兵興已來法制不一諸道州縣常行

柳杖多不依格律請以舊制曉諭改而正之丙戌吏部
侍郎盧文紀上言請內外文武臣僚每歲有司明定考
校將相乞迴御筆以行黜陟疏下中書門下商量宰臣
奏請施行從之丁亥雲南嵩州山後兩林百蠻都鬼土
右武衛大將軍李卑晚遣大鬼主傅能何華等來朝貢
帝御文明殿對之百僚稱賀庚寅以客省使李嚴領泗
州防禦使以河中節度副使李鏐為太子賓客壬辰邠
州節度使毛璋移鎮潞州巴州進嘉禾合穗甲午以前
隰州刺史袁建豐遙領洪州節度使盧文進率戶口歸順百僚
平州守將僞署幽州節度使盧文進率戶口歸順百僚
稱賀辛丑葬丹遣使來告哀言國主安巴堅以今年七
月二十七日卒詔曰朕近續皇圖恭修帝道務安夷夏
貴洽雍熙葬丹王世預歡盟禮交聘問遽聞凶訃倍軫
悲懷可輟今月十九日朝參丙午以嶺州山後兩林百
蠻都鬼主李卑晚為寧遠將軍大渡河山前邛川六姓
都鬼主懷安郡王勿鄧標莎為定遠將軍丁未幽州奏
盧文進所率降戶孳畜人口在平州西首尾約七十里
庚戌以吏部侍郎盧文紀為御史中丞時御史大夫李
琪三上表求解任故也以兵部侍郎劉岳為吏部侍郎
以戶部侍郎充端明殿學士馮道為兵部侍郎以中書

舍人充端明殿學士趙鳳爲戶部侍郎並依前充職至
子靜江軍節度使桂州管内觀察使檢校太師兼中書
令扶風郡王馬寶加食邑實封禮朗觀察使檢校太傅
兼侍中馬希振加檢校太尉盧文進至幽州遣軍吏奉
表來上十一月戊午以滄州留後王景勘爲邢州節度
使青州奏得登州狀申契丹先攻逼渤海國自安巴堅
身死雖已抽退尙留兵馬在渤海扶餘城今渤海王弟
領兵馬攻圍扶餘城內契丹次已未以翰林學士尙書
戶部郎中知制誥劉昫爲中書舍人充職辛酉以前秘
書少監溫輦爲太子詹事壬戌以前虜州刺史朱罕爲
潁州團練使是日詔曰應今日已前修葺得寺院無令
毀廢自此已後不得輒有建造如要願在僧門並須官
壇受戒不得喪私剃度癸丑日南至帝御文明殿受朝
賀仗衛如式禮部侍郎裴皞上言諸州刺史經三考方
請替移詔曰有政聲者就加恩澤無課最者卽便替移
密州獻芝草庚午河陽節度使夏魯奇移鎮許州留後
梁漢黜爲邢州節度使淮南楊溥遣使貢獻賀登極乙
亥以前振武留後張溫爲利州昭武軍留後以果州刺
史孫鐸爲漢州刺史充西川馬步軍指揮使壬午靜海
軍節度安南管内觀察等使檢校太尉兼侍中錢元球

加開府階進食邑癸未鎮州奏準詔盧文進所率歸業
戶口蠲放租稅三年仍每口給糧五斗十二月戊子盧
文進及將吏四百人見賜鞍馬玉帶衣被器玩錢帛有
差詔曰朕中興寶祚復正皇綱萬國駢羅俱在照臨之
內八紘遼復咸居覆載之間矧彼雲南素歸正朔泊平
僞蜀思錫舊恩于乃睠以雖深欲需覃而未暇百蠻都
首領李卑晚六姓蠻都首領勿鄧標莎等天資智勇世
稟忠勤梯航之道路纔通琛賁之貢輸已至率其種落
竭乃悃誠備傾向化之心深獎來庭之意今則各領國
寵別進王封其舊州刺史李及大鬼主離吹等或遙貢
表函或躬趨朝闕亦宜特授官資各遷階秩勉敦信義
無墜冊書示爾金石之堅保我山河之誓欽承休命永
保厥終王辰帝狩于近郊臘故也甲午以契丹盧龍軍
節度使盧文進爲檢校太尉同平章事充滑州節度使
戊戌詔嚴禁鑼錢庚子皇第二子金紫光祿大夫檢校
司徒從榮可檢校太保同平章事天雄軍節度使鄴都
留守以武安軍馬步都指揮使馬希範爲澧州刺史鐵
林都知兵馬馬希杲爲衡州刺史王寅潁州刺史孫岳
加檢校太保獎能政也丙午中書門下奏故事藩鎮節
度觀察使帶平章事于都堂上事刊石記壁合納禮錢

三千貫以充中書及兩省公使今欲各納禮錢五百千
于中書立石亭子醵勸宰臣使相官氏授上年月餘充
脩葺中書兩省公署都堂什物從之庚戌御史臺奏京
城坊市士庶工商之家有婢僕自經投井非理物故者
近者已來凡是死亡皆是臺司左右巡舉勘檢施行已
久仍恐所差人吏及街市胥徒同于民家因事邀脅臣
詢訪故事比京城民庶之家死喪委府縣檢舉軍家委
軍巡商旅委戶部然諸司檢舉後具事由申臺其間或
枉濫情故臺司訪聞即行舉勘如是文武兩班官吏之
家即後是臺司檢舉臣請自今已後並準故事施行者詔
日今後文武兩班及諸道商旅凡有喪亡即準臺司所
奏施行其坊市民庶軍士之家凡有喪亡及婢僕非理物
故依臺司奏委府縣軍巡同檢舉仍不得縱其吏卒干
物故之家妄有邀脅或恐暑月屍柩難停若待中聞檢
舉縱無邀脅亦須經時日今後仰本家喚四鄰檢察若
無佗故逐便葬埋如後別聞枉濫妄有保護官中訪知
勘詰不虛本戶隣保並行科罪如聞諸道州府城市死
喪取分巡院檢舉頗致淹停人多流怨亦仰約京城事
例處分五代會要後唐天成元年十一月勅應今日
已前脩葺得寺院無令毀廢自此後不得輒有建造如

三才圖會卷之二十一

有願在僧門亦宜准佛法格例官壇受戒不得妄私剃
度入後唐天成元年十二月二十三日中書奏伏准
故事應諸道節度使凡帶平章事宜於中書都堂上事
禮絕百寮等威無異刊石紀壁以列姓名事係殊恩慶
垂後裔舊例赴鎮後合納禮錢一千貫充中書及兩省
公使伏自近來全隳往例今皇綱再整隆典咸脩合舉
成規冀將集事臣等商量今請諸道藩鎮帶平章事處
各納禮錢五百千中書建立石亭子一所鐫紀宰臣使
相爵位姓名授上年月其所納錢請充中書脩建公署
及添置都堂內鋪陳什物從之又後唐天成元年十
二月二十七日御史臺奏應在京兩街司及坊市士庶
人家及諸道經商旅或有投井自縊及婢僕諸色人等
非理歿故伏據近年已來凡是死亡之家並是臺司左
右巡使舉勘差驅使官與諸司人同行檢驗指揮如此
施行相承已久臺司若不差人舉勘即非理幽冤無出
申雪若一一檢驗即事故之家多稱騷擾况臺司亦常
憂雨巡驅使官與諸司同巡檢節級等于有事人家妄
有所求今詢訪故事准當司巡檢案往例凡京城內應
有百姓死亡之家祇勒府縣差人檢驗如是軍人祇委
兩軍檢勘如是諸道經商客旅卽地界申戶部使差人

檢勘仍逐司各具事由及同檢勘行人等姓名申臺及
本巡察其間或有事涉冤濫曲直不分察訪得知及有
人論訴臺司並行追勘如是兩班官吏之家即合是臺
司檢勘伏請自今已後並准故事施行除百司外臺中
不便差人違例檢勘如是則軍人百姓各有區分事涉
冤誣即行追勘合具舉明庶遵故事者兼得左右巡使
狀抄錄到喪葬格例所設車輦儀注物色祇爲官品高
下無官秩者若陳儀注其供應固犯典刑今則凡事葬
儀動輒格物但官中只行檢察在人情各盡孝思徇彼
種家之心許便送終之禮臺司又難將孝子盡決嚴刑
祇以供人例行書罰以添助本司支費兼緣設此防禁
比爲權豪之家多有違禮從厚若貧窮下士尙猶不便
送終必無僭禮可以書罰兩京即是臺司舉行諸州府
卽元無條例者凡棺槨不計有官品並不得於棺槨上
雕鏤畫飾施戶窗欄檻楹楯等官至四品已上使方相
七品已上使魁頭四目元衣朱裳執戈揚楯如常制七
品已下及無官品者勿用凡明器等三品已上不得過
九十事五品已上不得過六十事九品已上不得過四
十事當廣地軸誕馳馬及執役人高不得過一尺其餘
音聲隊馬威儀之屬各准平生品秩所用仍以木瓦爲

之不得過七尺及別加畫飾諸彝今謂之鵝毛五
品已上竿長七尺五品已下長五尺無官品者勿用諸
三品已上引披翼鐸挽歌鼓六行每行六人五品已上
二引二披四鐸四翼挽歌四行四人九品已上二翼無
者勿用諸車輦三品已上油幟朱絲絡綱施撰兩廂畫
龍虎幟竿朱垂六旒蘇今之纓帶也七品已上油幟撰
兩廂畫雲氣垂四旒蘇九品已上無旒蘇車輦上有結
絡者三品已上及將相有鳳臺自諸品官及郡守升朝
者羚羊山華餘並平幟百姓喪葬祇合使鬻甲者無幟
撰畫飾並無已前儀物禮部格物凡官人百姓送葬鼓
為奢僭不依禮式宜令所司切加糾察如物色等數目
大小有違條式及輒飾以金銀者杖六十奉勅今後文
武兩班及諸司官吏并諸道經商客旅凡有喪亡即准
臺司所奏故事施行其街坊百姓及軍人之家每有死
喪兼所使廝兒妮子因依輿行投井自縊非理致身
命者據臺司狀委府縣及兩軍軍巡差人檢勘竊慮前
件事故之家或所居隘窄兼阻暑毒之月尸靈難久停
留若待申報官中檢勘縱無邀難須經時日今仰本戶
可便喚四隣看驗如無他故便任本主遂殯仍具結罪
保明文狀報官若有枉有傷害致死隣人妄有保明本

戶并保人勘責不虛各量罪科斷兼聞諸州官府士庶之家或有死喪亦是須候分巡院檢勘頗致淹留既鼓浮詞甚傷風教亦仰約有在京事條例理處分其庶人喪葬所設車舉儀注格例狀稱近日庶流多有違越臺司又難將孝子盡決嚴刑祇以供人例行書罰漆助本司支費據此懲罰名目且非爲政憲綱自今以後所有各計品秩之外及庶人喪葬宜令御史臺委兩巡御史點檢假貨行人須依條例如有違越據所犯重經臨時科斷臺司不得妄有攪擾冊府元龜十月甲申朔帝御文明殿視朝已亥帝御文明殿對南詔蠻兩林鬼主等百寮稱賀是月右拾遺曹珍上疏內一件百寮朔望入閣及五日一度內殿起居請許三署寺監官輪次轉對奏事從之十一月甲寅朔帝御文明殿癸亥日南至帝御百寮稱賀十二月甲申朔帝御文明殿見百寮又明宗天成元年十一月勅佛氏之教其來久矣旣爲空寂之門不無高潔之士自淳風久散至道莫隆漸容游惰之徒雜處緇黃之衆罔遵禁戒惟切經求託形勢以擾人蓄資財而潤己將思縱志肯樂聚居多于閭巷之間別構住持之所妄陳福業潛誘聾愚或移動居人或侵併物業如斯之弊其徒日繁朕方靜寰區務康黎

庶貴臻有益共洽無私宜令徧行告諭應今日已前脩
蓋得寺院無令毀廢自此以後不得輒有建造如要願
在僧門亦宜准佛法條例官壇受戒不得擅私剃度
五代春秋丙戌天成元年夏四月丙午帝卽位甲寅改
元七月葬莊宗神閔皇帝于雍陵殺豆盧革韋說八
月乙酉朔日有食之十月葬丹盧文進以衆來歸

五代史記卷第六上

五代史記卷第六中

廬陵歐陽脩撰

徐無黨原注

南昌彭元瑞注

劉鳳誥排次

唐本紀第六

二年春正月癸丑朔更名亶

五代會要更名亶年六十初名嗣源癸亥端

明殿學士兵部侍郎馮道太常卿崔協爲中書侍郎同

中書門下平章事

五代史天成二年春正月癸丑朔帝御明堂殿受朝賀仗衛如常儀制曰

王者祇敬宗祧統臨寰宇必順體元之典特新制義之

文朕以眇躬獲承丕構襲三百年之休運繼二十聖之

耿光馭朽納隍夕惕之心罔怠法天師古日躋之道惟

勤今則載戢干戈渾同書軌荷元穹之睠祐契兆庶之

樂推檢玉塗金非敢期于薄德耕田鑿井誠有慕于前
王將陳享謁之儀卽備郊丘之禮宜更稱謂永耀簡編

今改名爲宣凡在中外宜體朕懷宣制訖百僚稱賀有
司告郊廟社稷後從改名更明是端明殿學士班位宜在翰林學士之上
今後如有轉改只于翰林學士內選任先是端明殿學
士班在翰林學士之下又如三館例官在職上趙鳳轉
侍郎日諷宰相府移之既而禁林序列有不可之言安
重誨奏行此勅時論便之癸亥宰臣鄭珪加特進門下
侍郎兼太微宮使崇文館大學士任園加光祿大夫門
下侍郎監修國史以端明殿學士尙書兵部侍郎馮道
爲中書侍郎平章事集賢殿大學士尙書兵部侍郎馮道
中書侍郎平章事戊辰以前鄧州節度使劉玘卒廢朝
左拾遺李同言天下繫囚請委長吏逐旬親自引問
質其罪狀真虛然後論之以法庶無枉濫從之辛未皇
子河中節度使從珂加同平章事以鎮州雷後檢校司
徒王建立爲鎮州節度使檢校太傅癸酉皇第三子金
紫光祿大夫檢校司徒從厚加檢校太保同平章事河
南尹判六軍諸衛事北面副招討房知溫奏營州界奚
陀羅支內附乙亥以監門衛大將軍傅璉爲右武衛上
將軍丙子詔曰頃自本朝多難雅道中微皆尙浮華罕

持廉讓其有除官蘭省命秩栢臺或以人事相疎或以
私讎見訝稍乖敬奉遽至棄捐蓋司長之振威處君恩
而何地今後應新授官朝謝後可準例上事司長不得
輒以私事阻滯其本官亦不得因遭抑挫託故請假戊
寅皇子從厚領事于河南府宰相鄭珏已下會送非例
也己卯樞密使光祿大夫檢校太保行兵部尚書安重
誨加開府儀同三司檢校太傅兼侍中樞密使檢校太
保守秘書監孔循加檢校太傅同平章事詔崇文館依
舊爲宏文館初同光中宰相盧革以同列郭崇韜父
名宏希其意奏改之今乃復焉辛巳詔曰亂離斯久法
制多隳不有舉明從何禁止起今後三京及州使職員
名目是押衙兵馬使騎馬得有暖坐諸都軍將衙官使
下繫名糧者只得衣紫皂庶人商旅只著白衣此後不
得參雜兼有富戶或投名于勢要以肅奸欺又崔協字思
攝貴以免丁徭仰所在禁勘以肅奸欺又崔協字思
化遠祖清河太守第二子寅仕後魏爲太子洗馬因爲
清河小房至唐朝盛爲流品曾祖邠太常卿祖璠吏部
尚書父彥融楚州刺史彥融素與崔蕘善嘗爲萬年令
蕘謁于縣彥融未出見案上有尺題皆賂遺中貴人蕘
知其由徑始惡其爲人及除司勳郎中蕘爲左丞通刺

不見薨謂曰郎中行止鄙雜故未見宰相知之改楚州刺史卒于任誠其子曰世世無忘薨故其子弟嘗與薨讐協卽彥融之子也幼有孝行登進士第釋褐爲度支巡官渭南尉直史館歷三署入梁爲左司郎中萬年令給事中累官至兵部侍郎與中書舍人崔居儉相遇于幕次協厲聲而言曰崔薨之子何敢相見居儉亦報之左降太子詹事俄拜吏部侍郎同光初改御史中丞憲司舉奏多以文字錯誤屢受責罰協器宇宏爽高談虛論多不近理時人以爲虛有其表天成初遷禮部尙書太常卿因樞密使孔循保薦拜平章事初豆盧革韋說得罪執政議命相樞密使孔循意不欲河朔人居相位任圜欲相李琪而鄭珏素與琪不協孔循亦惡琪謂安重誨曰李琪非無藝學但不廉耳朝論莫若崔協重誨然之因奏擇相明宗曰誰可乃以協對任圜奏曰重誨被人欺賣如崔協者少識文字時人謂之沒字碑臣比不知書無才而進已爲天下笑何容中書之內更有笑端明宗曰易州刺史韋肅人言名家待我嘗厚置于此位何如肅苟未可則馮書記是先朝判官稱爲長者與物無競可以相矣道嘗爲莊宗霸府書記故明宗呼之朝退宰臣樞密使休于中興殿之廡下孔循拂衣而去

曰天下事一則任園二則任園崔協暴死則已不死會
居此位重誨私謂園曰今相位缺人協且可乎園曰朝
廷有李琪者學際天人奕葉軒冕論才校藝可敵時輩
百人而讒夫巧沮忌害其能必舍琪而相協如棄蘇合
之丸取蛭蟻之轉也重誨笑而止然重誨與循同職循
日言琪之短協之長故重誨竟從之而協登庸之後廟
堂秉筆假手于人朝廷以國庠事重命協兼判祭酒事
協上奏每歲補監生二百爲定物議非之四年春駕自
夷門還京從至須水驛中風暴卒詔贈尚書左僕射諡
曰恭靖子頌頌壽貞惟頌仕皇朝官至左諫議大夫終
于鄜州行軍司馬北夢瑣言明宗問宰相馮道盧質
近日喫酒否對曰質曾到臣居亦飲數爵臣勸不令過
度事亦如酒過則患生崔協強言于坐曰臣聞食醫心
鏡酒極好不加藥餌足以安心神左右見其膚淺不覺
哂之五代會要恭靖贈尚書左僕射崔協諡又天
成二年正月勅今後三京及諸道州使職員名目是押
衙兵馬使指揮使已上騎馬得有暖坐諸都軍衙官使
不係名目者祇得衣紫皂衣庶人商旅祇著白衣庶人
有富戶或投名于勢要以求影庇或希假攝二月壬午
貴免丁徭如此色人仰所在禁勘以肅姦欺

朔新羅使張芬來西川節度使孟知祥殺其兵馬都監

李嚴丙申赦京師囚郭從謙為景州刺史既而殺之原注

從謙弑君不討而命以官故書與在禮同罪宜誅而戊
書殺者明宗亦同罪不得行誅故以兩相殺書之

戊山南東道節度使劉訓為南面招討使以伐荆南原注

是時荆南自絕于中國而附吳不以有罪書討而書伐
見非內臣不責其叛五代史二月壬午朔新羅遣使

朝貢丁亥以北京皇城使李繼朗為龍武大將軍北京
都指揮使李從臻為左衛大將軍捧聖都指揮使李從

璨為右監門衛大將軍戊子以前北面水陸轉運招撫
使守冀州刺史烏震領宣州節度使庚寅陝州節度使

檢校司徒石敬瑭加檢校太傅兼六軍諸衛副使壬辰
西川節度使孟知祥奏泗州防禦使充西川兵馬都監

李嚴扇搖軍眾尋已處斬訖以潁州刺史孫岳為耀州
團練使丙申以從馬直指揮使郭從謙為景州刺史尋

令中使誅之夷其族以其首謀大逆以弑莊宗也以尚
書左丞崔沂為太子少保致仕壬寅制曰荆南節度使

開府儀同三司守太尉兼尚書令南平王高季興可削
奪官爵仍令襄州節度使劉訓充南面招討使知荆南
行府事許州節度使夏魯奇爲副招討使統蕃漢馬步
四萬人進討以其叛故也又命湖南節度使馬殷以湖
南全軍會合以東川節度使董璋充東南面招討使新
授夔州刺史西方鄴爲副招討使共領川軍下峽州三
面齊進甲辰充州節度使房知溫加同平章事宋州節
度使王晏球加檢校太傅丁未以禮部尚書蕭頊爲太
常卿戊辰以御史大夫李琪爲右僕射以太子賓客李
璘爲戶部尚書以吏部侍郎李德休爲禮部尚書以前
吏部侍郎崔貽孫爲吏部侍郎以端明殿學士戶部侍
郎趙鳳爲兵部侍郎依前充職庚戌詔諸道節度使男
及親嫡骨肉未沾恩命者特許上聞河南府新安縣宜
爲次赤以雍陵在其界故也辛亥以刑部侍郎歸藹爲
戶部侍郎又劉訓字遵範隰州永和人也出身行間
初事武皇爲馬軍隊長漸至散將屬河中王氏昆仲有
尋戈之役訓從史儼攻陝州武皇討王行瑜以訓爲前
鋒後隸河中爲隰州防禦都將居無何殺陝州刺史以
郡歸莊宗厯瀛州刺史同光初拜左監衛大將軍三年
授襄州節度使四年四月洛陽有變訓以私忿害節度

副使胡裝族其家聞者冤之天成中荆南高季興叛詔
訓爲南面行營招討使知荆南行府事是時湖南馬殷
請以舟師會及王師至荆渚殷軍方到岳州仍傳意于
訓許助軍儲弓甲之類久之署無至者荆渚地氣卑濕
漸及霜潦糧運不繼人多疾疫訓本無將畧人咸苦之
及孔循至得襄之小校獻竹龍之術乃造竹龍二道傳
于城下竟無所濟遂罷兵令將士散畧居民而回詔訓
赴闕尋責授檀州刺史續勅濮州安置未幾起爲龍武
大將軍尋授建雄軍節度三月壬子朔幸會節園羣臣
使移鎮延平卒贈太尉
買宴原注游幸若不過度則小事也皆不書惟莊宗及
晉出帝之世則書者著其過度耳明宗于五代勤
儉之君游幸無過度此書盧臺軍亂殺其將烏震新羅
以著買宴見君臣之失
使林彥來五代史三月壬子朔以中書舍人馬縞爲刑
部侍郎幸會節園宰相樞密使及在京節度
使共進錢絹請開宴癸丑遣供奉官賈俊使淮南甲寅
以西川節度副使李敬周爲遂州武信軍留後乙卯開
府儀同三司司徒致仕趙光逢可太保致仕仍封齊國
公以武信軍節度使李紹文卒廢朝丙辰宰相判三司

任圜奏諸道藩府請依天福三年已前許貢綾絹金銀
隨其土產折進馬之直又請孳生馬分置監牧並從之
太常丞段顥請國學五經博士各講本經以申橫經齒
胃之義從之庚申以前澤潞節度使檢校太傅兼侍中
孔勣爲河陽節度使壬戌幸甘水亭甲子青州節度使
霍彥威加檢校太尉兼中書令以大內皇城使守饒州
刺史李從璋爲應州節度使丁卯詔所在府縣糾察殺
牛賣肉犯者準條科斷其自死牛卽許貨賣肉斤不得
過五錢鄉村民家死牛但報本村所出準例輸皮入官
癸酉以戶部郎中知制誥盧詹爲中書舍人五代會
要天成二年三月勅訪聞京城坊市軍營有故犯條流
殺牛賣肉者仰府縣軍巡嚴加糾察如得所犯人准條
科斷如有死牛卽令貨賣每斤不得過五文鄉村死牛
但報本村節級然後准例納皮曉示天下以此處分
又任圜奏三京留守諸道節度觀察諸州防禦使刺史
每年應聖節及正至等節貢奉或討伐勝捷各進獻馬
伏見本朝舊事雖以獻馬爲名多將綾絹金銀折充馬
價蓋跋涉之際護養稍難因此羣方俱爲定制自今後
伏乞除蕃部進駝馬外諸州所進馬許依天復三年已
前事例隨其土產折進價直冀貢輸之稍易又誠敬之

獲中兼欲於諸處揀孳生馬準舊制分置監牧仍委三司使別具制置奏聞夏四月庚寅盧

臺軍將龍旺等伏誅

五代史夏四月辛巳朔虜知溫奏

招討寧國軍節度使烏震尋與安審通斬殺亂兵訖帝聞之廢朝一日贈震太傅新羅國遣使貢方物丁亥以華州畱後劉彥琮為本州節度使是日幸會節園宴近臣已丑以兵部侍郎崔居儉權知尚書左丞以戶部侍郎王權為兵部侍郎以禮部侍郎裴皞為戶部侍郎以翰林承旨守中書舍人李愚為禮部侍郎充職庚寅御史臺奏今月三日廊下食百官坐定兩省官方來自五品已下輒起詔曰每赴廊餐如對御宴若行私禮是失朝儀各罰半月俸詔盧臺亂軍龍旺所部鄴都奉節等九指揮三千五百人在營家口骨肉並可全家處斬龍旺所部之眾即梁故魏博節度使楊師厚之所招置也皆天下雄勇之士目其都為銀槍効節僅八千人師厚卒賀德倫不能制西迎莊宗入魏從珂征河上所向有功莊宗一統之後雖數頒發而騎縱無厭同光末自貝州劫趙在禮據有魏博及帝繼位在禮冀脫其禍潛奏愿赴朝覲遂除皇子從榮為帥乃令北禦契丹是行也

不支甲冑唯幟于長行表隊伍而已故俛首邁征在途
聞李嚴爲孟知祥所害以爲劍南阻絕互相煽動及屯
于盧臺會烏震代房知溫爲帥轉增浮說震與房知溫
博于東寨日亭午大譟于營外知溫上馬出門爲甲士
所擁且日不與兒郎爲主更何處去知溫給之曰馬軍
皆在河西步卒獨何爲也遂得躍馬登舟濟于西岸安
審通敗騎軍不動知溫與審通謀伺便攻之令亂兵卷
甲南行騎軍徐進部伍嚴整叛者相顧失色列炬宵行
疲于荒澤遲明潛令外州軍別行知溫等遂擊亂軍橫
尸于野餘衆復趨舊寨至則已焚之矣翌日盡戮之脫
于叢草溝塍者十無二三迨夜竄于山谷稍奔于定州
及王郁之敗乃無噍類矣癸巳兖州節度使房知溫加
侍中齊州防禦使安審通加檢校太傅並賞盧臺之功
也丁酉僞吳楊溥遣移署右威衛將軍雷現貢端午禮
幣辛丑以前利州節度使張敬詢爲雲州節度使遣樞
密使孔循赴荆南城下時招討使劉訓有疾故也甲辰
以戶部侍郎韓彥輝爲秘書監是日幸石敬瑭安重誨
第丙午故振武節度使李嗣恩贈太尉以司封郎中充
樞密院直學士閻至爲左諫議大夫充職右諫議大夫
梁文矩上言平蜀已來軍人剽畧到西川人口甚多骨

肉阻隔恐傷和氣請許收認帝仁慈素深因文矩之奏
詔河南河北舊因兵火擄隔者並從識認是日鄧州進
白鵲五月癸丑以福建畱後檢校太傅舒州刺史王延
鈞爲檢校太師守中書令充福建節度使瑯琊郡王以
太常卿蕭頊爲吏部尚書是日懷州進白鵲戊午以三
司副使守太子賓客張格卒廢朝以翰林學士駕部郎
中知制誥竇夢徵爲中書舍人充職癸亥遣宣徽使張
延朗調發郡縣糧運赴荆南城下仍以軍法從事以右
龍武統軍崔公實爲左龍武統軍以前復州刺史高行
周爲右龍武統軍割果州屬郡乙丑僞吳楊溥貢新茶
滄州進白鶴庚午詔罷荆南之師旣而令軍士散掠居
民而迴詔文武臣僚及諸道節度使刺史有父母在者
各與恩澤宰臣任園表辭三司事乃以樞密院承旨孟
鵠充三司副使權判五代會要二年四月御史臺奏
今月三日鄧下餐百官坐充兩省方來自五品以下輒
起勅每赴廊餐如對御宴若行私禮是失朝儀宜各罰
俸半月又天成二年五月懷州進白鵲至六月兖州
進三足烏四年七月遂州進嘉禾一莖九穗百官稱賀
勅付史館編錄六月丙戌任園罷庚子幸白司馬坡祭突厥神

原注夷狄之事也 五代史六月壬午華州郿州進兩
岐麥兗州進三足烏丙戌宰相任圜落平章事守太子
少保丁亥詔天下除併无名額寺院以宣徽北院使張
延朗爲右武衛大將軍判三司依前宣徽使檢校司徒
辛卯大理少卿王鬱上言凡決極刑準勅合三覆奏近
年已來全隳此法伏乞今後決前一日許一覆奏從之
壬辰南面招討使知荆南行府事襄州節度使檢校太
傅劉訓責授檢校右僕射守檀州刺史訓南征無功故
有是譴詔喪葬之家送終之禮不得過度乙未戶部尙
書李璘上言請朝班自四品已上官各許薦令錄兩人
五品官各薦簿尉兩人功過賞罰與舉者同之詔從之
其所舉人仍于官告內標所舉名姓或有不公連坐舉
主仍令三品已上各舉堪任兩使判官者丙申以天策
上將軍湖南節度使開府儀同三司檢校太師守尙書
令楚王馬殷爲守太師尙書令封楚國王甲子辛白司
馬坡祭突厥神從北俗之禮也 五代會要後唐天成
二年六月戶部尙書李麟奏應升朝官四品以上各許
薦令錄兩人五品六品官各許薦簿尉兩人勅所舉人
除官後仍于官告內坐舉官姓名赴任之後或有不公
連坐舉主兼三品以上有舊諸行止堪充兩使判官者

各具才業上聞秋七月甲子隨州刺史西方鄴取夔忠萬州癸

酉殺豆盧革韋說

五代史秋七月庚戌朔以宋州節度使王晏球充北面行營副招討使癸

丑以左金吾將軍烏昭遠爲左衛上將軍充入蠻國信使中書奏馬殷封楚國王禮文不載國王之制請約三

公之儀用竹冊從之壬戌西川節度副大使知節度事孟知祥加檢校太尉兼侍中東川董璋加爵邑以左

義指揮使元習爲資州刺史右効義指揮使盧密爲雅州刺史癸亥幸冷泉宮甲子以檢校工部尙書謝洪爲

宿州團練使夔州刺史西方鄴奏殺敗荆南賊軍收峽內三州丙寅升夔州爲寧江軍以鄴爲節度使戊辰詔

曰頃因本朝親王遙領方鎮遂有副大使知節度事年代已深相沿未改其東川西川今後落副大使只云節

度使庚午遂州雷後李敬周鄜州雷後劉仲殷並正授本州節度使壬申充州節度使房知溫移鎮徐州徐州

節度使安元信移鎮襄州滄州節度使趙在禮移鎮兗州以齊州防禦使安審通爲滄州節度使是日詔陵州

合州長流百姓豆盧革韋說等宜令逐處刺史監賜自盡共骨肉並放逐便是日逐段凝于遼州劉訓于濮州

溫韜于德州甲戌太子少保任園上表乞致仕仍于外地尋醫詔從之丁丑以左金吾大將軍曹廷隱為齊州

防禦使八月乙酉牂牁使宋朝化及昆明使者來五代史

以秘書少監崔慤為右諫議大夫孔昭序為給事中

軍劉衡為左領衛上將軍以鄴都副留守趙敬怡為右

衛上將軍判與唐府事乙酉昆明大鬼主羅殿王普露

靜王九部落各差使隨牂牁清州入郡刺史宋朝化等

一百五十三人來朝進方物各賜官告繪綵銀器放還

蕃丙戌以御史中丞盧文紀為工部尚書以左諫議大

夫梁文矩為御史中丞鄧州畱後陶玘貶嵐州司馬以

其為內鄉縣令盛歸仁所訟稅外科率故也仍賜歸仁

緋袍魚袋癸巳幸皇子從榮第宣禁中伎樂觀宴從榮

進馬及器幣帝因以伎樂賜之華州上言渭河泛濫害

稼丁酉以吏部郎中龔文宣公孔逸為左諫議大夫史

館修撰趙熙上言應內中公事及詔書奏對應不到中

書者請委內臣一人鈔錄月終送史館詔差樞密直學

士錄送青州進芝草新州奏契丹乞置互市癸卯汴州

節度使朱守殷加兼侍中鄆州節度使符習加檢校太

尉甲辰皇子從榮娶鄜州節度使劉仲殷女是夕禮會
百僚表賀五代會要天成二年八月起居郎趙熙奏

今後凡公事及詔書奏對應不到中書者伏乞委內臣
一人旋具鈔錄月終關送史館勅宜令樞密院學士月

終選九月庚午党項使如連山來壬申契丹使梅老來

五代史九月辛亥義武軍節度使檢校太尉兼中書令
王都加食邑實封幽州節度使趙德鈞加檢校太尉鎮

州節度使王建立加同平章事僞吳楊溥遣使以應聖
節貢獻已未以前雲州節度使高行珪爲鄧州節度使

是日出御札曰歷代帝王以時巡狩一則遵平禮制二
則按察方區別彼夷門控茲東夏當先帝戡平之始爲

恥躬殿守之邦俗尙貞純兵懷忠勇自元臣鎮靜庶事
康和兆民咸樂于有年闔境彌堅于望幸事難違衆義

在省方朕取十月七日親幸汴州庚申以衛尉卿李延
光爲大理卿取北京畱守李彥超上言先父存審本姓符

氏蒙武皇賜姓乞却還本姓從之乙丑夏州節度使李
仁福鳳翔節度使李從曠勅方節度使韓洙並加食邑

改賜功臣以汝州防禦使趙延壽爲河陽節度使以比
部郎中知制誥劉贊爲中書舍人以河陽掌書記程遜

爲比部員外郎知制誥以代州刺史李德珣爲蔚州刺史丙寅樞密使孔循兼東都留守襄州夏魯奇上言荆南高季興遣使持書乞修貢奉詔魯奇不納詔諸州錄事參軍不得兼使府賓職已已鄧州節度使史敬鎔加檢校太保同州節度使盧質加檢校司徒御史臺奏每遇入閣舊例只一員侍御史在龍墀邊祇候彈奏公事或有南班失儀點檢不及今欲依常朝例差殿中侍御史二員押鐘鼓樓位仍各綴供奉班出入從之以青州節度副使淳于晏爲亳州團練使契丹遣使美稜瑪古已下朝貢戊寅西川奏據黎州狀雲南使趙和于大渡河南起舍一間畱信物十五籠并雜賤詩一卷遞至闕下冊府元龜天成二年九月九日應聖節四方諸侯並有進獻丁巳百官奏爲應聖節于敬愛寺行香設齋宣教坊伎宴樂之宰臣樞密使以下咸進壽酒各賜錦衣召兩街僧道冬十月乙酉如汴州宣武軍節度使朱於中興殿講論

守殷反馬步軍指揮使馬彥超死之已丑守殷自殺原注

不書克汴州者天子自以兵討未嘗攻戰直入其城乙也佗自殺不書爲書克州此不書克州故書自殺

未殺太子少保致仕任圜

原注實安重誨矯詔殺之不書重誨殺者明宗知而不責

又下詔書誣圜以罪故以明宗自殺書之

辛丑德音釋輕繫囚是月傳箭于

霍彥威

原注夷狄之事也五代史冬十月己卯朔帝御文明殿視朝癸未亳州刺史李鄴貶郴州司

戶又貶崖州長流百姓所在賜自盡判官樂文紀配祁州責其違法黷貨也乙酉駕發西京詔畱宰相崔協以

奉祠祭丁亥帝宿于策陽汴州朱守殷奏都指揮使馬

彥超謀亂已處斬訖戊子次京水知朱守殷反帝親統

禁軍倍程前進翼日至汴州攻其城拔之守殷伏誅丙

申磁州刺史藥縱之上言今月十二日供奉官王仁鎬

至稱制殺太子少保致仕任圜契丹遣使持書求碑石

欲爲其父表其葬所戊戌詔曰諸道州府自同光三年

已前所欠天成元夏稅租并主持務局敗闕課利并沿河舟

船折欠天成元年殘欠夏稅並特與除放時重誨既構

任圜之禍恐人非之思誨恩于衆以掩已過乃奏曰三

司積欠約二百萬貫虛繫帳額請並蠲放帝重違其意

故有是詔時議者以蠲隔年之賦猶或惠民場院課利

一概除之得不起奸幸之門乎已亥詔曰太子少保致

仕任剛早推勲舊曾委重難既退免于劇權俾優閒于
外地而乃不遵禮分潛附守殷緘題罔避于嫌疑情旨
頗彰于怨望自收汴壘備見蹤由若務含宏是孤典憲
尚全大體止罪一身已令本州私第自盡其骨肉親情
僕使等並皆放罪辛丑詔曰后來其蘇動必從于人欲
天監厥德靜宜布于國恩近者言幸浚郊暫離洛邑蓋
逢歲稔共樂時康不謂奸臣迷彰逆狀爲厲之階既甚
覆宗之禍自貽以致近輔生靈遭此多端紛擾永言軫
惻無輟寐興宜覃雨露之恩式表雲雷之澤應汴州城
內百姓既經驚劫宜放二年屋稅諸處有曾受逆人文
字者隨處焚毀應天下見禁囚徒除十惡五逆放火殺
人劫盜合造毒藥官典犯贓僞行印信屠牛外罪無輕
重並從釋放應有民年八十已上及家長有廢疾者免
一丁差役云以山南西道節度使張筠爲西京畱守行
京兆尹青州節度使霍彥威差人走馬進箭一對賀誅
朱守殷帝却賜彥威箭一對傳箭蕃家之符信也起軍
令衆則使之彥威本非蕃將以臣傳箭于君非禮也癸
卯以權知汴州事陝州節度使石敬瑭爲汴州節度使
兼六軍諸衛副使侍衛親軍馬步都指揮使鳳翔奏地
震丙午咸武軍節度副使檢校太尉守建州刺史王延

稟加同平章事守建州刺史充奉國軍節度副使兼威武軍節度副使詔割施州却屬黔南十一月

乙亥契丹使梅老來

五代史十一月己酉帝祭蕃神于

李從敏爲陝州節度使乙卯青州霍彥威鄆州符習來朝以太子詹事溫輦爲吏部侍郎徐州房知溫來朝戊午黔南節度使李紹義加檢校太保庚申皇子河中節度使檢校太保同平章事從榮河南尹判六軍諸衛事檢校太保同平章事從厚並加檢校太傅進爵邑貝州刺史竇廷琬上言請制置慶州青白兩池逐年出絹十萬匹米萬石詔升慶州爲防禦所以廷琬爲使壬申詔霍彥威等歸藩詔太宗朝左僕射李靖可冊贈太保鄭州僕射陂可改爲太保陂時議者以僕射陂者後魏孝文帝賜僕射李冲故因以爲名及是命之降以爲李靖蓋誤十二月己丑也契丹遣使摩琳等率其屬來乞通和

回鶻西界吐蕃遣使者來甲辰畋于東郊丙午追尊祖考爲皇帝妣爲皇后高祖聿諡曰孝恭廟號惠祖祖妣

劉氏諡曰孝恭昭會祖敖諡曰孝質廟號毅祖祖妣張

氏諡曰孝質順祖琰諡曰孝靖廟號烈祖祖妣何氏諡

曰孝靖穆考諡曰孝成廟號德祖妣劉氏諡曰孝成懿

立廟于應州五代史十二月戊寅朔以前鳳翔畱後高

屬郡以其便近故也遣飛勝指揮使于契丹賜契丹王

錦綺銀器等兼賜其母繡被纓珞已卯蔚州刺史周令

武得代歸闕帝問北州事令武奏曰山北甚安諸蕃不

相侵擾鴈門已北東西數千里斗粟不過十錢帝悅願

謂左右曰須行善事以副天道居數日帝延宰臣于元

德殿言及民事馮道奏曰莊宗末年不撫軍民惑于聲
樂遂致人怨國亂陛下自膺人望歲時豐稔亦淳化所
致也更愿居安思危帝然之許州地震庚辰皇子鄴都
畱守從榮移鎮太原以北京畱守符彥超為潞州節度
使乙酉以彰國軍節度使李從璋昧于政理詔歸闕勅
新及第進士有聞喜宴逐年賜錢四十萬已丑兗州節
度使趙在禮來朝詔出潛龍宅米以賑百官壬辰以太

傳致仕齊國公趙光逢卒輟朝丙申許州節度使夏魯奇移鎮遂州庚子幸石敬瑭公署及康義誠私第甲辰狩于東郊臘也丙午追尊四廟以應州舊宅為廟五代會要惠祖孝恭皇帝諱聿天成二年十二月追尊孝恭皇帝廟號惠祖恭皇帝長子母曰昭皇后崔氏天成二年十二月追尊孝敬孝恭皇帝長子母曰昭皇后崔氏天成二年十二月追尊孝靖皇帝諱瑋皇帝廟號毅祖葬衍陵在應州金城縣烈祖孝靖皇帝長子母曰順皇后張氏天成二年十二月追尊孝靖皇帝諱瑋皇帝廟號毅祖葬衍陵在應州金城縣烈祖孝靖皇帝長子母曰應州金城縣德祖孝成皇帝諱寬孝靖皇帝長子母曰穆皇后何氏天成二年十二月追尊孝成皇帝廟號德祖葬慶陵在應州金城縣冊府元龜天成二年丙午追尊四代祖麟州僕射諱聿諡曰孝恭昭皇后三代祖朔州司衛國夫人博陵崔氏諡曰孝恭昭皇后三代祖朔州司空諱敖諡曰孝質皇帝廟號毅祖趙國夫人張氏諡曰孝質順皇后皇帝廟號毅祖朔州司烈祖皇帝妣秦國夫人何氏諡曰孝靖穆皇后皇帝考汾州太師諱霓諡曰孝成皇帝廟號德祖皇妣宋國夫人劉氏諡曰孝成懿皇后以應州舊宅為廟五代會要天成二年十二月勅新進士及第有聞喜宴今後逐年

賜錢四百貫 五代春秋丁亥二年二月誅郭崇謙三
月荆南高保興叛附于吳廬臺戍軍亂房知溫討平之
十月帝幸汴州戊子次京水汴州朱守殷拒
命已丑帝至汴州誅朱守殷安重誨害任圜

三年春正月丁巳契丹陷平州 五代史天成三年春正

受朝賀仗衛如式辛亥前河陽節度使檢校太傅兼侍
中孔勣以太子太傅致仕癸丑詔取今月十七日幸鄴
都甲寅以國子祭酒朱守素卒廢朝丙辰以鎮南軍節
度使袁建豐卒廢朝詔贈太尉丁巳詔曰朕聞堯舜有
恤刑之典貴務好生禹湯申罪己之言庶民知過今月
十七日據巡檢軍使渾公兒口奏稱有百姓二人以竹
竿習戰鬪之事朕初聞奏報實所不容率爾傳宣令付
石敬瑭處置今旦重誨敷奏方知悉是幼童為戲載聆
讜議方覺失刑循揣再三愧惕非一亦以渾公兒証誣
頗甚石敬瑭詳覆稍乖致人枉法而殂處朕有過之地
今減常膳十日以謝幽冤其石敬瑭是朕懿親合施極
諫既茲錯誤宜示省循可罰一月俸渾公兒決脊杖二
十仍銷在身職銜配流登州小兒骨月賜絹五十匹粟
麥各百石便合如法埋葬兼此後在朝及諸道州府凡

有極刑並須子細裁遣不得因循百寮進表稱賀已未
中書門下奏國子監祭酒望令宰相兼判乃詔崔協判
之辛酉以前潞州節度使毛璋為右金吾上將軍以左
驍衛上將軍華溫琪為右金吾大將軍以春州刺史張
虔釗為鄭州防禦使契丹陷平州癸亥詔應廟諱文字
只避正文其偏旁文字不用虧缺點畫契丹遣使托諾
巴摩哩等貢獻帝遣指揮使奔托山押國信賜契丹主
妻戊辰以隨駕馬軍都指揮使富州刺史康義誠兼領
鎮南軍節度使以隨駕步軍都指揮使潮州刺史楊漢
章遙領寧國軍節度使中書上言舊制遇二月十五日
元元皇帝降聖節休假三日準會昌元年二月勅休假
一日請準近勅從之吐蕃伊瑊雅遜等六人回鶻米里
都督等四人並授歸德懷遠將軍悉放還蕃庚午冊贈
故瀛州刺史李嗣顯為太尉王申冊贈故皇子檢校司
空從諱為太保甲戌制以楚國夫人曹氏為淑妃
以韓國夫人王氏為德妃仍令所司擇日冊命
二月

辛巳吐渾都督李紹虜來乙未孔循罷戊戌回鶻使李

阿山來五代史二月丁丑朔有司上言太陽合虧既而
有雲不見羣臣表賀詔巡幸鄴都事宜停庚辰

偽吳楊溥遣使貢獻賀誅朱守殷帝以荆南拒命通連
淮夷不納其使遣還壬午以光祿卿韋寂卒廢朝贈禮
部尚書癸未工部尚書盧文紀貶石州司馬員外安置
文紀私諱業時新除于鄴爲工部郎中舊例寮屬名與
長官諱同或改其任文紀素與宰相崔協有隙故中書
未議改官于鄴授官之後文紀自請連假鄴尋就位及
差延州官告使副未行文紀參告且言候鄴迴日終請
換曹鄴其夕遂自經而死故文紀貶官以倉部郎中何
澤爲吏部郎中獎伏閣諫巡幸鄴都也丁亥天德軍節
度使郭承豐加檢校司徒辛卯以山南西道節度使張
筠爲左驍衛上將軍詔中外羣臣父母亡沒者並與追
封贈癸巳以禮部尚書崔貽孫卒輟朝甲午以吐渾寧
朔奉化兩府都知兵馬使李紹魯爲吐渾寧朔府都督
乙未以樞密使兼東都留守孔循爲許州節度使兼東
都留守鄧州節度使高行珪移鎮安州應州節度使李
從璋移鎮滑州滑州節度使盧文進移鎮鄧州丁酉以
責授檀州刺史劉訓爲右龍武大將軍己亥迴鶻可汗
仁喻遣都督李阿爾珊等貢獻壬寅以左金吾大將軍
羅周敬爲同州節度使甲辰以威塞軍節度使張廷裕
卒廢朝詔贈太保以耀州團練使孫岳爲閬州團練使

以左監門上將軍高允貞為右金吾衛大將軍以三月
右金吾衛大將軍華溫琪為左金吾衛大將軍

丁未朔御札求直言已未鄭珣罷癸亥成德軍節度使

王建立為尚書右僕射同中書門下平章事西方鄴克

歸州戊辰宣徽南院使范延光為樞密使五代史三月

雨詔文武百辟極言時政得失丁巳以邢州節度使王

景戡為華州節度使以前北京副留守李從溫為邢州

節度使已未以宰臣鄭珣為開府儀同三司左僕射致

仕加食邑五百戶庚申以前復州刺史翟章為新州威

塞軍畱後中書奏孟夏薦饗合宰相行事在朝只有宰

相二員今東都畱守孔循帶平章事宜令攝太尉行事

孔循稱使相有戎機不當司祠祭重事癸亥以前鎮州

節度使王建立為右僕射兼中書侍郎平章事集賢殿

大學士判三司西方鄴上言收復歸州以前鄭州刺史

楊漢賓為洋州武定軍畱後戊辰以前彰國軍節度副

使陳皋為鳳州武興軍畱後以前蔡州刺史孫漢詔為

應州彰國軍畱後以宣徽南院使范延光為樞密使以

宣徽北院使判三司張延朗為宣徽南院使以前冀州刺史婁繼英為耀州團練使以懷州刺史張廷蘊為金州防禦使已命范延光權知鎮州軍府事西方鄴奏于歸州殺敗荆南賊軍數千人時有太白山道士解元龜自西川至對于便殿稱年一百一歲既而上表乞西都畱守兼西川制置使要修西京宮闕帝謂侍臣曰此人也老耄自遠方來朝方期別有異見反為身名甚可笑也賜號知白先生賜紫放歸山甲戌冊迴鶴可汗仁喻為順化

夏四月戊寅延光罷乙酉達靺遣使者來義武

軍節度使王都反壬寅歸德軍節度使王晏球為北面

行營招討使

五代史夏四月戊寅以汴州節度使石敬瑭為鄴都畱守充天雄軍節度使加同平

章事以樞密使權知鎮州軍府事檢校太保范延光為鎮州節度使兼北面水陸轉運使以司農卿鄒續為太僕卿壬午夔州節度使東南面副招討使西方鄴加檢校太保甲申皇第三女石氏封永寧公主第十三女封與平公主仍令所司擇日冊命幽州上言契丹有書求樂器乙酉達靺遣使朝貢以隨駕馬軍都指揮使康義

誠爲侍衛親軍馬步軍都指揮使丙戌樞密使安重誨
兼河南北尹以皇子河南尹判六軍諸衛事從厚爲汴州
節度使判六軍如故丁亥復州奏湖南大破淮賊于道
人磯以西川馬步軍都指揮使趙延隱兼漢州刺史從
孟知祥之請也洋州上言重開入蜀舊路三百餘里比
今官路較二十五程而近癸巳殿中少監石知訥貶憲
州司戶坐扇惑軍鎮也北面副招討宋州節度使王晏
球以定州節度使王都反狀問庚子制義武軍節度使
檢校太尉兼中書令太原王都削奪官爵壬寅以王
晏球爲北面行營招討使知定州行軍州事以滄州節
度使兼北面行營馬軍都指揮使以左散騎常侍蕭希
兼諸道馬軍都指揮使以左散騎常侍蕭希甫兼判大
理卿事西京奏前五月契丹禿餒入于定州辛酉右衛
樞密使張居翰卒
上將軍趙敬怡爲樞密使封回鶻可汗王仁裕爲順化
可汗五代史五月乙巳朔回鶻可汗仁裕封順化可汗
使趙延壽並加駙馬都尉以右僕射李琪爲太子少傅
辛亥沙州節度使曹義金加爵邑王晏球上言收奪得

定州北西二關城癸丑湖南馬殷奏二月中大破淮寇
二萬生擒將士五百餘人中書上言諸道薦人總與不
可全阻又難今後節度使每年許薦二人帶使相者許
薦三人團練防禦使各一人節度觀察判官並聽旨授
書記已下卽許隨府從之以六軍判官尙書司封郎中
史圭爲右諫議大夫充樞密直學士詔州縣官以三十
月爲考限刺史以二十五月爲限以到任日爲始已未
幽州奏契丹托諾領二千騎西南趣定州以前同州節
度使盧質行兵部尙書判太常卿事辛酉以前同州節
度副使判興唐府事趙敬怡爲樞密使詔曰上柱國勳
之極也近代已來文臣官階稍高便授柱國歲月未深
便轉上柱國武資初官便授上柱國今後凡加勳先自
武騎尉十二轉方授上柱國永作成規不令踰越丁卯
鎮州奏今月二十八日王師不利于新樂壬申王晏球
奏今月二十一日大破定州賊軍及契丹于曲陽斬獲
數千人王都與托諾以數十騎復入于定州六月己卯
以右金吾上將軍毛璋爲左金吾上將軍以前安州節
度使史敬鎔爲右金吾上將軍以前華州節度使劉彥
瑑爲左武衛上將軍壬午放內園鹿七頭于深山乙酉
皇子故金槍指揮使檢校左僕射從璟贈太保乙丑幽

州趙德鈞奏殺契丹千餘人于幽州東獲馬六百匹壬辰宰臣馮道率百寮上表請上尊號曰聖明神武文德恭孝皇帝詔報不允丙申馮道等再上尊號不允秋七戊戌以西京副留守知留守事張遵誨行京兆尹秋七月己未殺齊州防禦使曹廷隱五代史秋七月乙巳詔正公以諸侯禮葬丙午以前武信軍節度使李敬周爲邠州節度使丁未以滄州節度使安審通卒于師報朝壬子以朔方節度使韓洙卒廢朝甲寅王晏球奏六月二十二日進攻逆城將士傷者三千人時晏球知城中有備未欲急攻朱宏昭張虔釗切于立功促攻賊壘晏球不得已而進兵遂致傷疾甚衆乙卯以太子少保李茂勲卒報朝己未詔弛薨禁許民間自造于秋苗上徵納麴價畝出五錢時孔循以麴法殺一家于洛陽或獻此議以爲愛其人便于國故行之宗正卿李紱除名刑部侍郎馬縞貶綏州司馬刑部員外郎李慎儀貶階州司戶初李紱差攝陵臺令張保嗣等各虛稱試銜爲奉先令王延朗所訟大理寺斷以詐假官論刑部詳覆稱非詐假大理執之召兩司廷議刑部理屈故有是攝官皆續勅配隴州徒一年未幾詔曰天下州府例是攝官皆

結試銜或因勸窮便關詐假已前或有稱試銜一切不
問此後並宜禁止曹州刺史成景宏貶綏州司戶參軍
續勅長流宥州尋賜自盡坐受本州倉吏錢百緡也壬
戌齊州防禦使曹廷隱以奏舉失實配流永州續勅賜
自盡甲子王晏球奏今月十九日契丹七千騎來援定
州王師逆戰于唐河北大破之追至滿城又破之斬二
千級獲馬千匹戊辰詔福建節度使王延鈞可依前檢
校太師守中書令進封閩王已巳王晏球奏此月二十
一日追契丹至易州掩殺四十里擒獲甚衆故朔方節
度使韓洙贈太尉以兵部侍郎王權御史中丞梁文矩
並爲吏部侍郎以左諫議八月盧龍軍節度使趙德鈞
大夫呂夢奇爲御史中丞

執契丹首領惕隱赫邈慶州防禦使竇廷琬反五代史
酉朔以翰林學士守中書舍人李懌劉昫並爲戶部侍
郎充職以吏部侍郎劉岳守秘書監以吏部侍郎韓彥
渾守禮部尙書以戶部侍郎歸藹守太子賓客以戶部
侍郎裴皞守兵部侍郎以中書舍人張文寶守刑部侍
郎詔凡有姓犯廟諱者以本望爲姓丁丑以檢校尙書
右僕射守龍武大將軍劉訓爲晉州節度使檢校太傅

壬午幽州趙德鈞奏于府西邀殺契丹敗黨數千人生擒首領特哩袞及其屬凡五十餘人是時官軍襲殺契丹屬秋雨繼降泥濘莫進人饑馬乏散投村落所在村民持白挺毆殺之德鈞出兵接于要路惟奇峯嶺北有馬潛遁脫者數十餘無唯類帝致書諭其本國辛卯以朔方軍畱後韓璞為朔方軍節度使靈武雄警甘肅等州觀察使檢校司徒帝聞隨鄧復郢均房之民父母骨肉有疾以長竿遙致粥食而餉之出嫁女夫家不遣來省疾乃下詔委長吏嚴加禁察房州奏新開山路四百里南通夔州畫圖以獻以前洋州節度使戴思遠為太次承旨一員不計官資先後翰林學士入院以先後為班子少保致仕庚子詔令後翰林學士之上閏月丁未兩浙節度使觀察畱後清海軍節度使檢校太師兼中書令錢元瓘加杭州越州大都督府長史充鎮東鎮海等軍節度使戊申趙德鈞獻戎俘于闕下其蕃將特哩袞等五十人畱于親衛餘契丹六百人皆斬之乙卯升楚州為順化軍以明州刺史錢元珦為本州節度使以吏部尚書蕭頊為太子少保契丹遣使來貢獻契丹平州刺史張希崇上表歸順乙丑陝州節度使李從敏移鎮滄州以宣徽南院使張延朗為陝州節度使詔在京遇

行極法日宜不舉樂兼減常膳諸州遇行極法日禁聲
樂已已滑州掌書記孟昇匿母服大理寺勘處流特勅
孟昇賜自盡觀察使觀察判官錄事參軍失其糾察各
行殿罰襄邑縣民聞威父爲人所殺不雪父冤有狀和
解特勅處死是月二十七日大水河水溢絳州地震九
月乙亥以捧聖左右廂副都指揮使索自通爲雲州節
度使丁丑以太府卿判四方館事李郁爲宗正卿壬午
以晉州節度使安崇阮爲驍衛上將軍甲申吐蕃回鶻
各遣使貢獻壬辰宰臣王建立進玉杯上有文曰傳國
萬歲杯乙未詔德州流人溫韜遼州流人段凝嵐州司
戶陶玘憲州司戶石知訥原州司馬聶嶼並宜賜死于
本處暴其宿惡而誅之也丙申以邠州節度使梁漢顯
爲右威衛上將軍丁酉河陽節度使駙馬都尉趙延壽
爲檢校司徒己亥詔徐州節度使房知溫兼荆南行營
招討使知荆南行府事又資廷琬者世爲青州牙將
梁祖擢爲左右同光初爲復州遊奕使姦盜屏跡厯貝
州刺史未幾請制置慶州鹽池逐年出絹十萬匹米十
萬斛遂以廷琬爲慶州防禦使俾制置之由是嚴刑峻
法屢撓邊人課利不集詔移任于金州廷琬據慶州叛
詔邠州節度使李敬周率兵討平之夷其族五代會

要三年八月詔曰凡有姓犯廟諱者改以本望爲姓
冊府元龜三年九月九日應聖節召兩街僧道談經於
崇元殿宰相進壽酒百官行香修齋于相國寺宣教坊
樂及左右廂百戲以宴樂之又僧道虛受等賜紫衣師
號共計六十人冬十月靜難軍節度使李敬周討之丁巳突厥

使張慕晉來

五代史冬十月甲辰制瓊華長公主孟氏

從敏兼北面招討使戊申帝臨軒命禮部尚書韓彥俔
工部侍郎任贊往應州奉冊四廟詔邠州節度使李敬
周攻慶州以刺史竇廷琬拒命故也戊午契丹平州刺
史張希崇已下八十餘人見于元德殿頒賜有差突厥
首領張慕進等來朝貢甲子安州節度使高行珪奏屯
駐左神捷左懷順軍士作亂已逐殺出城詔升壽州爲
忠正軍戊辰以雲州節度使索自通領壽州節度使以
前雲州節度使張溫復爲雲州節度使庚午夜西南有
彗星長丈餘十一月壬午吐渾使念九來甲午王建立
在牛星五度十一月癸酉口南至帝御崇元殿受朝賀甲

罷

五代史十一月癸酉口南至帝御崇元殿受朝賀甲
戌捧聖指揮使何福進招收到安州作亂兵士五百

人自指揮使已下至節級四十餘人並斬餘衆釋之壬午房知溫奏荆南高季興卒中書舍人劉贊奏請節度使及文班三品以上謝見通喚從之是日以契丹所署平州刺史光祿大夫檢校太保張希崇爲汝州刺史加檢校太傅已丑中書奏今後或有封冊請御正衙從之青州奏節度使霍彥威卒輟朝三日詔宰臣王建立權知青州軍州事庚寅禮部員外郎和凝奏應補齊郎並須引驗正身以防僞濫舊例使蔭一任官補一人今後改官須轉品卽可如無子許以親姪繼限念書十卷試可則補從之甲午以尙書左僕射同平章事集賢殿大學士判三司王建立爲青州節度使檢校太尉同平章事丙申帝謂侍臣曰古鐵券如何趙鳳對曰帝王誓文許其子孫孫長享爵祿帝曰先朝所賜惟朕與郭崇韜李繼麟三人爾崇韜繼麟等已族滅朕之危疑慮在旦夕于是嗟嘆久之趙鳳曰帝王執信故不必銘金鏤石矣吏部郎中何澤奏流外官請不試書判之類從之吐蕃遣使朝貢戊戌前安州節度副使范延榮并男皆斬于軍巡獄爲高行珪誣奏故也五代會要天成三年十一月十一日中書舍人劉贊奏往例應諸道節度使及兩班大寮凡對明庭例合通喚近日全廢此儀伏

乞特詔所司重定向來格品若合通喚准舊施行中書
帖四方館令具事例分析申上據狀稱舊例節度使新
除中謝及罷任赴闕朝見合得通喚文班三品已上官
武班二品已上官新除中謝及使回朝見亦合得通喚
從之 又天成三年十一月十八日中書奏舊制凡降
勅命至尊臨軒伏自陛下纂襲繼有封崇但申節度之
儀尚缺臨軒之禮今後或封冊請御正衙雖勞萬乘之
尊冀重九天之命如此則行之時禮備受之者感深寧
唯轉耀于皇猷實亦永標 十二月李敬周克慶州竇廷
于青史從之仍付所司

琬伏誅辛亥幸康義誠第

五代史十二月壬寅朔詔真定府屬縣宜準河中鳳翔例

升為次畿真定縣升為次赤甲辰邠州節度使李敬周
奏收下慶州刺史竇廷琬族誅

冊府元龜天成三年

十二月丙午帝御崇元殿視朝

五代春秋戊子二年

正月帝在汴州四月定州王晏球拒命王晏球率師討定

州七月契丹救定州王晏球敗契丹于唐河幽

州趙德鈞敗契丹于府西九月誅溫韜段凝

四年春正月壬辰回鶻使掣撥都督來

五代史天成四年春正月壬申

朔帝御崇元殿受朝賀仗衛如儀幽州節度使趙德鈞
奏臣孫贊年五歲黠誦論語孝經舉童子于汴州取解
就試詔曰都尉之子大尉之孫能念儒書備彰家訓不
勞就試特與成名宜賜別勅及第附今年春榜戊子放
元年應欠秋稅以左衛上將軍安崇阮為黔南節度使
壬辰回鶻入朝使徹伯爾等五人各授懷化司戈放還
以北京副雷守馮贊為宣徽使判三司戊戌禁天下虛
稱試攝衙西川孟知祥奏支屬刺史乞臣本道自署

二月癸卯王晏球克定州

原注王都自焚故不書伏誅

辛酉晏球獻

馘俘趙敬怡薨丁卯崔協薨庚午至自汴州

五代史二月乙巳王

晏球奏此月三日收復定州獲王都首級生擒契丹托
諾等二千餘人百寮稱賀已畢乃詔取今月二十四日
車駕還東京辛亥以北面行營招討使宋州節度使王
晏球為鄆州節度使加兼侍中以北面行營副招討使
滄州節度使李從敏為定州節度使以北面行營兵馬
都監鄭州防禦使張虔釗為滄州節度使幽州節度使
趙德鈞加兼侍中乙卯以樞密使趙敬怡權知汴州軍
州事丙辰邢州奏定州送到偽太子李繼陶已處置訖

辛酉帝御咸安樓受定州俘馘百官就列宣露布于樓
前禮畢以王都首級獻于太社王都男四人弟一人托
諾父子二人並磔于市時露布之文類制敕之體蓋執
筆者誤頗為識者所嗤樞密使趙敬怡卒贈太傅以端
明殿學士趙鳳權知汴州軍州事甲子車駕發汴州丙
寅至鄭州賜左僕射致仕鄭珏錢二十萬丁卯宰相崔
協卒詔贈尚書右僕射東都留守太子少傅李琪等奏
至偃師縣奉迎時琪奏章中有敗契丹之凶黨破真定
之逆城之言詔曰契丹即為凶黨真定不是逆城李琪
罰一月俸庚午車駕至自汴州冊府元龜度之破淮西
二月辛亥制曰朕常披圖史備閱軍功裴度之破淮西
無遺廟算石雄之攻山北益展皇威莫不仰遺烈于祖
宗委全才于將相而自中山逆命外域朋奸奪戎旅于
鷹揚屠賊城而魚爛夕聞告捷明賞殊勲竭忠建策與
復功臣北面行營招討歸德軍節度使宋亳單賴等州
觀察處置亳州太清宮等使權知定州軍州事特進檢
校太傅同中書門下平章事使持節宋州諸軍事宋州
刺史上柱國瑯琊郡開國侯食邑一千戶王晏球長劍
倚天洪河帶地居萬夫之長擅三傑之名黃石兵書運
子房之籌畧清淮公族興仲爽之源流自統雄師往收

逆星摧曲陽之堅陣壓澗水之驚波爰築室以反耕攻
圍雉堞果析骸而易子傾覆烏巢招降之士庶數千撲
滅之凶狂非一王都授首禿餒生擒火焚而惡蔓皆除
電掃而妖氛併息諒茲丕績宜降優恩適眷汝陽實惟
巨鎮據大牙之內地當馬頰之要津是命疇以勲庸福
其黎庶進公國之品秩崇藩后之等威俾濬鳳池仍加
蟬冕帷幄共推于重席井田兼別于真封於戲解甲休
兵實歸于上將安民和衆議仗于賢臣永保令猷無替
朕命可依前檢校太傅兼侍中持節鄆州諸軍事守鄆
州刺史充天平軍節度觀察齊棣等州觀察處置使仍進
封開國公加食邑一千五百戶食實封一百戶行營副
招討橫海軍節度觀察等使守滄州刺史李從敏可光
祿大夫檢校太保使持節定州諸軍事守定州刺史充
義武軍節度觀察北平軍等使使進封開國伯加食邑一
千二百戶北面行營兵馬都監鄭州防禦使張虔釗可
光祿大夫檢校司徒使持節滄州諸軍事守滄州刺史
充橫海軍節度觀察等使仍封清河縣開國子食邑五
百戶又制曰朕聞魏絳和戎始克諸于金石祭遵征虜
終併息于烟塵此乃先務懷柔後申禁暴明國家之耀
德表藩翰之圖功既立不勲宜加懋賞與邦守政翊贊

功臣盧龍軍節度管內觀察處置押奚契丹兩蕃經畧
盧龍軍等大使特進檢校太尉同中書門下平章事幽
州大都督府長史上柱國天水縣開國侯食邑一千戶
趙德鈞崆峒稟氣渤澥融精傳相畧于貴公受兵符于
元女而自羈縻戎馬控制盧龍洞曉蕃情飽諸邊事獲
其五利常姑息於鮮卑運以六韜果生擒于惕穩可謂
坐籌帷幄能執干戈終殄寇于中山永罹凶于此域大
羊南牧賴掃蕩于尋時貔虎北征遂凱旋于此日加以
軍民胥悅畏愛並行薊門之人物如初燕谷之桑盛畢
備得不疇其庶績褒以徽章就加進律之文允協陟明
之典是命寵頒鳳綵榮列貂冠正爵位于三公加井田
于千戶貴申殊渥仍賜真封於戲事君之節已彰燕山
紀頌教子之方大著踐土臨戎有國有家唯忠唯孝享
茲具美永保令猷可依前檢校太尉兼侍中幽州大都
督府長史充盧龍軍節度觀察等使進封開國公加食
邑五百戶食實封一百戶乙卯以前洛州團練使張進
為鄭州防禦使秦州刺史安叔千為涿州刺史前棣州
刺史李思謙為磁州刺史賞中山之功也時定州王處
直養子王都劫叛三月丙戌殺姪從璨五代史三月甲
處直嬰城以叛

命相丙戌詔皇城使李從璩賤授房州司戶參軍仍令
盡命從璩帝之諸子也先是帝巡幸汴州畱從璩以警
大內從璩因遊會節園酒酣戲登帝榻安重誨奏之故
寘于法焉壬辰中書奏今後羣臣內有乞假觀省者請
量賜茶藥從之乙未以前鄆州節度使苻習爲汴州節
度使丙申詔鄴都幽鎮滄邢易定等州管內百姓除正
稅外放免諸色差配以討夏四月契丹寇雲州癸丑契
丹使撩括梅里來求禿餒殺之甲寅端明殿學士尙書
兵部侍郎趙鳳爲門下侍郎兼工部尙書同中書門下
平章事五代史夏四月庚子朔禁鐵鑼錢壬寅重修廣
壽殿成有司請以丹漆金碧飾之帝曰此殿經
焚不可不修但務宏壯不勞華侈湖南奏敗荆南賊軍
于石首鎮詔沿邊置場買馬不許蕃部直至闕下先是
党項諸蕃凡將到馬無驚良並云上進國家雖約其價
以給之及計其館穀錫資所費不可勝紀計司以爲耗
蠹中華遂止之壬子以皇子北京畱守河東節度使從
榮爲河南尹判六軍諸衛事以皇子河南尹判六軍諸

衛事從厚爲北京留守以河陽節度使趙延壽爲宋州節度使以侍衛親軍都指揮使鎮南軍節度使康義誠爲河陽節度使契丹寇雲州癸丑契丹遣紐赫美稜等復率其屬來朝貢稱取托諾等骸骨並斬于北市甲寅以端明殿學士趙鳳爲門下侍郎兼工部尚書平章事丙辰諫議大夫致仕襲文宣公孔邈卒庚申以王建立孔循帶中書直省吏歸藩並追迺壬戌幽州節度使趙德鈞兼北面行營招討使鎮州節度使范延光加檢校太傅戊辰中書奏五月一日應在京九品已上官及諸道進奉使請準貞元七年勅就位起居永爲恒式從之五代會要四年四月二十一日勅諸道節度使帶平章事兼侍中中書令在京則中書差直省一員引接及赴鎮擬合追還緣使相在京百官請謁須差直省引接兼侍衛出入或恐朝列誤沖及到本道自有客司通引官引接其從厚從榮雖爲皇子職本侯王王建立孔循曾掌樞衡見居藩鎮況諸道使相無直省者甚多其列東青許州先將去直省並宜追還中書五代史纂誤今按趙鳳傳鳳以端明殿學士禮部侍郎拜門下侍郎同中書門下平章事無以兵部侍郎拜平章事及工部尚書之事況本傳敘事自宜比帝紀加詳而此乃不然

何也冊府元龜天成四年四月壬寅武德使上言重脩嘉慶殿請丹漆金碧以營之帝曰此殿為火所廢不可不脩但務宏壯何須華侈尋改為廣壽殿五月己巳朝羣臣賀朔日視朝而曰賀朔著非禮視朝常事自不書爾五月賀朔出于道家之說自唐以來用之書之見亂世舉非禮之不急者此禮其後履行皆乙酉追諡少帝曰昭宣光烈孝皇不復書者與入閣同

帝契丹寇雲州

五代史五月己巳朔帝御文明殿受朝

丑大理卿李保殷卒已卯以忠武軍節度使西方鄴卒輟朝丁京兆尹充西京畱守以左威衛上將軍朱漢賓為潞州節度使乙酉以黔州節度使安崇阮為夔州節度使以左驍衛上將軍張溫為洋州節度使以黔州畱後楊漢賓為本州節度使中書奏太常寺定少帝諡昭宣光烈孝皇帝廟號景宗伏以少帝今不入廟難以言宗只云昭宣光烈孝皇帝從之丁亥以鳳州武興軍畱後陳皋為武興軍節度使以新州威塞軍畱後翟璋為威塞軍節度使壬辰以權知尚書右丞崔居儉為尚書右丞詔葺天下廨宇丙申襄州奏荆南高從誨乞歸順雲州奏

契丹犯塞六月辛丑以左散騎常侍姚顗爲兵部侍郎
壬寅夔州節度使楊漢章移鎮雲州以北京馬步軍都
指揮使兼欽州刺史張敬達爲鳳州節度使癸卯以前
西京副留守事張遵誨行衛尉事充客省使國子博士
田敏請葺四郊祠祭齋室丙午以沂州刺史張萬進爲
安北都護充振武軍節度使戊申以宿州刺史張康思
立爲利州節度使登州刺史孫元停任坐在任無名科
率故也詔鄴都仍舊爲魏府應魏府汴州益州宮殿悉
去鴟尾賜節度使爲衙署辛亥以權知朔方軍雷後定
難軍都知兵馬使韓澄爲朔方雷後癸丑以前潞州節
度使符彥超爲左驍衛上將軍詔諸道節度使行軍司
馬名位雖高或帥臣不在其州事宜委節度副使權知
又詔藩郡所請賓幕及主事親從者悉以名聞丙辰權
知荆南軍府事高從誨上章首罪乞修職貢仍進銀三
千兩贖罪壬戌幸至德宮詔京城空地課人蓋造如無
力者許人請射營構五代會要後唐天成四年六月
勅諸道節度使行軍司馬名位雖高或帥臣不在其軍州
事節度副使權知又四年六月勅諸州侯伯所請賓
從及主事元隨並令奏其名
姓或參佐道虧各令加罪
秋七月壬申殺右金吾衛

上將軍毛璋

五代史秋七月庚午以前西京留守判官張鏐為司農卿壬申貶前左金吾衛上將

軍毛璋為儒州長流百姓尋賜自盡以其在藩鎮陰蓄

奸謀故也甲戌御史中丞呂夢奇貴授太子右贊善大

夫坐曾借毛璋馬故也已卯以工部侍郎任贊為左散

騎常侍以樞密直學士左諫議大夫充樞使閭至為工

部侍郎充職遂州進嘉禾一莖九穗壬午以給事中判

大理卿事許光義為御史中丞史館上言所編修莊宗

一朝事迹欲名為實錄太祖獻祖懿祖名為紀年錄從

之甲申以前荆南行軍司馬檢校太傅高從誨起復授

檢校太傅兼侍中充荆南節度使丙戌涇州節度使李

從昶移鎮華州以冀州刺史李金全為涇州節度使戊

子中書奏今後新及第舉人有會授正官及御署者欲

約前任資序與除一官從之壬辰詔取來年二月二十

一日有事于南郊五代會要唐天成四年七月監修

國史趙鳳奏當館奉勅修懿祖獻祖太祖莊宗四帝實

錄自今年六月一日起手旋具進呈次伏以凡闕纂述

務合品題承乾御宇之君行事方云實錄追尊冊號之

帝約文祇可紀年所修前件史書今欲自莊宗一朝名

為實錄其太祖已上並自為紀年錄從之又唐天成

為實錄其太祖已上並自為紀年錄從之又唐天成

四年七月，中書門下奏：「今年及第人先曾守攝職官者，宜所司于守攝文書內監出應舉及第年月日，或改名不改名，分各印押其中，會受正官御署并佐幕者，仍將前任資序與除一任官如自中興以來諸科第人會受職官並令所司追納文書及到日准今年及第人例處分已受官者不在此限，兼勒貢院將來舉人納家狀內先納歷任文書及第准例指揮從之。其年七月，勅今年應新及第人給春關，並于敷政門外宣賜慮所司邀頡故也。冊府元龜：天咸四年七月壬辰，制朕自嗣守丕圖，勤修庶政，于茲四稔，罔怠萬機。上寶賴于祖宗，下必資于卿士，卑躬克儉，景行前王，側席求賢，追蹤往哲，日懼一日，雖休勿休，幸致風雨不愆，干戈載戢，九穗之禾應瑞，足表豐年。兩階之舞，咸賓無虞，曠代敢萌矜伐，漸喜隆平，然而圓丘之禮未陳，清廟之詩未著，夙宵增懼，寤寐興懷，何以助天之高，而報地之厚也？且天覆予為子民，戴予為君，苟帝道未臻，則人倫焉正？必須燔柴瘞玉，嚴六宗，虞典之禋，非敢刻石泥金，竊萬歲嵩高之美，凡在遐邇，當體至懷。朕取來年二月十一日有事于南郊，文獻通考：後唐天成四年八月乙巳，黑水使骨至七月，遂州進嘉禾一莖九穗。」

來丁未吐渾首領念公山來乙卯党項折遇明來已未

高麗王建使張彬來五代史八月丁酉朔大理正路阮奏切見春秋釋奠于文宣王而武

成王廟久曠時祭請復常祀從之戊戌中書奏太子少傅李琪所撰進霍彥威神道碑文不分真偽是混功名

望令改撰從之琪梁之故相私懷感遇敘彥威在梁歷任不欲言偽梁故也辛丑詔亂離已來天下諸軍所掠

生口有主識認卽勒還之以前清河縣令襲鄰國公食邑三千戶楊仁矩爲秘書丞御史臺奏主簿朱穎是前

中丞奏請合隨聽罷任詔曰主簿旣爲正秩況入選門顯自朝恩合終考限宜令仍舊守官甲辰以宰臣馮道

爲南郊大禮使兵部尚書盧質爲禮儀使御史中丞許光義爲儀仗使兵部侍郎姚顗爲鹵簿使河南尹從榮

爲橋道頓遞使客省使衛尉卿張遵誨爲修裝法物使乙巳黑水朝貢使郭濟等率屬來朝授歸德司戈放還

蕃丁未以翰林學士承旨禮部侍郎知制誥李愚爲兵部侍郎職如故以中書舍人盧詹爲禮部侍郎以兵部

侍郎裴俾爲太子賓客吐渾首領念公山來朝貢戊申帝服充冕御文明殿追冊昭宣光烈孝皇帝庚戌以宰

臣監修國史趙鳳兼判集賢院事以左散騎常侍任贊
判大理卿事已未高麗王王建遣使貢方物辛酉詔準
往例節度使帶平章事侍中中書令並列銜于勅牒側
書使字今錢鏐是元帥尚父與使相名殊馬殷守太師
尚書令是南省官資不合署勅尾今後勅牒內並落下
乙卯党項首領朝貢甲子幸金真觀改賜建法大師賜
紫尼智願為圓惠大師卽武皇夫人陳氏也丙寅達靼
來朝貢京城內有南州北州乃張全義光啟中所築至
是詔許人依街巷請射城濠任使平填蓋造屋宇五
代會要後唐天成四年八月御史臺孔目官閻珪狀分
析每大夫中丞奏請雜端主事管官承前隨廳罷任其
主簿朱穎見任伏候勅裁勅諸道賓從卽隨府罷臺主
簿既為正秩況入選門顯自九月癸巳殺供奉官烏昭
勅恩須終考限朱穎仍舊官九月癸巳殺供奉官烏昭
遇五代史九月丁卯中書奏據宗正寺申懿祖永興陵
尊獻祖長寧陵太祖建極陵並在代州鴈門縣皇帝追
尊四廟在應州金城縣詔應州升為望州金城鴈門並
升為望縣辛卯太常博士段頤奏切見大祠則差宰相
行事中祠則卿監行事小祠則委太祝奉禮並不差官
今後請差五品官行事從之癸巳制天下兵馬元帥尚

父吳越國王錢鏐可落元帥尚父吳越國王授太師致仕
責無禮也先是上將軍烏昭遇使于兩浙以朝廷事
私于吳人仍目鏐為殿下自稱臣謁鏐行拜昭之禮及
遇使副劉攻其述其事故停削鏐官爵令致仕烏昭遇
下御史臺尋賜自盡後有目浙中使還者言昭遇無臣
鏐之事為攻所誣人頗以為冤乙未詔諸道通勤兩浙
綱運進奉使並下巡獄冊府元龜四年九月九日應
聖節百官于敬愛寺齋設賜宰臣錦袍復御中興殿聽僧道
帝御廣壽殿近臣獻壽各頒錦袍復御中興殿聽僧道
講論 磁州武安縣定晉山重修古定晉禪院于佛邑
碑邢州開元 原夫佛理志大意微有德而風靡三
皇無位而匡平八表化跡隱顯利用投機 宜戒善日
用日新道證無生不的不莫有相不憚于理執空恐滯
于魔昔在干人志居 也生知罪福 猛列出家
志氣異于常徒頓捨親孤然山峪暑風寒雪已辯春秋
葉落花生方知冬夏 東魏 初三年高歡帝所造
也又雜集異記云魏時有大乘僧不知生族諸天降食
以供其齋忽夜夢二豎凭 稠樹本堅枝密其僧將
法衣往樹欲掛 樹忽爾開而集之儼然掩合神乃彌
縫乃婚媾長于二子後一十二年卻至樹邊樹開而

有虎闢庵前師乃以手約杖駢而皆伏後之人因其
樹號桐禪師之寺焉又改爲定晉禪院禪室山岩唯高
唯遂龍池虎穴左之右之上至天宮下窮于地獄乃爲
師之道清以此凡志求蹤揆度石基特興
蓋造從大唐同光元年歲次癸未七月起功至天成元
年歲次丙戌九月院成法堂僧堂厨庫門屋並在巖巒
之下禪柵石室佛像像安于峭壁之中木秀山巍巖
艷翠香逐雲濃散雨龍寒飛霜石冷幽閒異境大聖所
居古跡金田遂重修葺昔日禪宮石室一所塞無蹤
忽然自開取數件乃是桐禪僧所用之物也
有單梯一條隣高百尺倚于岩下莫知年載有坐禪一
所出于峻壁之中下去地十有五丈于同光三年九月
十日特然脩換材木皆新綳上有阿彌陀佛一尊聖僧
一坐椅子一隻蓋一頂道清觀此聖事乃全枯意馬苦
楚心猿又罄勤忠焚修發願別化千人之邑同修一劫
之緣蓋造高樓安排佛像茲願已集碑紀徽功所住山
中素無青石求之莫有天成二年歲次丁亥七月三日
有二龍闕於寺前峪內雷訇電曜水溢溝穿現出青石
一條長一丈七尺琢之如珉磨之瑩然龜頭鼉肩皆獲

足矣建茲福事際會明朝立此之功上歸皇化君聖臣
賢之代民康鼓腹之年牧藪謫而樂乎哉風雨時而禮
何有三郡潛龍之地九州一統之時帝孟堯封皇宗舜
海金枝黃鉞掌鉅鏡之山河帝子親王秉邢臺之旌節
法無差舉直退私人滋壽富皇天后土翼助山河湮毀
困窮皆霑霈澤浩浩九圍之道民無德而稱淵淵六合
再建巍峩突硯插霄漢以廷廷聳峻峻嶒掩蓮宮之鬱
鬱凋禪解闕之虎窠穴仍多賢良造化之基器用不少
凡施功力暗叶神聰求彼元規如蒙聖助無私善事衆
慕如歸利物深緣易爲成就千門萬戶自捨家財伐木
窮山人心不憚有邑首都維那三人次維那十人悟身
若幻生務生共構良因互相勉導逐處鄉邑次立維
那舉其萬法之門結會千人之數各有名氏鏤之碑餘
基我邦家垂諸善則鄉以稟命動靜咸宜化召信心從
風集事繼千佛之大行踵百福之遐功克荷僧徒捐情
聖業筠篁志氣山岳心田重義輕金守公奉法歲寒如
一違順始終建碑勒名以彰成事邑主沙門
化利上報皇恩錄彼聖蹤請叙文也沙門崇仁僧門無

藝儒教荒疎自度鉛刀難鐫寶玉豈將瓦礫連布瓊瑤

頻垂雅命堅令撰修免之既難實錄前志後之所

冀殊禎絕瑞萬代長存巨福良因千年不泯更顯前事

章句頌焉日月照乾覆坤維四時列序萬象咸宜夫

彼取此昭德塞遠天地之心聖人則之東魏

仁一匡天下八表咸賓桐禪是敬悟法情忻金田剎

造寶輦勤勤化緣有盡聖道多門或隱或顯有去有存

留真設像資福濟福利後人一僧堅操二

利俱陳深山守道古寺求真心猿息慮苦節于身嚴巖

作伴虎豹為隣三業障重六賊為親勤修十善遠劫

誓出沉輪巨善邑會日用日新大唐天成

四年歲次己丑九月九日建竭忠建築興復功臣安國

軍節度使邢洺磁等州觀察處置使金紫光祿大夫檢

校司徒使持節邢州諸軍事守邢州刺史兼御史大夫

上柱安國軍節度行軍司馬金紫光祿大夫

檢校尚書左僕射兼御史大夫上柱國李從信安國軍

節度副使銀青光祿大夫檢校工部尚書守磁州刺史

兼御史大夫上柱國安審利安國軍節度押衙充三州

諸軍馬步使銀青光祿大夫檢校司

徒前守河東左右廂步軍指揮使金紫光祿大夫檢校司

州都招收使澶州

刺史康福爲朔方河西等節度使靈威雄警涼等州觀
察使時朔方將吏請帥于朝廷故命康福往鎮之庚子
以右金吾上將軍史敬鎔爲左金吾上將軍以左驍衛
上將軍符彥超爲右金吾上將軍以雲州節度使張敬
承約爲左驍衛上將軍以雲州節度使張敬詢爲驍衛
上將軍以前華州節度使王景戡爲右驍衛上將軍與
卯太常少卿蕭愿責授太子洗馬奪緋愿南郊行事與
朔方節度使康福將兵萬人赴鎮爲御史所劾也詔新授
度使高季興與官爵辛亥升閬州爲保寧軍王季子以內客
省使左衛大將軍李仁矩爲閬州節度使幸七星亭丙
辰夏州進白鷹重誨奏曰夏州違詔進貢臣已止約帝
曰善朝退帝密令左右進焉是日幸龍門十一月丁卯
洛州水暴漲壞居人垣舍戊辰以刑部侍郎張文寶爲
右散騎常侍已巳以尙書右丞李光序爲刑部侍郎癸
酉升曹州濟陰縣爲次赤以昭宣光烈孝皇帝溫陵所
在故也甲戌奉國軍節度使王延稟加兼侍中從福建
節度使王延鈞請也車駕出近郊試夏州所進白鷹戒
左右勿令重誨知巳卯日南至帝御文明殿受朝賀癸
未秘書少監于嶠配振武長流百姓永不明齒任爲宰臣

趙鳳誣奏也史官張昭遠等以新脩獻祖懿祖太祖紀
年錄共二十卷莊宗實錄三十卷上之賜器帛有差
五代會要四年十一月史館上新修懿祖太祖紀年錄
共二十卷莊宗實錄三十卷宰臣趙鳳修撰張昭遠呂
咸休各賜繪十二月辛丑殺西平縣令李商五代史十
綵銀器等破野利大蟲兩族三百餘帳于方渠獲牛
靈武康福奏破野利大蟲兩族三百餘帳于方渠獲牛
羊三萬戊戌詔應授官及封贈官誥舉人冬集等所費
用物一切官破壬戌中書奏今後宰臣致齋內不押班
不知印不赴內殿起居或國忌行事官已受誓戒宜不
赴行香并不奏刑殺公事大祠致齋內請不開宴每遇
大忌前一日請不坐朝從之五代會要天成四年十
二月中書門下奏今後大忌前一日請不坐朝從之
冊府元龜天成四年十二月蔡州西平縣令李商為百
姓告陳不公大理寺斷止贖銅以官當罪勅旨李商招
愆俱在按款大理寺斷止贖銅以官當罪勅旨李商招
之立法意在惜人況自列聖相傳溥天無事人皆知禁
刑遂從輕喪亂以來廉恥者少朕一臨寰海四換星灰
常宣無外之風每革從前之弊勤修一德深念五刑寬
則不威暴則無惠惟期不濫皆守無私李商不務養民

專謀潤已初聞告不公之事件決彼狀頭又為奪有主
之莊田捷其本戶國家給州縣篆印只為行遣公文而
乃將印厯下鄉從人戶取物據茲行事何以當官今王
饒所告李商並招實罪宜奪厯任官重責一頓處死元
論人王饒四人並宜放仍令所在長吏徧示衆多居高
者不得貪以陵卑在下者不得驕而訕上體泣罪之意
聽祝綱之言各守公途共資王道五代春秋已丑四
年正月帝在汴州二月王晏球克定州誅王都崔協薨
三月庚午帝還京師四月契丹來寇雲
州七月誅毛璋荆南高季興順命赦之

長興元年春正月丁卯閱馬于苑辛卯宣徽南院使朱

宏昭為大內畱守五代史長興元年春正月丙寅朔帝御明堂殿受朝賀仗衛如常儀乙亥

國子監請以監學生束修及光學錢備監中修葺公用
從之丙子帝謂宰臣曰時雪未降如何馮道曰陛下恭
行儉德憂及蒸民上合天心必有春澤是夜降雪其夕
右散騎常侍蕭希甫封狀申樞密稱得河堰衙官狀告
本都將校二十餘人欲謀不軌至旦追問無狀斬所告
人是日幸至德宮辛卯中書奏郊天有日合差大內畱

守詔以宣徽南院使朱宏昭充五代會要五年正月
五日國子監奏當監舊例初補監生有束修錢二千及
第後光學錢一千竊緣當監諸色舉人及第後多不于
監司出給光學文鈔及不納光學錢祇守選限年滿便
赴南曹參選南曹近年磨勘選人並不收監司光學
文鈔爲憑請今後欲准往例應諸色舉人及第後並先
于監司出給光學文鈔并納光學錢等各有所業等第
以備當監逐年公使奉勅宜准往例自今後凡補監生
須令情愿于監中修學則得給牒收補仍據所業次第
逐年考試申奏如收補年深未聞藝業虛沾補牒不赴
試期亦委監司具姓名申奏文獻通考按五代弊法
凡官府公使錢多令居官者自出其費宰相則有光省
錢御史則有光臺錢至於監生亦令其出光學錢則貧
士何所從出既徵其錢復不蠲其役待士之意亦太薄
矣然史所言多有會授業輒取解送者往往亂離之際
其居學者亦得苟賤冒濫之士耳冊府元龜長興元
年正月以文宣王四十三代孫二月戊戌黑水兀兒遣
陵廟主仁王爲曲阜縣主簿

使者來乙巳天雄軍節度使石敬瑭爲御營使癸丑朝

獻于太微宮甲寅享于太廟乙卯有事于南郊五代史張遵誨

魏州人也父爲宗城令羅紹威殺牙軍之歲爲梁軍所害遵誨奔太原武皇以爲牙門將莊宗定山東遵誨以

典客從歷幽鎮二府馬步都虞候同光中爲金吾大將軍明宗卽位任團保薦授西都副畱守知畱守事京兆

尹天成四年入爲客省使守衛尉卿及將有事于南郊爲修儀仗法物使初遵誨自以歷位尹正與安重誨素

亦相款衷心有望于節鉞及郊禋畢止爲絳州刺史鬱不樂離京之日白衣乘馬于隼旗之下至郡無疾翼

辛而大赦改元五代史二月戊戌幸稻田莊已亥黑水

奏新學士入院舊試五題請內賜題後停試詩賦祇試麻制

答蕃書批答共三道仍請內賜題目定字數付本院召

試從之案五代史要載劉昫原奏云唐制各學士入試通詩中各書五代史要載劉昫原奏云唐制各學士入

道成仍內賜題請內賜題目定字數從之有司奏皇帝致齋于明

祇著朝服從之乙巳中書奏皇帝朝獻太微宮太廟祭天地于圜丘準禮例親王爲亞獻行事受誓戒從之以

天雄軍節度使石敬瑭爲御營使王子帝宿齋于明堂
殿癸丑朝獻太微宮是日宿齋于太廟詰旦請行饗禮
甲寅赴南郊齋宮是夜微雨三鼓後晴明如晝乙卯祀
昊天上帝于圜丘柴燎禮畢郊宮受賀是日御五鳳樓
宣制改天成五年爲長興元年大赦天下除十惡五逆
放火劫舍屠牛官典犯贓僞行印信合造毒藥外罪無
重輕咸赦除之天成四年終諸道所欠殘稅及場院欠
折並特放免羣臣職位帶平章事侍中中書令並與改
鄉名里號朝臣及藩侯郡守父及父母在并妻室
未沾恩命者並與恩澤應私債出利已經倍者祇許徵
本已經兩倍者本利並放河陽管內人戶每畝舊徵橋
道錢五文今後不徵諸道州府每畝先徵麴錢五文今
特放二文云商州吏民以刺史郭知瓊善政聞詔褒之
五代會要明宗南郊一長興元年二月二十一日其
夜微雨上召司天官問之奏曰聖德動天百靈斯會三
故也夜至半雨止天色清明如晝皆以爲聖德所感三
月庚寅立淑如曹氏爲皇后五代史三月丁卯幸會節
園遂幸河南府靈武奏殺
戮蕃賊二千人壬申鳳翔軍節度使李從曠進封岐國
公移鎮汴州甲戌延州節度使高允韜移鎮邢州丙子

以宣徽使朱宏昭爲鳳翔節度使潞州節度使朱漢賓
加檢校太傅移鎮晉州徐州節度使房知溫移鎮鄆州
鄆州節度使王晏球移鎮青州宰臣馮道率百寮拜表
請上尊號曰聖明神武文德恭孝皇帝詔報不允壬午
許州節度使孔循移鎮滄州陝州節度使張虔釗移鎮徐州加檢
許州加檢校太保滄州節度使張虔釗移鎮徐州加檢
校太保癸未詔貶右散騎常侍集賢殿學士判院事
蕭希甫爲嵐州司戶參軍仍馳驛發遣坐誣告之罪
也宰臣馮道等再請上尊號詔允之丙戌以侍衛親軍
馬步軍都指揮使河陽節度使康義誠爲襄州節度使
檢校太傅以左武衛上將軍劉彥瑑爲陝州節度使檢
校太保庚寅制淑如曹氏可立爲皇后仍令擇日冊命
夏四月戊戌安重誨使河中衙內指揮使楊彥溫逐其
節度使從珂壬寅西京畱守索自通五代史索自通字
得之太原清源人
也父繼昭以自通貴授國子監祭酒致仕自通少能騎
射嘗于山墅射獵莊宗鎮太原時遇之于野訊其姓名
卽補右番廳直軍使後因從獵射中走鹿轉指揮使佐
周德威攻燕軍于涿州擒燕將郭在鈞從莊宗定魏博

改突騎指揮使明宗卽位自隨駕左右廂馬軍都指揮
授忻州刺史歲餘召還復典禁兵領韶州刺史出爲大
同軍節度使累歲移鎮忠武改京兆尹西京留守楊彥
溫據河中作亂自通率師討平之授河中節度使尋自
鄜州入爲右龍武統軍初自通既平楊彥溫代末帝鎮
河中臨事失于周旋末帝深銜之及末帝卽位自通憂
悸求死清泰元年七月因朝退涉洛自侍衛步軍指揮
溺而卒子萬進周顯德中歷任方鎮

使藥彥稠討之辛亥自通執彥溫殺之原注彥溫雖有

殺自通擅殺之故不書誅而書殺五代史楊彥溫汴
州人本梁朝之小校也莊宗朝累遷禪將天成中爲河
中副指揮使及末帝鎮河中尤善待之因奏爲衙內都
指揮使長興元年四月乘末帝閱馬于黃龍莊據城謀
叛末帝遣人詰之曰吾善待汝何苦爲叛彥溫報曰某
非敢負恩緣奉樞密院宣頭令某拒命請相公但歸朝
廷數日詔末帝歸朝明宗疑其詐不欲興兵授彥溫絳
州刺史安重誨堅請出師卽命西京留守索自通侍衛
步軍指揮使藥彥稠等帥兵攻之五日而拔自閉門及
敗凡十三日初彥稠出師明宗戒之曰與朕生致彥溫

吾將自訊之及收城斬首傳送明宗深怒彥稠等時議者以當時四海恬然五兵載戢蒲非邊郡近在國門而彥溫安敢狂悖皆以爲安重誨方弄國權尤忌末帝之名故巧作窺圖究莫能傾陷也彥溫愚昧爲人所噬故滅其族焉戊午羣臣上尊號曰聖明神武文德恭孝皇帝五代會要長興元年四月上尊號辛酉吐蕃首領千撥葛來日聖明神武文德恭孝皇帝辛酉吐蕃首領千撥葛來五代史夏四月甲午朔國子司業張洎奏請復入館以廣生徒按六典監有六學國子太學四門律學書學算學是也而溥云入館謬矣丁酉前汴州節度使檢校太尉兼侍中符習加太子太師致仕進封衛國公戊戌遂州節度使夏魯奇加太子太師致仕進封衛國公戊戌遂進檢校大尉封開國公自是諸道節鎮皆次第加恩以郊禋軍慶澤故也已亥幸會節園王寅以樞密使安重誨爲留守太尉兼中書令使如故青州節度使王建立加侍中移鎮淄州皇子河中節度使楊彥溫據城叛臣尋時日閱馬于黃龍莊衙內指揮使楊彥溫據城叛臣尋時詰問稱奉宣命誦三衛步軍都指揮使藥彥稠等攻之西京留守索自通侍衛步軍都指揮使藥彥稠等攻之

仍授彥溫絳州刺史冀誘而擒之也詔從珂赴關丁未
 以戶部尚書李鏐爲兗州行軍司馬坐引淮南覘人貽
 安重誨寶帶也戊申宰臣馮道加右僕射趙鳳加吏部
 尚書已酉以左龍武統軍劉君鐸卒廢朝癸丑索自通
 藥彥稠等奏收復河中斬楊彥溫傳首來獻初彥稠出
 師帝戒之曰與朕生致彥溫吾將自訊之及收城斬首
 傳送帝怒彥稠等時議皆以爲安重誨方弄國權從榮
 諸王敬事不暇獨忌從珂威名每于帝前屢言其短巧
 作窺圖冀能傾陷彥溫既誅從珂歸清化里第重誨謂
 馮道等曰蒲帥失守責帥之義法當如何翼曰道等奏
 合行朝典帝不悅趙鳳堅奏故事有責帥之義所以激
 勵藩守帝曰皆非公等意也後數日帝于中興殿見宰
 臣趙鳳承重誨意又再論列帝默然翼曰卿欲復自論
 奏帝極言以拒之語在末帝紀中帝又曰卿欲如何制
 置重誨曰于陛下父子之間臣不合言一稟聖旨帝曰
 從佗私第閒坐何煩奏也乃止以前邢州節度使檢校
 司徒李從溫爲左武衛上將軍丙辰以西京留守檢校
 司徒索自通爲河中節度使丁巳雲州奏掩襲契丹獲
 頭口萬計戊午帝御文明殿受冊徽號冊曰維長興元
 年歲次庚寅四月甲午朔二十五日戊午金紫光祿大

夫守尚書左僕射兼門下侍郎同中書門下平章事充
大徵宮使宏文館大學士上柱國始平郡開國侯食邑
一千五百戶食實封一百戶臣馮道銀青光祿大夫門
下侍郎兼吏部尚書同中書門下平章事監修國史判
集賢院事上柱國天水郡開國伯食邑七百戶臣趙鳳
及文武百官特進太子少傅上柱國食邑七百戶臣開國侯食
邑一千戶臣李琪等五千八百九十七人言臣聞天不
稱高而體尊地不矜厚而形大厚無不載高無不覆四
時行乎內萬物生其間總神祇之靈叶帝王之運日出
而星辰自戢龍飛而雷雨皆行元氣和而天下和庶事
正而天下正伏惟皇帝陛下天授一德時厯多艱矧太
祖以興邦佐先帝而定難拯嗣昭于路困救德威于燕
危遏思遠而全鄴都誅彥章而下梁苑成再造之業由
西征之功泊纂鴻圖每敷皇化去內庫而省庖膳出宮
人而減伶官輕寶王之珍却鷹鵠之貢淳化旣治嘉瑞
自臻故登極之前人皆不足改元之後時便有年遐荒
旋斃于戎王重譯徑來于蠻子東巡而守殷殪北討而
王都殲破契丹而燕趙無虞控靈武而瓜沙並復近以
饗上元而薦太祖就吉土而配昊天輅已降而雨霑事
欲行而月見燔柴禮畢作解恩覃帝命咸均人情普悅

非陛下有道有德至聖至明動不疑人靜唯恭已常敦
孝理每納忠言則何以臨御五年澄清四海時久纏于
災害民驟見于和平休徵備載于簡編徽號過持于謙
讓三年不允衆志皆堅天不以上帝自崇日不以大明
自貴于烝民有惠于元后同符列聖皆然舊章斯在今
以明庭百辟列土諸侯中外同辭再三瀝懇臣等不勝
大愿謹奉玉寶玉冊上號曰聖明神武文德恭孝皇帝
伏思及蟲魚奉國者繼加榮寵達天者成就誅鋤典禮
當告成之後夙夜思卽位之初千秋萬歲永混車書宰
臣馮道之辭也庚申以左金吾上將軍史敬銘爲鄧州
節度使以右金吾上將軍符彥超爲兗州節度使以驍
衛上將軍張敬詢爲滑州節度使以閬州防禦使孫岳
爲鳳州節度使詔改鳳翔管內應州爲匡州信州爲晏
州改新州管內五月丁丑回鶻使孽栗祖來庚辰回鶻
武州爲穀州

使安黑連來

五代史五月乙丑鄭州防禦使張進副使

寅以少府監韋肅爲洛州刺史以潞州節度使王建
爲太傅致仕建立素與安重誨不協因其入朝乃言建

立自鎮歸朝過鄴都日有扇搖之言以是罪之故令致仕丁卯以前與元節度使高行珪卒輟朝有司上言皇后受冊辰以安州節度使並合奉賀今未有命婦準例上表稱賀中書內外命婦並合奉賀今未有命婦準例上表稱賀中書諸道節度使但進表上言皇帝外命婦上皇后賀騰表進呈訖無報應皇親或有慶賀及起居章表內中進呈後祇宣示來使並不合荅復從之壬申以權知昭義軍軍州事劉仲殷爲潞州節度使檢校太傅丁丑帝臨軒命使冊淑妃曹氏爲皇后禮院上言百官上疏于皇后曰皇后殿下及六宮率土婦人慶賀祇呼殿下不言皇后中書覆奏若祇呼殿下恐與皇太子無所分別凡上后宮表章呼皇后殿下若不形文字尋常祇呼皇后從之癸未太子少傅蕭頊卒廢朝甲申過鵲可汗仁諭遣使貢方物辛卯以翰林承旨兵部侍郎李愚爲太常卿壬辰以前滑州節度使李從璋爲右驍衛上將軍六月丁酉以護駕馬軍都指揮使貴州刺史安從進爲宣州節度使充護駕馬軍都指揮使以護駕步軍都指揮使澄州刺史藥彥稠爲壽州節度使兼護駕步軍都指揮使使甲辰以皇城使安崇緒爲河南留後重誨子也鳳翔奏所管良晏匡三州並無屬縣請卻改爲縣從之仍舊

爲軍鎮前振武節度使安金全卒壬子中書門下奏詳
覆到禮部送今年及第進士李飛樊吉夏侯琪吳泐王
德柔李穀等六人望放及第其盧價等七人及賓貢鄭
朴望許令將來就試知貢舉張文寶試士不得精當望
罰一年俸從之丁巳皇子北京留守河東節度使從厚
移領鎮州以左武衛上將軍李從溫爲許州節度使
五代會要長興元年五月太常禮院奏皇后受冊正殿門外就
日受冊准舊儀外命婦並合赴皇后受冊正殿門外就
次俟受冊訖司賓引入就位受賀今未有命婦院請准
例上表賀中書門下奏其諸道節度使上表賀皇帝其
在朝外命婦所上皇后表章進呈訖不下令報賀自此
不便進表皇太子妻駙馬公主及近密親舊或有慶賀及
進起居章表內中委人主掌進呈後祇宣示來使並不
下令從之其月太常禮院奏按儀制令百官上疏於皇
后曰皇后殿下中外臣寮外命婦慶賀祇呼殿下恐未合宜
皇如舊制皇太子亦呼殿下若無分別何顯尊卑凡上
皇后章表請呼皇后殿下若不形文字尋常祇呼皇后
從秋七月壬午訪莊宗子孫瘞所知瘞所見明宗舉兵

不順禍害所罹者可哀也于此始求之見事緩而無恩
五代史秋七月甲子以宣徽南院使行右衛上將軍
判三司馮贊為北京留守太原尹已巳以鄧州節度使
史敬鎔卒廢朝甲戌以左威衛上將軍梁漢鵬為鄧州
節度使前兗州節度使兼威武軍節度副使檢校太尉兼侍中
奉國軍節度使兼威武軍節度副使使檢校太尉兼侍中
王延稟加兼中書令詔諸州得替防禦團練使刺史並
宜于班行比擬如未有員闕可隨常參官逐日立班新
例也辛巳詔揀年少宮人及西川宮人並還其家無家
可歸者任從所適甲申以前齊州防禦使孫璋為鄆州
節度使戊子以右散騎常侍陸崇卒廢朝崇為福建冊
使卒于明州贈兵部尚書宿州進白兔安重誨謂其使
曰豐年為上瑞免懷狡性雖白何為命退歸冊府元
龜長興元年七月勅訪聞諸道州縣官自銜虛名不惜
人戶皆于省限以前行貼催驅須令入戶貴買充納且
徵科租賦乃是常規所務事集人安不必急徵暴斂況
累降勅命非不丁寧只據規程勿令踰僭此後為徵科
事辦亦不酬勞本州不得申奏如違限稽慢即准條流
責罰如灼然添得解署招得流民無害于公私者可具
事由申奏固得特行優獎初同光時租庸使孔謙起自

胥徒不知大體方中原未平所利賦辦集乃奏請州縣官有徵科先可者則行恩獎或與檢校官或賜章服由是長吏競爲苛刻于省限前卒徵暴斂以希曲恩或蠶未繭而欲絲麥初莖而督稅皆出利求取其費數倍人皆哭泣而未訴自天成以來猶仍舊轍長吏以比成風有司奏請無已時政懲其如是屢奏改革猶未能杜其倖門惜哉又勅京百司不八月乙未忠武軍節度使許彰庇州縣戶人虛出課吏

張延朗爲三司使原注三司使始于此而今遂因之王

就命延明班宣徽使之下壬寅殺捧聖都軍使李行德十將張儉滅

其族五代史纂誤今按凡紀所書當殺與不當殺者其辭不同如梁開平二年六月己酉殺右金吾上將軍王師範滅其族其注曰當殺曰伏誅不當殺者以雨相殺爲文此王師範不當殺者也故其辭如是又開平三年七月襄州軍亂殺其雷後王班九月行營招討使陳暉克襄州執其首惡李洪辛酉李洪伏誅此李洪當殺者也故其辭如此蓋一史之例也今此李行德張儉二人以安重誨及趙鳳傳攷之乃以誣告樞密而被誅

是其當殺者也而其辭乃與罪不當殺者同使後世不知者則反以無罪被殺此所未諭者一也又案重誨及鳳傳此一時而族誅者三人謂李行德張儉邊彥溫也而此紀止書行德儉不述彥溫此所未諭者二也吐

渾來附封子從榮爲秦王戊申海州將王傳極殺其刺

史陳宣叛于吳來降

五代史王傳極吳江人也父綰僞虔州節度使傳極初事楊溥爲黑

雲右廂都指揮使領本軍戍海州唐長興元年傳極殺海州刺史陳宣焚州城以所部五千人來歸明宗喜而納之授金紫光祿大夫檢校司徒曹州刺史尋移濮州清泰中遷貝州防禦使秩滿有代會范延光叛以兵要傳極入魏城疑而不用延光降高祖授傳極諸衛將軍出爲寧州刺史境接蕃部以前弊政滋章民甚苦之傳極自下車除去弊政數十件百姓便之不數月移刺虢州離寧州日衙門聚數千人拆橋遮道以畱之及赴虢畧爲理清靜蒸民愛戴如寧州焉開運中厯武州刺史受代歸洛遇疾卒傳極家本多財尤好賓客及厯數郡不事生產將卽世乙卯吐渾康合畢來丙辰封子從厚甚貧匱物論惜之

爲宋王

五代史八月壬午以前鄧州節度使盧文進爲

川安置禁在京百司影射州縣稅戶乙未捧聖軍使李

行德十將張儉告密人邊彥溫並族誅以其誣告安重

誨私市兵仗故也以前許州節度使張延朗爲檢校太

傅行兵部尙書充三司使三司之有使額自延朗始也

初中書覆奏授延朗諸道鹽鐵轉運等使兼判戶部度

支事奏入宣旨曰會計之司國朝重事將總成其事額

俾專委于近臣貴便一時何循往例兼移內職可示新

規張延朗可充三司使班在宣徽使下癸卯北京奏生

吐渾內附欲于嵐州安族帳都官員外郎知制誥張昭

遠奏請依國朝舊例選郎官御史分行天下宣問風俗

興利除害不報壬寅皇子河南尹判六軍諸衛事從榮

封秦王仍令所司擇日冊命戊申兗州奏淮南海州都

指揮使王傳極殺本州刺史陳宣焚燒州城以所部兵

士及家口五千入歸國至汴州帝遣使慰納之庚戌正

衙命使冊福慶長公主孟氏以前雄武軍節度使王思

同爲左武衛上將軍以前鳳州節度使陳皐爲右威衛

上將軍王子正衙命使赴太原冊永寧公主石氏乙卯

以左監門衛上將軍陳延福卒廢朝丙辰皇子鎮州節

度使從厚封宋王
仍令擇日冊命

九月壬戌吐蕃使王滿儒來東川節

度使董璋反甲申成德軍節度使范延光爲樞密使丁

亥石敬瑭爲東川行營都招討使

五代史九月乙丑階州刺史王宏贇上言

一州主客戶纔及千數並無縣局臣今檢括得新舊主

客已及三千二百欲依舊額立將利福津二縣請置令

佐從之丁丑詔天下諸州府不得奏薦著紫衣官員爲

州縣官戊寅升尚書右丞爲正四品癸未利閬遂三州

奏東川節度使董璋謀叛結連西川孟知祥甲申以鎮

州節度使范延光爲檢校太傅守刑部尚書充樞密院

使利州閬州進納東川檄書言將軍趙在禮爲同州節度

朝廷爲名乙酉以左驍衛上將軍趙在禮爲同州節度

使兼四面行營馬步軍都指揮使樞密院直學士守工

部侍郎閻至樞密院直學士守尚書右丞史圭並轉戶

部侍郎依前充職以翰林學士守戶部侍郎李懌爲尚

書右丞以翰林學士戶部侍郎劉昫爲兵部侍郎以翰

林學士中書舍人竇夢徵爲工部侍郎依前充職以中

書舍人劉贊爲御史中丞以御史中丞許光義爲兵部

侍郎以兵部侍郎姚顗為吏部侍郎丙戌詔東川節度使董璋可削奪在身官爵仍徵兵進討丁亥以西川節度使孟知祥兼西南面供饋使以遂州節度使夏魯奇兼東川行營招討副使庚寅以右衛上將軍王思同為京兆尹充西京留守兼西南行營馬步都虞候冊府元龜長興元年九月九日應聖節百官于敬冬十月丁酉始愛寺設齋帝御廣壽殿聽僧道講論藏冰五代會要後唐長興元年十月國子尚書博士田珍勅藏冰之制載在前經獻廟之儀廢于近代既朝臣之特舉按典禮以宜行田敏所奏祭司寒獻羔事宜依其挑弧棘矢事久不行理難備甲辰驍衛上將軍致仕創其諸侯亦宜準往制藏冰張筠進助軍粟乙巳董璋陷閬州殺節度使李仁矩指揮使姚洪死之孟知祥反五代史冬十月壬辰以太子州節度使米君立卒廢朝詔凡賻贈布帛言段不言端匹段者二丈也宜令三司依此給付甲午正衙命使冊

興平公主于宋州節度使駙馬都尉趙延壽之私第已
亥以左驍衛上將軍李從璋為陝州節度使陝州節度
使劉彥瑑移鎮邠州尚書博士田敏請依舊典藏冰須
永以銷陰陽愆伏之診詔從之乙巳供奉官張仁暉自
利州迴奏董璋攻陷閬州節度使李仁矩舉家遇害丁
未宮苑使董光業并妻子並斬于鄧市璋之子也辛亥
以武安軍節度副使洪鄆道行營副都統檢校太尉馬
希聲為武安軍節度使加兼侍中時湖南馬殷奏久病
不任軍政乞以男希聲為帥故有是命中書奏吏部流
內銓諸色選人所試判兩節度使欲委定其等第文優
者超一資其次者次資又次者以同類道理全疎者于
同類中少人戶處注擬從之五代會要長興元年十
月十九日勅太常禮院例凡賜匹帛言段不言端正每
二丈為一段四丈為正五丈為端近日三司支遣每段全
支端正此後凡支賜贈匹帛祇言合支多少十一月庚
申朔秦王從榮受冊謁于太廟原注冊禮廢于亂世丙
戌契丹東丹王突欲來奔原注夷狄不可以禮義責故
不曰叛于契丹五代史十

一月庚申朔帝御文明殿冊皇子宋王于鎮州是日幸
龍門翼日馮道奏曰陛下宮中無事遊幸近郊則可矣
若涉厯山險萬一馬足蹉跌則貽臣下之憂臣聞千金
之子坐不垂堂百金之子立不倚衡況貴爲天子豈可
自輕哉帝敍容謝之退令小黃門至中書問道垂堂倚
衡之義道因注解以聞帝深納之已已故太子少保致
仕封舜卿贈太子少傅庚午應州節度使張敬達移鎮
雲州以捧聖都指揮使守恩州刺史沙彥詢爲應州節
度使以潁州團練使高行周爲安北都護充振武節度
使壬申黔南節度使楊漢章棄城奔忠州爲董璋所攻
也乙亥制西川節度使孟知祥削奪官爵以其同董璋
叛也丙子以前同州節度使羅周敬爲左監門上將軍
丁丑故兵部侍郎許光義加贈禮部尚書辛巳西面軍
前奏今月十三日階州刺史王安贊瀘州刺史馮暉自
利州取山路出劍門開外倒下殺敗董璋守關兵士三
千人收復劍州甲申日南至帝御文明殿受朝賀丙戌
以給事中鄭韜光爲左散騎常侍青州奏得登州狀契
丹安巴堅男東丹王托雲越海來歸國五代會要元
年十一月再上尊號曰聖明神十二月丁未二王後秘
武廣道法天文德恭孝皇帝

書丞鄴國公楊仁矩卒廢朝一日丁巳回鶻順化可汗

王仁裕使翟末斯來安重誨討董璋原注不命將名沙直以樞密使往

州曹義金遣使者來五代史十二月乙未荆南奏湖南節度使楚國王馬殷薨廢朝三日

庚子以前襄州節度使安元信為宋州節度使辛丑幸苑中丁未以二王後秘書丞襲鄴國公楊仁矩卒輟朝

贈工部郎中庚戌湖南節度使馬希聲起復加兼中書令壬子以樞密院直學士戶部侍郎閻至為澤州刺史

樞密院直學士戶部侍郎史圭為貝州刺史甲寅遣樞密院使安重誨赴西面軍前時帝以蜀路險阻進兵艱

難潼關以西物價甚賤百姓輓運至利州率一斛不得一斛謂侍臣曰關西勞擾未有成功誰能辦吾事者朕

須自行安重誨曰此臣之責也臣請行帝許之言訖而辭翼日遂行甲寅故西川兵馬都監泗州防禦使李嚴

贈太傅丙辰車駕畋于西山臘也丁巳迴鶻遣使來朝貢戊午故荆南節度使檢校太尉兼尚書令南平王高

季興贈太尉冊府元龜安黑連長興初為潮州刺史明宗為之改名保榮五代春秋庚寅長興元年二月

乙卯祀上帝于圓丘改元九月東川董璋拒命石敬瑭率師討璋十二月楚王殷薨鄴國公仁矩薨

五代史記卷第六中

五代史記卷第六下

廬陵歐陽脩撰

徐無黨原注

南昌彭元瑞注

劉鳳誥排次

唐本紀第六

二年春正月戊辰党項使折七移來庚辰達靺使列六

薛孃居來

五代史長興二年春正月庚申朔帝御明堂殿受朝賀仗衛如儀乙丑詔曰故天策上將

軍守太師尚書令楚國王馬殷品位俱高封崇已極無

官可贈宜賜諡及神道碑文仍以王禮葬王申契丹東

丹王托雲自渤海國率其衆到闕帝慰勞久之錫資加

等是日百寮稱賀丙子以沙州節度使曹義金兼中書

令丁丑東丹王托雲進本國印三紐庚辰以靜江軍節

度使馬寶卒廢朝贈尚書令丙戌荆南節度使高從誨

落起復加

二月丁酉幸安元信第

五代史安元信字子言代北人父順琳爲

降野軍使元信以將家子便騎射幼事武皇從平巢蔡
光啓中吐渾赫連鐸寇雲中武皇使元信拒之元信處
敗于居庸關武皇性嚴急元信不敢還遂奔定州王處
存待之甚厚用爲突騎都校乾寧中處存子郾嗣位時
梁軍攻河朔三鎮奔命不暇梁將張存敬軍奄至城下
旣無宿備郾懼挈其族奔太原元信從之武皇待之如
初用爲鐵林軍使梁將氏叔琮之攻河東也別將葛從
周自馬嶺入元信伏于榆次挫其前鋒梁將李思安之
攻上黨也王師將壁高河爲梁軍所逼別將秦武者尤
爲難敵元信與鬪斃之繇是梁軍解去城壘得立武皇
賜所乘馬及細鎧仗遷突陣都將莊宗嗣晉王位元信
從救上黨破夾寨復澤潞以功授檢校司空遼州刺史
賜王鞭名馬柏鄉之役日晚戰酣元信重傷莊宗自臨
傅藥其年改檢校司徒武州刺史充內衙副都指揮使
山北諸州都團練副使從莊宗定魏博移爲博州刺史
與梁對壘德勝渡元信爲右廂排陣使未幾爲大同軍
節度使莊宗平定河南移授橫海軍節度使時契丹犯
邊元信與霍彥威從明宗屯常山元信恃功每對明宗
以成敗勇怯戲侮彥威威從明宗屯常山元信恃功每
不由人當氏叔琮圍太原公有何勇今國家運興致

我等富貴元信乃起謝不復以彥威爲戲明宗卽位以
元信嘗爲內衙都校尤厚待之加同中書門下平章事
明年移鎮徐州王師之討高季興襄帥劉訓逗撓軍期
移授元信山南東道節度使以代訓歲餘改歸德軍節
度使就加兼侍中明宗不豫求入末帝卽位授潞州節
度使加檢校太尉清泰三年二月以疾卒于鎮時年七
十四贈太師晉高祖卽位以元信宿望令禮官定諡曰
忠懿有子六人長曰友權歷諸衛大將軍次曰友親仕
皇朝爲滁州刺史卒于任五代會要忠懿贈太師安
元信諡冊府元龜安元信爲橫海軍節度使時契丹
犯邊元信與霍彥威從明宗屯常山元信恃功每對明
宗以成敗勇怯戲侮彥威彥威不敢答明宗曰成敗天
也不繇于人當時氏叔琮圍太原公有何勇今國家運
興致汝等富貴勿以小勝小捷挂于口吻取笑于長者
彥威起謝元信不復以彥威爲戲
戊戌突厥使杜阿熟吐渾使康萬琳

來辛丑安重誨罷

五代史二月己丑朔以宋州節度使

院使癸巳詔貢院舊例夜試進士今後晝試排門齊入
卽日試畢丁酉幸至德宮又幸安元信東丹王托雲之

第辛丑以鴻臚卿致仕賈馥卒廢朝以樞密院使守太尉兼中書令安重誨為檢校太師兼中書令充河中節度使進封沂國公己酉以右威衛上將軍陳臯為洋州節度使詔諸府少尹上任以二十五日為限諸州刺史諸道行軍司馬副使兩使判官已下賓職團防軍事判官推官府縣官等並以三十日為限凡幕職隨府者不在此例癸丑邠州節度使李敬周移鎮徐州詔禁天下不得開發無主墳墓五代會要長興二年二月勅其進士並令排年齊入就試至閉門試畢內有先了者上厯時旋令先出其入策亦須畫試應諸科第對策並依此例其餘唯三月趙鳳罷五代史纂誤注云忘其日今按謂之亡准前勅處分丁亥太常卿李愚為中書侍郎同中書

門下平章事五代史三月辛酉詔渤海國人皇王托雲宜賜姓東丹名慕華仍授檢校太保安東都護充懷化軍節度瑞鎮等州觀察等使其從慕華歸國部校各授懷化歸德將軍中郎將先于定州擒獲蕃將特哩袞宜賜姓狄名懷惠扎古宜賜姓列名知恩並授檢校右散騎常侍錫里扎拉宜賜姓原名知感裕勒

古宜賜姓服名懷造奚王副使格斯齊宜賜姓乙名懷
宥三人並授檢校太子賓客甲子以前鴻臚卿王璽爲
太僕卿丙寅以皇子從珂爲左衛大將軍從珂自河中
失守歸清化里第至是安重誨出鎮河中帝召見泣而
謂之曰如重誨意爾安得更相見耶因有是命壬申以
滄州節度使孔循卒廢朝乙亥以西京畱守權知興元
軍府事王思同爲山南西道節度使充西面行營馬步
軍都虞候庚辰以少府監蕭延祥爲殿中監以前雲州
節度使楊漢章爲安州節度使乙酉太師致仕錢鏐復
授天下兵馬都元帥尙父吳越國王以其子兩浙節度
使元瓘等上表首罪故有是命丁亥以太常夏四月甲
卿李愚爲中書侍郎平章事集賢殿大學士
辰宣徽北院使趙延壽爲樞密使甲寅董璋陷遂州武
信軍節度使夏魯奇死之乙卯以旱赦流罪以下囚五代

史夏四月辛卯制德妃王氏進位淑妃詔錢鏐依舊賜
不名誅內官安希倫以其受安重誨密指令于內中伺
帝起居故也丁酉幸會節園宴羣臣因幸河南府詔罷
州縣官到任後率斂爲地圖又禁人毀廢所在碑碣恐

名賢遺行失所考也戊戌詔今年四月禘饗太廟故昭
義節度使李嗣昭故幽州節度使周德威故汴州節度
使符存審並配饗莊宗廟庭已亥以前徐州節度使張
虔釗為鳳翔節度使癸卯以汴州節度副使藥縱之為
戶部侍郎前宗正卿李諸為將作監甲辰以宣徽北院
使左衛上將軍趙延壽為檢校太傅行禮部尚書充樞
密使乙巳潞州軍節度使劉仲殷移鎮秦州帝幸龍門
佛寺祈雨已酉天雄軍節度使朱宏昭為左武衛上將軍充宣
使辛亥前鳳翔節度使朱宏昭為左武衛上將軍充宣
徽南院使壬子以兵部尚書盧質為河陽節度使甲寅
以遂州節度使夏魯奇沒于王事廢朝詔曰久慙時雨
深疾予心宜委諸州府長吏親問刑獄省察冤濫見禁
囚徒除死罪外並放五月戊午朔帝御文明殿受朝庚
申以三司使行工部尚書張延朗為兗州節度使辛酉
詔近聞百執事等或親居內職或貴列廷臣或宣達君
恩或勾當公事經由列鎮干撓諸侯指射職員安排親
昵或潛示意旨或顯發書題自今後一切止絕有所犯
者發薦人貶官求薦人流配如逐處長吏自徇人情只
仰被替人詣闕上訴長吏罰兩月俸發薦人更加一等
被替人卻令依舊甲子都官郎中知制誥崔悅上言請

搜訪宣宗已來野史以備編修從之丁卯詔諸州府城郭內依舊禁麴其麴官中自造減舊價之半貨賣應田畝上所徵麴錢並放鄉村人戶一任私造時甚便之戊辰中書奏應朝臣丁憂者望加頒賚從之丁丑以秘書監劉岳爲太常卿已卯以武德使孟漢瓊爲右衛大將軍知內侍省充宣徽北院使辛巳以前相州刺史孟鵠爲左驍衛大將軍充三司使甲申以權知朗州軍州事守永州刺史馬希範爲洪州節度使檢校太傅以權知桂州軍府事富州刺史馬希彝爲鄂州節度使檢校司徒乙酉以左金吾大將軍薄文爲晉州節度使檢校司膺將齋郎文書賣與同姓人柳居則伏罪大理寺斷當大辟綠經赦減死追奪見任官終身不齒詔應見任前資守選官等所有本朝及梁朝出身歷任告身並仰送納委所在磨勘換給公憑只以中興已來官告及近受文書敘理其諸色蔭補子孫如非虛假不計庶嫡並宜敘錄如實無子孫別立人繼嗣已補得身名者只許敘蔭一人其不合敘使文書限百日内焚毀須絕此後更敢將合焚文書參選求仕其所犯之人並傳者並當極法應合得資蔭出身人閏五月丁酉殺太子太師致仕並須依格依令施行

安重誨及其妻張氏子崇贊崇緒

五代史閏月庚寅制河中節度使檢校太

師兼中書令安重誨可太子太師致仕是日重誨男崇緒等潛歸河中以右散騎常侍張文寶為兵部侍郎夔州節度使安崇阮棄城歸闕待罪于閤門詔釋之時董璋寇峽內諸州崇阮望風遁走壬辰陝州節度使李從璋移鎮河中癸丑升盧州為昭順軍甲午以衡州刺史姚彥章為昭順軍節度使丁酉安重誨奏男崇贊崇緒等到州臣已拘送赴闕崇緒至陝州詔令下獄已亥詔安重誨宜削奪在身官爵並妻阿張男崇贊崇緒等並賜死其餘親不問壬寅以尚書左丞崔居儉為工部尚書以吏部侍郎王權為尚書左丞丙午以隨駕馬軍都指揮使宣州節度使安從進為陝州節度使丁未以前中書舍人楊凝式為左散騎常侍戊申以右龍武統軍王景戡為新州節度使己酉以右領軍上將軍李肅為左金吾大將軍壬子以邠州節度使劉行琮卒廢朝贈太邠州節度使癸丑以邠州縣于律令格式六典中錄本局公傳詔有司及天下州縣于律令格式六典中錄本局公事書于廳壁令其遵行六月丁巳朔復置明法科同開元禮乙丑以皇子左衛大將軍從珂依前檢校太傅加

同平章事行京兆尹充西都留守庚午以邠州節度使
張溫為右龍武統軍甲戌以魏徵入代孫韶為安定縣
主簿乙亥以鎮州節度使宋王從厚為興唐尹以石敬
瑭為河陽天雄軍節度使以天雄軍節度使石敬瑭為
河陽節度使依前六軍諸衛副使丙子詔諸道觀察使
均補苗稅將有力人戶出剩田苗補貧下不迨頃畝有
嗣者排改檢括自今年起為定額乙卯定州節度使李
從敏移鎮州節度使盧質為滄州節度使庚辰皇孫太
子舍人重美授司動員外郎重真已下六人並授同正
將軍及檢校官壬午以前秦州節度使李德琬為定州
節度使兼北面上營副招討使太原地震詔天下州府
斷獄先于案牘之上坐所該律令格式及新勅然後區
分乙酉以前黔州節度使楊漢賓為羽林統軍詔止絕
諸射係省店莊宅園五代會要長與二年六月以唐
文正公魏徵八代孫紹秋五代史秋七月庚寅以權侍
為涇州安定縣主簿秋五代史秋七月庚寅以權侍
張從實為壽州節度使兼侍衛步軍都指揮使壬辰福
建王延鈞上言當境廟七所乞封王號勅加諸史傳有
名宜封為閩越富義王其餘任自于境內祭享乙未詔
諸道奏薦州縣官使相先許一年薦三人今許薦五人

不帶使相先許薦二人今許薦三人直屬京防禦團練使先許薦一人今許薦二人詔應州縣官內有曾在朝行及曾佐幕府罷任後準前資朝官官廩從別處分其帶省銜并內供奉裏行及諸已出選門者或降授令錄罷任日並依出選門例處分便與除官更不在赴常調州縣官其問書得十六考者準格敘加朝散階亦準出選門例處分三司奏先許百姓造麴不來官場收買伏恐課額不逮請復已前麴法鄉戶與在城條法一例指揮仍據已造到麴納官量支還麥本從之甲辰前晉州節度使朱漢賓授太子少保致仕庚戌大理正劇可久責授登州司戶刑部員外郎裴選貢授衛尉寺丞刑部侍郎李光序判大理卿事任贊各降一官罰一季俸坐斷罪失八月己未契丹使邪姑兒來五代史八月丙寅詔入也

委還處差人依省司年額勾當納官以故鎮州節度使趙王王鎔男昭誨為朝議大夫司農少卿賜紫金魚袋繼絕也辛丑升虔州為昭信軍癸亥以太常少卿盧文紀為秘書監以秘書監馬綽為太子賓客左監門上將軍羅周敬為右領軍上將軍前懷州刺史婁繼英為左監門上將軍乙丑詔大理寺官員宜同臺省官例升進

法直官比禮直官任使仍于諸道贓罰錢內每月支錢
一百貫文賜刑部大理兩司其刑部于所賜錢三分與
一分丙寅以武平軍節度使馬希振依前檢校太尉兼
侍中充虔州昭信軍節度使詔百官職吏應選授外官
者考滿日並委本州申奏追還本司依舊職行公事已
已太傅致仕王建立太子少保致仕朱漢賓皆上章求
歸鄉里詔內外致仕官凡要出入不在拘束之限辛未
以翰林學士兵部侍郎劉昫守本官充端明殿學士以
左拾遺直樞密院李崧充樞密直學士壬申以左龍武
統軍李承約為路州節度使癸酉詔文武百官五日內
毀起居仍舊其輪次轉對若有封事許非時上表朔望
入閣待制候對一依舊制乙亥翰林學士工部侍郎賈
夢徵卒丁丑以前西京副留守梁文矩為兵部尚書乙
卯詔不得薦銀青階為州縣官壬午詔應有朝臣藩侯
郡守凡欲營葬未曾封贈許追封贈禮部尚書致仕李
德休卒五代會要長興二年八月初今後宰臣文武
百官每五日內殿起居仍舊其輪次轉對宜停若有
所見許非時上表其朔望入閣待制候對一依舊規九
月丁亥放五坊鷹隼使符彥超為左龍武統軍已亥懷

化軍節度使東丹慕華賜姓李名贊華改封隴西縣開
國公應有先配諸軍契丹並賜姓名詔天下營田務只
許耕無主荒田各召浮客不得畱占屬縣編戶辛丑樞
密使檢校太傅刑部尚書范延光加同平章事使如故
壬寅以中書舍人封翹為禮部侍郎禮部侍郎盧澹為
戶部侍郎癸卯許州富民于公廳同坐辛亥詔五坊見
在鷹隼之類並可就山林解放今後不許進獻五坊見
會要長興二年九月勅共五方見在鷹隼之類並宜就
山林解放此後諸色人不得輒有進獻仰閤門使有此
色貢奉表章不得引進又長興二年九月二日勅凡
置營田比召浮客若取編戶實案常規如有係稅之人
宜令卻還本縣應三京諸道營田祇耕佃無主荒田及
召浮客此後若敢違越其官吏及投名稅戶當行重斷
冊府元龜二年九月九日應聖節冬五代史冬十月
帝御中興殿觀僧道講論賜物有差戊午以前北京
畱守太原尹馮贊為許州節度使辛酉左補闕李詳上
疏以北京地震多日請遣使臣往彼慰撫察問疾苦祭
祀山川從之先是太原畱後密奏無敢言者及詳有是
奏帝甚嘉之改賜章服丙寅詔應在朝臣寮藩侯郡守

準例合得追贈者新授命後便于所司投狀旋與施行
封妻蔭子準格合得者亦與施行外官曾任朝班據在
朝品秩格例合得封贈敘封者並與施行其補蔭據資
蔭合得者先受官者先與收補後受官者據月日次第
施行從之五代會要長興二年十月勅在朝臣寮及
藩侯郡守據禮例合追贈者新授命後便于所司投狀
旋與施行自中興以來外官曾任朝班據在朝時品秩
格例合得封贈敘封未霑恩命者並與施行其敘封妻
室品蔭子孫仍令所司一一具格式申奏其十一月戊
或應得而不與應不得而與之罪在所司

申吐蕃遣使者來辛丑旌表棣州民邢釗門閭

原注于戈之世

王道息而禮義亡民猶有自知孝悌而時君旌之猶有
勸民之意故兩善而書之五代史十一月甲申朔日
有食之己丑日南至帝御文明殿受賀丁酉以翰林學
士起居郎張礪爲兵部員外郎知制誥充職以汝州防
禦使張希崇爲靈州兩使畱後庚子以左威衛上將軍
華溫琪爲華州節度使福州節度使王延鈞奏誅建州
節度使王延稟及其子繼雄壬寅詔今後諸道兩使判
官罷任一年與比擬書記支使防禦團練判官二年推

巡軍事判官並三年後與比擬仍每遇除授量與改轉
官資或階勳職次云以御史中丞劉贊為刑部侍郎以
鳳州節度使孫岳充西面閤道使王子郾州奏黃河暴
漲漂溺四千餘戶癸丑以給事中崔衍為御史中丞

十二月甲寅朔除鐵禁初稅農具錢

原注至今因之故書五代會要後

唐長興二年十二月勅今後不計農器燒器動使諸物
並許百姓逐便自鑄造諸道監治除當年定數鑄辦供
軍熟鐵并器物外祇管出生鐵比已前價各隨逐處見
定高低每斤一例減十文貨賣雜使熟鐵亦任百姓自
煉巡檢節級勾當賣鐵場官併鋪戶一切並廢鄉村百
姓祇于係省夏秋苗畝上納農器錢一錢五分足隨夏
秋稅二已未西涼府遣使者來已已回鵲使安求思來
時送納

辛未渤海使文成角來党項寇方渠

五代史十二月甲寅朔詔開鐵禁許

百姓自鑄農器什器之屬于夏秋田畝上每畝輪農器
錢一錢五分乙卯畝于西郊丁巳以彰武軍節度使劉
訓卒廢朝庚午以前利州節度使康思立為陝州節度
使秦州地震丁丑詔三司所過西川兵士家屬常令瞻

給五代春秋辛卯二年正月契丹突欲率衆來歸五月誅安重誨十一月甲申朔日有食之

三年春正月庚子契丹使拽骨來已酉渤海回鶻皆遣

使者來

五代史長興三年春正月癸未朔帝御明堂殿受朝賀仗衛如式丁亥陝州節度使安從進移

鎮延州

已丑遣邠州節度使藥彥稠靈武節度使康福

率步騎

七千往方渠討党項之叛者庚寅以前北京副

留守呂夢奇

爲戶部侍郎辛卯以前彰國軍畱後孫漢

韶爲利州節度使

充西面行營副部署兼步軍都指揮

使庚子契丹遣使朝貢

辛丑秦王從榮加開府儀同三

司兼中書令

戊申詔選人文解不合式樣罪在發解官

吏舉人落第

次年免取文解中書門下奏請親王官至

兼侍中

中書令則與見任宰臣分班定位宰臣居左諸

親王居右

如親王及諸使守侍中中書令亦分行居右

其餘使相

依舊從之渤海回鶻吐蕃遣使朝貢大理正

張居瑑

上言所頒諸州新定格式律令請

委逐處各

差法直官一人專掌檢討從之

二月己卯

靜

難軍節度使

藥彥稠及党項戰于牛兒谷敗之

五代史

二月乙

卯制晉國夫人夏氏追冊爲皇后丙辰幸龍門詔故皇城使李從璨可贈太保詔出選門官罷任後周年方許擬議自于所司投狀磨勘送中書又詔罷城南稻田務以其所費多而所收少欲復其水利資于民間碾磴故也秦州奏州界三縣之外別有一十一鎮人戶係鎮將徵科欲隨其便利復置隴城天水二縣以隸之詔從之甲子幸至德宮以右衛大將軍高居貞爲右監門衛上將軍庚午以前華州節度使李從和爲左驍衛大將軍以前夔州節度使安崇阮爲右驍衛上將軍以前新州節度使翟璋爲右領軍上將軍以右領軍上將軍羅周敬爲右威衛上將軍辛未中書奏請依石經文字刻九經印板從之甲戌靈武奏都指揮使許審環等謀亂伏誅藥彥稠奏誅党項阿埋等十族與康福入白魚谷追襲叛黨獲大首領六人諸羌二千餘人孳畜數千及先劫掠到回鶻物貨詔彥稠軍士所獲並令自收勿得箕斂已卯以前河中節度使索自通爲鄜州節度使懷化軍節度使李贊華進契丹地圖詔司天臺除密奏畱中外應奏厯象雲物水旱及十曜細行諸州災祥宜並報史館以備編修壬午藥彥稠進回鶻可汗先送秦王金裝胡鞞爲党項所掠至是得之以獻帝曰先詔所獲令

軍士自收今何進也令彥稠御與獲者五代會要後
唐長興三年二月中書門下奏請依石經文字刻九經
印板勅令國子監集博士儒徒將西京石經本各以所
業本經句度抄寫注出子細看讀然後雇召能雕字匠
人各部隨帙刻印板廣頒天下如諸色人要寫經書並
須依所印勅本不得更使雜本交錯其年四月勅差太
子賓客馬縞太常丞陳觀太常博士段顥路航尚書屯
田員外郎田敏充詳勘官兼委國子監于諸色選人中
召能書人端楷寫出旋付匠人雕刻每日五紙與減一
選如無選可減等第據與改轉官資冊府元龜長興
三年二月中書奏請依石經文字刻九經印板勅旨教
導之本經籍爲宗兵革以來庠序多廢縱能傳授罕克
精研由是亥亥有差魯魚爲弊苟一言致誤則大義全
乖倘不討詳漸當紕繆宜令國學集博士儒徒將西京
石經本各以所業本經句度抄寫注出子細勘讀然後
召僱能雕字匠人各隨部帙刻印板廣頒天下如諸色
人要寫經書並頒依所印勅本不得更使雜本交錯所
貴經書廣布儒教大行又馬縞爲太子賓客長興三
年四月勅近以遍注石經雕刻印板委國學每經差專
知業博士儒徒五六人勘讀并注今更于朝官內別差

五人充詳勘官太子賓客馬縞太常丞陳觀祠部員外郎兼太常博士段頤太常博士路航屯田員外郎田敏等朕以正經事大不同諸書雖以委國學差官勘注蓋緣文字極多尙恐偶有差誤馬縞以下皆是碩儒各專經業更令詳勘貴必精研兼委國子監于諸色選人中召能書人謹楷寫出旋付匠人雕刻每五百紙與減一選所減等第優與選轉官資時宰相馮道以諸經外謬與同列李愚委學官等取西京鄭覃所刊石經雕爲印板流布天下後進賴之通鑑初唐明宗之世宰相馮道李愚請令判國子監田敏校正九經刻板印賣朝廷從之文類聚別集聞見錄後唐明宗長興三年宰相馮道李愚請令判國子監田敏校正中募民獻書及三百卷授以試銜其選調之官每百卷減一選天成中遣都官郎中庾傳美訪圖書于蜀得九朝實錄及雜書千餘卷而已明宗長興三年初令國子監校定石林葉氏曰唐以前凡書籍皆寫本未有模印之法人以藏書爲貴人不多有而藏者精于讐對故往往皆有善本學者以傳錄之艱故其誦讀亦精詳五代時馮道始奏請官鑄板印

行國朝淳化中復以史記前後漢付有司摹印自是書
籍刊鏤者益多士大夫不復以藏書為意學者易于得
書其誦讀亦因滅裂然板本初不是正不無訛誤世既
一以板本為正而藏本日亡其訛謬者遂不可正甚可
惜也余襄公靖為秘書嘗言前漢書本謬甚詔與王原
叔同取秘閣古本參校遂為刊誤三十卷其後劉原父
兄弟兩漢皆有刊誤余在許昌得宋景文用監本手校
西漢一部末題用十三本校中問有脫兩行者惜乎今
亡之矣又世言雕板印書始馮道此不然但監本五經
板道為之爾柳玘訓序言其在蜀時嘗閱書肆云字書
小學率雕板印紙則唐固有之矣但恐不如今之工今
天下印書以杭州為上蜀本次之福建最下京師比歲
印板殆不減杭州但紙不佳蜀與福建多以柔木刻之
取其易成而速售故不能工福建本幾徧天下正以其
易成故也 猗覺寮雜記雕印文字唐以前無之唐末
益州始有墨版後唐方鏤九經悉收人間所有經史以
鏤板為正見 三月甲申契丹遣使者來五代史三月甲
兩朝國史 貢靈武軍將裴昭隱等三人與進奏官阮順之隱官馬
一匹有司論罪合抵法帝曰不可以一馬殺三人命笞

而釋之丙申西京奏百姓侯可洪于楊廣城內掘得宿
藏玉四團進納賜可洪二百緡絹二百匹庚子以前鄭
州節度使孫璋卒廢朝癸卯帝顧謂宰臣曰春雨稍多
久未晴霽何也馮道對曰水旱作沴雖是天之常道然
季春行秋令臣之罪也更望陛下廣敷恩宥久雨無妨
上聖政也丁未以神捷神威雄武廣捷已下指揮改爲
左右羽林軍置四十指揮每十指揮立爲一軍軍置都
指揮使一人庚戌帝觀稼于近郊民有父子三人同挽
犁耕者帝閔之賜耕牛三頭高麗國遣使朝貢以右領
軍上將軍翟璋爲右羽林統軍以前安州畱後周知裕
爲左神武統軍五代會要後唐長興三年三月勅應
軍神威雄威及魏府廣健已下指揮宜改爲左右羽林
軍置都指揮使一人兼分爲左右廂每一夏四月庚申新
羅遣使者來使五代史夏四月甲寅詔諸道節度使未帶
高者爲上加檢校官同以先授者爲上前資在見任之
下新羅王金博遣使貢方物戊午中書奏準勅重定三
京諸州府地望次第者舊制以王者所都之地爲上今
都洛陽請以河南道爲上關內道爲第二河東道爲第

三餘依舊制其五府按十道圖以鳳翔爲首河中成
江陵興元爲次中興初升魏州爲興唐府鎮州爲真
府望升二府在五府之上合爲七府餘依舊制又天
舊有八大都督府以靈州爲首陝西魏揚潞鎮徐爲
其魏鎮已升爲七府兼具員內相次升越杭福潭等
爲都督望以十大都督府爲額仍據升降次第以陝
首餘依舊制十道圖有大都護請以安東大都護爲
防禦團練等使自來升降極多今具見在其員依新
十道圖以次第爲定從之契丹累遣使求歸扎拉特
衮等幽州趙德鈞奏請不俞允帝顧問侍臣亦以爲
可與帝意欲歸之會翼州刺史楊檀罷郡至闕帝問
事奏曰此輩來援王都謀危社稷陛下寬慈貸其生
苟若歸之必復向南放箭旣知中國事情爲患深矣
然之旣而遣哲爾格錫里隨來使歸蕃不欲全拒其
也詔贈皇后曹氏曾祖父父母爲太子太傅太尉太
淑妃王氏曾祖父父母爲太子太保太傅太師國夫
人壬戌前樞密使驃騎大將軍馬紹宏卒癸亥以懷
軍節度使李贊華爲滑州節度使初帝欲以贊華爲
鎮范延光等奏以爲不可帝曰吾與其先人約爲兄
故贊華來附吾老矣儻後世有守文之主則此輩招

亦不來矣由是近臣不能抗議甲子以太子賓客蕭蘧爲戶部尚書致仕乙丑以天雄軍節度使宋王從厚兼中書令辛未以幽州節度使趙德鈞兼中書令五代會要後唐長興三年四月中書門下奏案十道圖以關內道爲上遂以鳳翔爲首河中成都江陵興元爲次中興初升魏州爲興唐府鎮州爲真定府皆是創業興王之興地請升二府於五府之上合爲七府仍以興唐爲首真定鳳翔成都在江陵興元爲次從之又後唐長興三年四月中書門下奏天下舊有八大都督府按十道圖以靈州爲首陝西楊路鎮徐等州爲次其魏鎮已升爲七府兼具員內越杭福潭等州亦相次升爲都督府望以十大都督府爲額仍據升降次第以陝爲首餘依舊制從

五月己丑二王後詹事司直楊延紹襲封鄴國公

丙午孟知祥攻董璋陷綿州

五代史五月壬午朔帝御文明殿受朝詔禁網羅彈

射弋獵丁亥以二王後前詹事府司直楊延紹爲右贊善大夫仍襲封鄴國公食邑二千戶丁酉以太子太師致仕孔勅卒廢朝興元奏東西兩川各舉兵相持甲辰以文宣王四十三代孫曲阜縣主簿孔仁玉爲兗州冀

邱令襲文宣王戊申襄州奏漢江大漲水入州城壞民廬舍樞密使奏近知兩川交惡如令一賊兼有兩川撫衆守險恐難討除欲令王思同以興元之師伺便進取詔從之五代會要三年五月一日勅凡羅網彈射諸七獵之具比至冬初並宜止絕若有犯者隨處官吏科違禁之罪起今後每年二月便作此勅曉諭中外六月甲寅封王建爲高麗國王大義軍使孟知祥殺董璋陷東川達犴首領頡哥以其族來附五代史六月壬子朔幽州趙德鈞奏新開東南河自王馬口至淤口長一百六十五里闊六十五步深一丈二尺以通漕運舟勝千石畫圖以獻甲寅以權知高麗國事王建爲檢校太保封高麗國王丁巳衛州奏河水壞隄東北流入御河戊午荆南奏東川董璋領兵至漢州西川孟知祥出兵逆戰璋大敗得部下人二十餘走入東川城尋爲陵州刺史王暉所殺孟知祥已入梓州辛酉范延光奏曰孟知祥兼有兩川彼之軍衆皆我之將士料其外假朝廷形勢以制之然陛下苟不能屈意招攜彼亦無由革面帝曰知祥予故人也以賊臣間諜故茲阻隔今因而撫之何屈意之有由

是遣供奉官李瓌使西川資詔以賜知祥詔以霖雨積
旬久未晴霽京師諸司繫囚並宜釋放甲子以大雨未
止放朝參兩日洛水漲泛二丈廬舍居民有溺死者以
前濮州刺史武延翰為右領軍上將軍前階州刺史王
宏贊為左千牛上將軍金徐安穎等州大秋五代史秋
水鎮州旱詔應水旱州郡各遣使人存問秋七月辛巳
朔以天下兵馬元帥尚父吳越國王錢鏐薨廢朝三日
丙戌詔賜諸軍救接錢有差戊子正衙命使冊高麗國
王王建靈武奏夏州界党項七百騎侵擾當道出師擊
破之生擒五十騎追至賀蘭山下已丑兩浙節度使錢
元瓘起復加守尚書令青州節度使王晏球加兼中書
令秦鳳竟宋毫穎鄧大水漂邑屋損苗稼夔州赤甲山
崩王辰以前太僕卿鄭績為鴻臚卿以前兗州行軍司
馬李鏐為戶部尚書乙未福建節度使王延鈞進絹表
云吳越王錢鏐薨乞封臣為吳越王湖南馬殷官是尚
書令殷薨請授臣尚書令不報戊戌太子賓客李光憲
以禮部尚書致仕已亥以前靈武節度使劉仁恭于大安山
節度使幽州衙將潘杲上言知故使劉仁恭于大安山
藏錢之所樞密院差人監往發之竟無所得以皇子西
京畱守京兆尹從珂為鳳翔節度使廢鳳州武興軍節

制爲防禦使并所管興文二州並依舊隸興元府丁未
以門下侍郎兼吏部尚書同平章事監修國史趙鳳爲
檢校太傅同平章事充邢州節度使詔詣州府遣水人
戶各支借麥種及等第賑貸五代會要長興三年七
月夔州奏赤甲山崩又七月二十七日勅應諸處凡
有今年爲經水勢逃戶莊園屋舍桑棗一物已上並可
指揮州縣散下鄉村委逐村節級鄰保人分明文簿各
管見在不得輒令毀拆房舍斬伐樹木及散失動使什
物等候在本戶歸業日卻依元數責令交付訖具無欠少
罪結狀申本州縣如元數內稱有事欠少許歸業戶陳
狀訴論所犯節級并鄉鄰保人等並科違勅之罪仍勒
備償或至來年春入務後有逃戶未歸者其桑土卽許
鄰保人請佃供輸租稅種後本主八月己卯吐蕃遣使
歸來亦在指上指揮至秋收後還之八月己卯吐蕃遣使
者來五代史八月辛亥青州節度使王晏球卒廢朝二
寅以前振武節度使張萬進爲鄧州節度使己未以鄴
州節度使房知溫兼中書令移鎮青州丙寅以宰臣李
愚爲門下侍郎平章事監修國史乙亥以湖南節度使
馬希聲卒廢朝己卯吐蕃遣使朝貢九月壬午以鎮南

軍節度使檢校太傅馬希範爲湖南節度使檢校太尉
兼侍中甲申荆南節度使檢校太傅兼中書令高從誨
加檢校太尉兼中書令王辰供奉官李瓌自西川迴節
度使孟知祥附表陳敘隔絕之由并進物先賜金器等
瓌知祥甥也母在蜀故令瓌往焉瓌至蜀具述朝廷厚
待之意知祥稱藩如初奏福慶長公主以今年正月十
二日薨又奏五月三日大破東川董璋之衆于漢州收
下東川又表立功將校趙季良等五人乞授節鉞部內
刺史令錄已下官乞許墨制補授帝遣閤門使劉政思
充西川宣諭使乙巳契丹遣使自幽州進馬秦州地震
冬十月庚申幸石敬瑭第五代史冬十月己酉朔再遣
福慶長公主祭贈絹三千匹并賜知祥玉帶先是兩川
隔遠朝廷兵士不下三萬人至是知祥上表乞發遣兵
士家屬入川詔報不允知祥所奏兩川部內文武將吏
乞許權行墨制除補訖奏詔許之知祥所奏立功大將
趙季良等五人正授節鉞績有處分襄州奏漢水溢壞
民廬舍癸丑以太常卿劉岳卒廢朝已未以兵部侍郎
張文寶爲吏部侍郎以戶部侍郎藥縱之爲兵部侍郎
庚申幸至德宮因幸石敬瑭李從昶李從敏之第壬申

大理少卿康澄上疏曰臣聞安危得失治亂興亡誠不繫于天時固非由于地利童謠非禍福之本妖祥豈隆替之源故雖雉鼎而桑穀生朝不能止殷宗之盛神馬長嘶而玉龜告兆不能延晉祚之長是知國家有不足懼者五有深可畏者六陰陽不調不足懼三辰失行不足懼小人訛言不足懼山崩川涸不足懼蝨賊傷稼不足懼此不足懼者五也賢人藏匿深可畏四民遷業深可畏上下相徇深可畏廉恥道消深可畏毀譽亂真深可畏直言蔑聞深可畏此深可畏者六也伏惟陛下尊臨萬國奄有八紘蕩三季之澆風振百王之舊典設四科而羅俊彥提二柄而御英雄所以不軌不物之徒咸思革面無禮無義之輩相率悛心然而不足懼者願陛下存而勿論深可畏者願陛下修而靡忒加以崇三綱五常之教敷六府三事之歌則鴻基與五岳爭高盛業共磐石永固優詔獎之澄言可畏六事實中當時之病識者許之癸酉湖南馬希範荆南高重誨並進銀及茶乞賜戰馬帝還其直各賜馬有差丁丑帝謂范延光曰如聞禁軍戍守多不稟藩臣之命緩急如何驅使延光曰承前禁軍出戍便令逐處守臣管轄斷決近似簡易帝曰速以宣命條舉之十一月辛巳以三司使左武

衛大將軍孟鵠爲許州節度使以前許州節度使馮贇
爲宣徽使判三司以宣徽北院使孟漢瓊判院事壬午
史館奏宣宗已下四廟未有實錄請下兩浙荆湖購募
野史及除日報狀從之癸未以左僕射致仕鄭珏卒廢
朝丁亥以河陽節度使兼六軍諸衛副使石敬瑭爲河
東節度使兼大同彰國振武威塞等軍蕃漢馬步總管
時契丹帳族在雲州境上與羣臣議擇威望大臣以制
北方故有是命己丑樞密使趙延壽加同平章事詔在
京臣寮不得進奉賀長至馬及諸物甲午日南至帝御
文明殿受朝賀己亥河中節度使李從璋加檢校太傅
以右散騎常侍楊凝式爲工部侍郎庚子以秘書監盧
文紀爲工部尚書以工部尚書崔居儉爲太常卿以工
部侍郎鄭韜光爲禮部侍郎乙巳雲州奏契丹主在黑
榆林南納喇泊造攻城之具帝遣使賜契丹主銀器綵
帛十二月戊申朔供奉官丁延徽倉官田繼勳并棄市
坐擅出倉粟數百斛故也教坊伶官敬新磨受賄爲人
告帝令御史臺徵還其錢而後撻之癸丑幸龍門觀修
伊水石堰賜丁夫酒食後數日有司奏丁夫役限十五
日己滿工未畢請更役五日帝曰不唯時寒且不可失
信于小民卽止其役甲寅以太子賓客歸藹卒廢朝戊

午以前宣徽使朱宏昭爲襄州節度使康義誠爲河陽節度使充侍衛親軍馬步都指揮使壬戌以吏部侍郎姚顗爲尙書左丞以尙書左丞王權爲禮部尙書以兵部侍郎藥縱之爲吏部侍郎以翰林學士中書舍人程遜爲戶部侍郎依前充職戊辰帝畋于近郊射中奔鹿是冬無雪五代會要長興三年十月萊州奏卽墨縣人王及家生芝草一本三枝分兩歧或三歧上漸相向成片而圓色紫葉莖一色其表白高尺餘上命出宮中舊進芝草四本色莖皆同又長興三年十一月四日史館奏當館昨爲大中已來迄於天祐四朝實錄尙未纂修尋具奏聞謹行購募勅命雖頒於數月圖書未貢於一編蓋以北土州城久罹兵火遂成滅絕難可訪求切恐歲月漸深耳目不接長爲闕典過在攸司伏念江表列藩湖南奧壤至於閩越方屬勳賢戈鋌自擾於中原屏翰悉全於外府固多羣士富有奇書其兩浙福建湖廣伏乞特降詔旨委各於本道採訪宣宗懿宗僖宗昭宗四朝已上野史及逐朝日歷除目銀臺事宜內外制詞百司沿革簿籍不限卷數據有者抄錄進上若民間收得或隱士撰成卽令各列姓名請議爵賞從之冊府元龜長興三年十一月壬午史館奏自宣宗以來

時歷四朝未有實錄年代深遠簡牘散亡更歷歲時轉失根本自中興以來累于諸道購纂四朝日歷報狀百司闕報亦恐已會撰到實錄值亂亡失乞下兩浙湖南巡屬購募四朝野史及除日報狀關報等庶成撰集之功從之五代春秋壬辰三年六月河決衛州西川孟知祥克東川誅董璋京師大水七月越王鏐薨八月湖
南馬希聲薨

四年春正月庚寅端明殿學士兵部侍郎劉昫為中書

侍郎同中書門下平章事

五代史長興四年春正月戊寅朔帝御明堂殿受朝賀仗

衛如式是日雪盈尺戊子秦王從榮加守尚書令兼侍中依前河南尹判六軍諸衛事庚寅以端明殿學士尚書兵部侍郎劉昫為中書侍郎平章事甲午正衛命使冊故福慶長公主孟氏為晉國雍順長公主遣太常卿崔居儉赴西川行冊禮突厥內附庚子以前河東節度使李從溫為鄆州節度使五代史纂謨今案劉昫傳乃是長興三年拜中書侍郎兼刑部尚書同中書門下平章事非四年也而記又不載兼官未知孰是

二

月戊午孟知祥使朱晃來

原注十國外而不書此書者知祥本唐臣而反至此改過

自歸絕之則嫌不許其自新錄之則尚冀其遷善然其來也臣禮不備故如夷狄書之五代史二月癸丑朔

帝於便殿問范延光內外見管馬數對曰三萬五千匹

帝嘆曰太祖在太原騎軍不過七千先皇自始至終馬

纔及萬今有鐵馬如是而不能使九州混一是吾養士

練將之不至也吾老矣馬將奈何延光奏曰臣每思之

國家養馬太多試計一騎士之費可贍步軍五人三萬

五千騎抵十五萬步軍既無所施虛耗國力臣恐日久

難繼帝曰誠如卿言肥騎士而瘠吾民何益哉丁巳以

虔州節度使檢校太尉兼侍中馬希振為洪州節度使

以鄂州節度使馬希廣為檢校太尉同平章事充桂州

節度使以廬州節度使兼武安軍副使姚彥章為檢校

太尉同平章事以靜江節度副使馬希範為鄂州節度

使故潞州節度使檢校太保康君立贈太傅已未宋州

節度使安元信加兼侍中漢州進重修河隄圖浚河地

名歷歷可數帝覽之愀然曰吾佐先朝定天下于此隄

塢間小大數百戰又指一邱曰此吾攬甲臺也時事如

昨奄忽一紀令人悲歎耳癸亥以西川節度使孟知祥

爲劍南東西兩川節度使封蜀王三司奏當省有諸道
鹽鐵轉運使衙職員都押衙正押衙同押衙通引衙前
虞候子弟今欲列爲三司職名從之庚午以御史中丞
崔衍爲兵部侍郎以右諫議大夫龍敏爲御史中丞

三月甲辰追冊晉國夫人夏氏爲皇后

五代史三月己卯幸龍門延州

節度使安從進奏夏州節度使李仁福率其子樊超自
稱留後甲申鎮州奏行軍司馬趙瓌節度判官陸浣元
從押衙高知柔等並棄市坐受賂枉法殺人也節度使
李從敏罰一季俸乙酉以西川節度副使知武泰軍節
度兵馬留後趙季良爲檢校太保黔南節度使以西川
諸軍馬步都指揮使知武信軍節度兵馬留後李仁罕
爲檢校太傅遂州節度使以西川左廂馬步指揮使知
保寧軍節度兵馬留後趙廷隱爲檢校太保閬州節度
使以西川右廂馬步都指揮使知寧江軍兵馬留後張
知業爲檢校司徒夔州節度使以西川衙內馬步都指
揮使知昭武軍兵馬留後李肇爲檢校太保利州節度
使從孟知祥之請也丙戌賜宰相李愚絹百匹錢十萬
鋪陳物十三件時愚病帝令近臣翟光鄴宣問所居寢
室蕭然四壁病榻弊毳而已光鄴具言其事故有是賜

戊子以延州節度使安從進爲夏州留後以夏州左都
押衙四川防遏使李彞超爲延州留後仍命邠州節度
使藥彥稠宮苑使安重益帥師援送從進赴鎮以左衛
上將軍盧文進爲路州節度使以右龍武統軍張溫爲
雲州節度使庚寅以鳳翔行軍司馬李彥琮爲鹽州防
禦使時范延光等奏請因夏州之師制置鹽州故有是
命癸巳以右威衛上將軍安重霸爲同州節度使詔除
放京兆秦岐邠涇延慶同華興元十州長興元年二
年係欠夏秋稅物及營田莊宅務課利以其會輦運
供軍糧料也甲辰故晉國夫人夏氏追冊皇后有司上
諡曰昭懿從之五代會要四年三月西京留守王思
同進擬開駱谷路圖上指山險謂侍臣曰如此之險
何以開道左右奏曰據興元關內兵戎交番及轉餉大
散修開斜谷路迂迴校五百里如從駱谷自雍京直
抵興元糧戍稍便然此路險阻尤甚以此竭力開通
將來霖雨亦煩修葺上僂勉從其奏竟夏五代史夏
四月戊申李彞超奏奉詔無成功而止夏除延州留
後已受恩命訖三軍百姓擁隔未遂赴任帝遣問門
使蘇繼顏資詔促彞超赴任癸丑以刑部侍郎劉贊
爲秘書監秦王傅甲寅前鄧州

節度使梁漢顓以太子少師致仕太子賓客裴崱以兵部尚書致仕戊午追冊昭宗皇后何氏為宣穆皇后祔饗太廟百寮進名奉慰廢朝三日己巳以左散騎常侍任贊為戶部侍郎以吏部侍郎藥縱之為曹州刺史癸酉延州奏蕃部劫掠餉運及攻城之具守蘆關兵士退守金明鎮五代會要長興四年四月以秘書監劉贊為秦王傅前忠武軍節度判官蘇瓚為秦王友前襄州觀察使魚崇遠為秦王府記室參軍時言事者請為秦王置師傅上顧問近臣皆以秦王名勢隆盛不敢置議請自選擇乃降是命五月戊寅封子

從珂為潞王

原注從珂非子而書子與梁博王友文同

從益許王姪從溫克

王從璋洋王從敏涇王丙戌契丹使述骨卿來

五代史五月丙

子朔帝御文明殿受朝戊寅皇子鳳翔節度使從珂封是丁憂闕故改焉皇子從益封許王鄆州節度使李從溫封克王河中節度使李從璋封洋王鎮州節度使李從敏封涇王甲申帝避暑于九曲池既而登樓風毒暴作聖體不豫翼日而愈丙戌契丹遣使朝貢丁酉安從

進奏大軍已至夏州攻城以其不受命也庚子以靈武
畱後張希崇爲本州節度使辛丑故夏州節度使朔方
郡王李仁福追封號王壬寅以前晉州畱後薄文爲本
州節度使六月丙午朔文武百寮宰臣馮道等拜章請
于尊號內加廣運法天四字凡拜三章詔允之詔宮西
新園宜名永芳園其間新殿宜名和慶殿丙辰秦王從
榮加食邑至萬戶實封二千戶丁未以右驍衛上將軍
李從昶爲左龍武統軍以前邢州節度使高允韜爲右
龍武統軍以右驍衛上將軍羅周敬爲左羽林統軍以
右監門上將軍婁繼英爲金州刺史戊午宋王從厚加
食邑至萬戶實封一千戶壬戌以前涇州節度使李金
全爲滄州節度使癸亥詔御史中丞龍敏等詳定大中
統類甲子第十四女封壽安公主第十五女封永樂公
主戊辰以前利州節度使孫漢韶爲洋州節度使壬申
永寧軍節度使容州管內觀察使檢校太尉兼侍中馬
存加食邑實封甲戌帝復不豫五代會要長興四年
五月封皇從子從溫爲堯王從璋爲漢王從敏
爲涇王追封故夏州節度使李仁福爲號王秋七月
乙未回鶻都督李末來獻白鶻命放之五代史秋七月

尹拙爲拾遺直史館國朝舊制皆以畿赤尉直史館今
用諫官自拙始從監修李愚奏也已卯東嶽三郎神贈
威雄大將軍初帝不豫前淄州刺史劉遂清薦泰山僧
一人云善醫及召見乃庸僧耳問方藥僧曰不工醫嘗
于泰山中親觀嶽神謂僧曰吾第三子威靈可愛而未
有爵秩師爲我請之宮中神其事故有是命識者嫉遂
清之妖佞焉詔應臺官出行須令人訶引使軍巡職掌
等規避壬午詔安從進班師時王師攻夏州無功故也
乙酉以許州節度使孟鵠卒廢朝贈太傅詔賜在京諸
軍將校優給有差時帝疾未痊軍士有流言故也丁亥
兩浙節度使檢校太傅守中書令錢元瓘封吳王慎
代會要七月以著作佐郎尹拙爲左拾遺直史館王慎
微爲右拾遺直史館從監修李愚奏也故事以本官直
者皆爲畿縣尉今諫官直館自拙等始也又四年七
月封泰山三郎爲威雄大將軍時上不豫劉遂清引泰
山僧進風藥用之小康其僧請封泰山三郎遂從之時
以爲妖八月戊申大赦五代史八月戊申帝被袞冕御
武之甚

廣運法天文德恭孝皇帝禮畢制大赦天下常赦所不
原者咸赦除之己酉賜侍衛諸軍優給有差時月內再

有頒給自茲府藏無餘積矣辛亥以晉州節度使薄文
卒廢朝丁巳以右龍武統軍李從昶為許州節度使戊
午以秘書監高格卒廢朝辛酉以太子太師致仕符習
卒廢朝贈太師辛未秦王從榮以本官充天下兵馬大
元帥加食邑萬戶實封三千戶以右羽林統軍翟璋為
晉州節度使以太子賓客馬縞為戶部侍郎壬申幸至
德宮五代會要後唐長興四年九月戊戌趙延壽罷
以秦王從榮為天下兵馬大元帥
山南東道節度使朱宏昭為樞密使五代史九月甲戌
為兵部尚書以前戶部尚書韓彥恂為戶部尚書丙子
幸至德宮戊寅樞密使范延光趙延壽並加兼侍中依
前充使中書奏元帥儀注諸道節度使以下帶兵權者
階下具軍禮參見其帶使相者初見亦展一度公禮天
下軍務公事元帥府行帖指揮其判六軍諸衛事則公
牒往來其官屬軍職委元帥府奏請從之癸未以兵部
侍郎盧詹為吏部侍郎丙戌宰臣馮道加左僕射李愚
加吏部尚書劉昫加刑部尚書戊子河陽節度使兼侍
衛親軍都指揮使康義誠山南西道節度使檢校太傅
張虔釗並加同平章事宣徽南院使判三司馮贇依前

檢校太傅同平章事中書門下同二品充三司使贊亡
父名章故改平章事爲同二品壬戌永寧公主石氏進
封魏國公主興平公主趙氏進封齊國公主皇孫重光
重哲並授銀青光祿大夫檢校工部尚書秦王宋王子
也前洋州節度使梁漢驛以太子少傅致仕丁酉以右
龍武統軍高允韜爲滑州節度使以韶州刺史檢校司
空王萬榮爲華州節度使萬榮王妃之父也戊戌以樞
密使趙延壽爲汴州節度使以襄州節度使朱宏昭爲
檢校太尉同平章事充樞密使時范延光趙延壽相繼
辭退樞密務及朱宏昭有樞密之命又面辭訴帝叱之
曰爾輩皆欲離朕左右怕在眼前素養爾輩將何用也
宏昭退謝不敢復言吏部侍郎張文寶卒庚子清海軍
節度使錢元璿加檢校太傅同平章事中吳建武等軍
節度使錢元璿加檢校太師兼中書令以前滑州節度
使李贊華遙領虔州節度使辛丑詔天下兵馬大元師
秦王從榮班宜在宰臣之上壬寅以北面行營都指揮
使易州刺史楊檀爲振武軍節度使五代會要秦王
從榮加兼中書令與宰臣分班左右定位及爲天下兵
馬元帥敕曰秦王位隆將相望重磐維旣崇等威合異
班位宜在宰臣之上冥福禪院牒勅中書門下宣賜

冥福禪院產業地土第一段在岳廟東其地南至街北
至馬司徒東至姜三郎李子蘭爲隔東南至槐樹東北
至張中舍第二段西斛斛市近北街東面東北至
卞二郎北至卞二郎南至官省房西至街第三段清酒
務西南至街西南二至靈派侯廟西至漆河岸北至路
東北二至街東至酒務界牆內有霍二郎王廟令臨街
有稅地租至霍二郎宅南至本院地東至大鄆州街南
自至西至小鄆州街第四段寨西門裡有街南裡裏角
地一闊第五段大寨內有地藏院所居地基并拐子地
計叁畝捌分叁厘叁毫並係冥福禪院地基第六段大
寨裏本院東菜園一坐計地叁畝大路南拐子路一角計地壹
畝大東至翟家南至道西至成家北至南宮地第八段
本院莊上菜園一坐計地五畝大四面自至第九段宣
賜冥福禪院稅戶見在昭告亭東有莊計地壹拾貳頃
大東至沙河南至張中舍西至王官人北至成三郎內
有短頭地身在北邊西北角東北角至韓五郎趙二伯
莊南一段肆拾肆畝大東至張八郎南自至西至張七
郎北自至廡家莊後有地一段南至張教書西至古道
北至東北角二自至第十段泰山下本院所止地基南

北長陸拾叁步關伍拾陸步陸分及殿後拐子地東西
長肆拾壹步分關伍步陸分約地壹拾伍畝大並係
賜到院地基右付冥福禪院准此長興四年九月二十
三日牒樞密使檢校太傅平章事駙馬都尉趙下有押
字加中書門下印樞密使檢校太傅平章事范下有押
字加中書門下印樞密使檢校太傅平章事范封中書
門下牒冥福禪院碑在冬十月庚申范延光罷三司使
泰安府城外冥福寺

馮贇為樞密使壬申幸士和亭得疾原注書得疾為從
榮事詳之五代

史冬十月丙午以前同州節度使張敬詢卒廢朝以刑部侍郎
使丁未以前滑州節度使張敬詢卒廢朝以刑部侍郎
任贇為兵部侍郎充元帥府判官戊午以前鳳翔節度
使孫岳為三司使庚申以樞密使范延光為鎮州節度
使以三司使馮贇為樞密使辛酉以前潞州節度使李
承約為左龍武統軍以前威塞軍節度使王景戡為右
龍武統軍以左驍衛上將軍安崇阮為左神武統軍以
右監門上將軍高允貞為右神武統軍王戌以權知夏
州事檢校司空李彝超為夏州節度使檢校司徒丙寅
詔在朝文武臣寮並與加恩以受冊尊號也戊辰以前

安州節度使楊漢章爲兗州節度使陝前雲州節度使張敬達爲徐州節度使庚午以前兗州節度使劉仲殷移鎮宋州爲秦州節度使王申以秦州節度使劉仲殷移鎮宋州五代史纂誤今按秦王從榮傳云十一月戊子雪明宗幸宮西上和亭得傷寒疾已丑從榮與朱宏昭入問起居帝不能知人從榮等去宮中皆哭至夜半後帝蹶然自興因進粥一器至旦疾小愈此卽庚寅日也而從榮稱疾不朝乃謀以兵入宮使押衙馬處鈞告宏昭宏昭大懼明日從榮遣馬處鈞告馮贊曰吾今日入居興聖宮此卽辛卯日也是日從榮自河南府擁兵千人以出至天津橋陳兵橋北端門已閉見朱宏實率騎兵從北來從榮驚懼後軍來者甚衆從榮乃走歸河南府安從益殺之然則明宗得疾之日紀傳旣已不同而從榮作亂伏誅之日又亦不同今以從榮傳稍詳且因而推之則是戊子雪明宗得疾已丑從榮問疾不應庚寅乃謀入宮辛卯旦引兵向端門而兵潰歸河南府被殺其次第蓋如此而紀傳乃爾交互且又從榮傳云後六日而明宗崩明宗以戊戌崩而傳止據壬辰從榮死故云爾今若據此傳是辛卯死則十一月壬辰秦王從榮以自辛卯至戊戌乃七日也

兵入興聖宮不克伏誅

原注君病不侍疾以兵求立罪當誅故書伏誅其意以謂帝崩

矣懼不得立而舉兵乙未侍衛親軍都指揮使康義誠

殺三司使孫岳

五代史十一月丙子以前滄州節度使盧質為右僕射庚辰改慎州懷化軍為

昭化軍升洮州為保順軍辛巳以保大軍節度使檢校

太尉鮑君福為保順軍節度使洮都等州觀察等使以彰

義軍節度使檢校太尉同平章事杜建徽為昭化軍節

度使慎瑞司等州觀察使乙酉以前汴州節度李從暉

為鄆州節度使以鄆州節度使李從溫為定州節度使

丙戌新授右僕射盧質奏臣忝除官合赴省上事若準

舊例左右僕射上事儀注所費極多欲從權務簡只取

尚書丞郎上事例止集南省屬寮及兩省官送上亦不

敢輒援往例有費官用自量力排比兼不敢自臣隳廢

前規他時任行舊制從之戊子帝不豫已丑大漸自廣

壽殿移居雍和殿是夜四鼓後帝自御榻蹶然而興顧

謂知漏宮女曰今夜漏幾何對曰四更因奏曰官家省

事否帝曰省因唾出肉片如肺者數片便溺升餘六宮

皆至慶躍而奏曰官家今日實還魂也已食粥一器侍

醫進湯膳至曙帝小康王辰天下大元帥守尚書令兼侍中秦王從榮領兵陣于天津橋內出禁軍拒之從榮敗奔河南府遇害帝聞之悲駭幾落御榻氣絕而蘇者再繇是不豫有加癸巳馮道率百寮見帝於雍和殿帝雨泣哽噎曰吾家事若此慙見卿等百寮皆泣下雷襟甲午賜宰臣樞密使御衣玉帶康義誠已下錦帛鞍馬有差遣宣徽使孟漢瓊召宋王于鄴都乙未以三司使係岳為亂兵所害廢朝丁酉勅秦王府官屬除諮議參軍高釐已處斬外元帥府判官兵部侍郎仁贊配武州秘書監兼秦王傅劉贊配嵐州河南少尹劉陟配均州並為長流百姓縱逢恩赦不在放還河南少尹李堯配石州河南府判官司徒詡配寧州秦王友蘇贊配萊州記室參軍魚崇遠配慶州河南府推官王說配隨州並為長流百姓河南府推官尹諲六軍巡官董裔張九思河南府巡官張沆李潮江文蔚並勒歸田里應長流人並除名六軍判官殿中監王居敏責授福州司馬六軍推官郭駿責授坊州司戶並員外置所在馳驛發遣時宰相樞密使其議任贊等已下罪馮道等曰任贊前在班行比與從榮無舊除官未及月餘便逢此禍王居敏司徒詡疾病請假將近半年近日之事計不同謀從榮

所欵昵者高輦劉陟王說三人昨從榮稱兵指闕之際
訟路只與劉陟高輦並轡耳語至天津橋南指日影謂
諸判官曰明日如今已誅王居敏矣則知其冗泛之徒
不可一例從坐朱宏昭意欲盡誅任贊已下馮贊力爭
之乃已又孫岳穆州人也強幹有才用歷府衛右職
天成中爲穎耀二州刺史開州團練使所至稱治遷鳳
州節度使受代歸京秦王從榮欲以岳爲元帥府都押
衙事未行馮贊舉爲三司使時預密謀朱馮患從榮之
恣橫岳會極言其禍之端康義誠聞之不悅及從榮敗
義誠召岳岳同至河南府檢閱府藏時紛擾未定義誠密
遣騎士射之岳走至通利坊爲騎士所害識與戊戌皇
不識皆痛之子璉歷諸衛將軍藩閫節度副使
帝崩于雍和殿原注年六十七清泰元年葬河南洛陽
不書葬五代史戊戌帝崩于大內之雍和殿壽六十
七十二月癸卯朔遷梓宮于二儀殿宋王從厚自鄴都
至是日發哀百寮縞素于位中書侍郎平章事劉昫宣
遺制宋王從厚于柩前卽皇帝位服紀以日易月一如
舊制云明年四月太常卿盧文紀上諡議曰聖智仁德
欽孝皇帝廟號明宗宰臣馮道議請改聖智仁德四字

爲聖德和武欽孝皇帝宰臣劉昫撰謚冊文宰臣李愚
撰哀冊文是月二十七日葬于徽陵五代會要四年
十一月二十六日崩於大內之雍和殿年六十七清泰
元年四月二十七日葬徽陵在洛京洛陽縣謚曰聖德
和武欽孝皇帝廟號明宗哀冊文左僕射平章事李愚
撰謚冊文吏部尚書平章事劉昫撰謚議太常卿盧文
紀撰年號二天成盡四年長興盡四年宰相十人豆盧
革韋說鄭珏任圖馮道崔協王建立趙鳳李愚劉昫使
相三十七人孟知祥李仁福李贖馬寶馬希振朱守殷
安元信毛璋符習霍彥威安金全錢元璪錢元球趙德
鈞孔勣高季興夏魯奇魯文安重誨孔循房知溫王建
立王都王延稟范延光趙鳳趙延翰馬希範高從誨馮
贊馬希杲姚元素康義誠張虔釗錢元璿朱宏昭張延
朗又唐清泰元年四月羣臣議明宗謚於南郊太常
卿盧文紀請謚曰聖智仁德欽孝皇帝廟號明宗宰臣
馮道議曰案謚法發號出令能悅民曰和克定禍亂曰
武大行皇帝契天功定神武請改聖智仁德四字
爲聖德和武餘依太常所議從之五代春秋癸巳四
年四月夏州李彝超拒命安從進師討夏州不克八
月皇子從榮爲兵馬元帥十月赦李彝超十一月戊子

帝不豫壬午誅從榮
戊戌帝崩于雍和殿

嗚呼自古治世少而亂世多三代之王有天下者皆數

百年其可道者數君而已況於後世邪況於五代邪予

聞長老爲予言明宗雖出夷狄而爲人純質清異錄明宗在藩不

妄費嘗召幙屬論事各設法乳湯半盞蓋罌中栗所煎者又明宗天資恭儉嘗因苦寒左右進蒸黃透繡襖

子不肯服索托寬仁愛人冊府元龜長興四年八月已丑帝顧謂侍臣曰前洋帥陳

羅稱病甚乞致仕信乎對曰實然帝因愴然改容良久

曰陳皐昔爲健兒從吾征伐操戈擐甲氣吞豺虎今衰

落如此浮生壯健都幾何時哉咄嗟久之因令孟漢瓊

往勞問搜採異聞錄五代之際時君以殺爲嬉視人

命如草芥唐明宗頗有仁心獨能斟酌援救天成三年

京師巡檢軍使渾公兒口奏有百姓二人以竹竿習戰

闖之事帝卽傳宣令付石敬瑭處置敬瑭殺之次日樞

密使安重誨敷奏方知悉是幼童爲戲下詔自咎以爲

失刑減帝膳十日以謝幽冤罰敬瑄一月俸渾公兒削
官杖舂配流登州小兒骨肉賜絹五十匹粟麥各百碩
便令如法埋葬仍戒諸道州凡有極刑並於五代之君
須仔細裁遣此事見舊五代史新書去之於五代之君
有足稱也嘗夜焚香仰天而祝曰臣本蕃人豈足治天
下世亂久矣願天早生聖人自初卽位減罷宮人伶官
廢內藏庫四方所上物悉歸之有司廣壽殿火災有司
理之請加丹雘喟然嘆曰天以火戒我豈宜增以侈邪
歲嘗旱已而雪暴坐庭中詔武德司宮中無得掃雪曰
此天所以賜我也數問宰相馮道等民間疾苦聞道等
言穀帛賤民無疾疫則欣然曰吾何以堪之當與公等
作好事以報上天吏有犯贓輒寘之死曰此民之蠹也

北夢瑣言明宗皇帝尤惡貪貨鄧州留後陶玘爲內鄉縣合成歸仁所論稅外科配貶嵐州司馬掌書記王惟吉奪厯任告敕配絳州刺史長流百姓亳州刺史李鄴以賊賜自盡面戒汝州刺史裴簡爲其貪暴汴州倉吏犯賊內有史彥珣舊將之子又是駙馬石敬瑭親戚王建立奏之希免死上曰王法無私豈可徇親由是皆就戮又供奉官丁延徽巧事權貴人多擁護監倉犯賊合處極法侍衛使張從賓方便救之上曰食我厚祿偷我倉儲斯於決死蘇秦說吾以詔書褒廉吏孫岳等以風示天下遂號通儒晚居絳臺會絳牧左右三十餘始就學郡政牧患之而未有策有客論以璨者若置諸賓席則左右不合而自改矣牧備禮以請璨璨辭以病牧竊訝之因託所親叩其所以然璨曰郡牧眞賢但左右非才汗之璨若受其請欲盡去其左右之不率者慮不能行且憂返爲此輩所賣則璨之道不行矣牧問之嗟賞再三使謂之曰秀才姑受禮命某能行之尋奏辟絳州防禦推官向來所謂不法者盡逐之杜絕請託獄訟無私翕然稱治後唐明宗因是識擢厯漢周官至侍御史

吳子曰君之用臣臣之事君若能如絳之賓主天下豈有
不平乎是以孔明王猛雖以偏方小國用于艱難之時
卒見取于天下後其愛人恤物蓋亦有意於治矣北夢
世者亦由此而已其愛人恤物蓋亦有意於治矣北夢
緄氏縣令裴彥文事母不謹誅之襄邑人周威父為人
所殺不雪父冤有狀和解明宗降勅賜死又孟鵠自
三司勾押官歷許州節度使上曰鵠實幹事人以此至方
方鎮爭不勉旃上心知其由徑忝冒故以此諷也五代
鎮爭不勉旃上心知其由徑忝冒故以此諷也五代
史補明宗之在位也一且幸倉場觀納時主者以車駕
親臨懼得罪較量甚輕明宗因謂之曰且朕自省事以
來倉場散給動經一二十年未畢今輕量如此其後銷
折將何以償之對曰竭盡家產不足則繼之以身命明
宗愴然曰只聞百姓養一家未聞一家養百姓今後每
石加二斗耗以備鼠雀侵蠹謂之鼠雀耗倉糧起自此
也五代史闕文明宗出自戎虜老于戰陳卽位之歲
年已六旬純厚仁慈本乎天性每夕宮中焚香仰天禱
祝云某蕃人也遇世亂爲衆推戴事不獲已願上天早
生聖人與百姓爲主故天成長興間比歲豐登中原無
事言於五代粗爲小康石林燕語後唐明宗嘗入倉

觀受納主吏懼責其多取乃故爲輕量明宗曰倉廩宿
藏動經數歲若取之如此後豈免折閱乎吏因訴曰自
來主藏者所以至破家竭產以償欠正爲是明宗惻然
乃詔自今石取二升爲雀鼠耗至今行之所謂加耗者
是也明宗知恤吏矣不知反墮其計中遂爲民害近世
立盤量出利法本防吏姦而州縣貪暴者因以歛民至
於倍蓰以其正數上供及應監司之求而畱出其卽位
剩以自給監司知之亦不問加耗又不足言也
時春秋已高不邇聲色不樂遊畋在位十年五代史纂
誤今案明
宗以同光四年丙戌歲四月卽位長興四年癸巳歲十
一月崩在位止七年七月可強名八年耳以爲十年則
誤也於五代之君最爲長世兵革粗息年屢豐登生民實
賴以休息然夷狄性果仁而不明屢以非辜誅殺臣下
至於從榮父子之間不能慮患爲防而變起倉卒卒陷
之以大惡帝亦由此飲恨而終是時大理少卿康澄上

疏言時事其言曰爲國家者有不足懼者五深可畏者
六三辰失行不足懼天象變見不足懼小人訛言不足
懼山崩川竭不足懼水旱蟲蝗不足懼也賢士藏匿深
可畏四民遷業深可畏上下相徇深可畏廉恥道消深
可畏毀譽亂真深可畏直言不聞深可畏也冊府元龜
康澄爲大
理少卿長興三年上疏曰臣聞安危得失治亂興亡誠
不係于天時固非由于地利童謠非禍福之本妖祥豈
隆替之原故雉雉昇鼎而桑穀生朝不能止殷宗之盛
神馬長嘶而玉龜告兆不能延晉祚之長是知國家有
不足懼者五有深可畏者六陰陽不調不足懼三辰失
行不足懼小人訛言不足懼山摧川涸不足懼蠱賊傷
稼不足懼此不足懼者五也賢人藏匿深可畏四民遷
業深可畏上下相徇深可畏廉恥道消深可畏毀譽亂
真深可畏直言茂聞深可畏此深可畏者六也伏惟皇
帝陛下尊臨萬國有八紘蕩三季之澆風振百王之

舊典設四科而羅俊彥提二柄以御英雄所以不軌不
物之徒咸思革面無禮無義之輩相率悛心然而不足
懼者願陛下存而勿論深可畏者願陛下修而靡武加
以崇三綱五常之教敷六府三事之歌則鴻基與五嶽
爭高盛德共盤石永固優詔獎之澄言可畏六事實中
當時之弊識者許之北夢瑣言大理少卿康澄長興
中上疏其要云是知國家有不足懼者五深可畏者六
勅旨褒稱之議者曰雖孫伏伽岑文本章疏而澄可與
易地而識者皆多澄言切中時病若從榮之變任園安
處矣

重誨等之死可謂上下相徇而毀譽亂真之敝矣然澄

之言豈止一時之病凡爲國者可不戒哉五代史史臣曰明宗戰伐

之勳雖高佐命潛躍之事本不經心會王室之多艱屬
神器之自至諒由天贊匪出人謀及應運以君臨能力
行于王化政皆中道時亦小康近代已來亦可宗也儻
使重誨得房杜之術從榮有脩誦之賢則宗祧未至于
危亡載祀或期于綿遠矣惜乎君親可輔臣子非才遠
泯丞嘗良可深嘆矣文獻通考後唐明宗實錄三十

卷陳氏曰監修姚顗史官
張昭遠撰清泰三年上

五代史記卷第六下